



Uf 4331

160,473.

sidr0010652



Biblioteka Jagiellońska

Mf 4331

DIONYSII FABRICII
PRÆPOSITI PONTIFICII FELINENSIS

LIVONICÆ
HISTORIÆ
COMPENDIOSA SERIES

IN QUATUOR DIGESTA PARTES AB AN-
NO MILLESIMO CENTESIMO QUIN-
QUAGESIMO OCTAVO USQUE AD
ANNUM MDCX.

CURANTE

GUSTAVO BERGMANN P.R.

EDITIO SECUNDA AUCTIOR ET EMEN-
DATIO.

STANNO RUIENSI c1810ccxv.

PRÆFATIO
EDITIONIS PRIMÆ.

*N*ON ita multo relatum mihi est,
Virum æstimatissimum & livonicarum
rerum Cultorem cupidissimum, *Johannem Ja-*
cobum Voss, Rigæ in bibliotheca sua asservare
Codicem veterem chartaceum DIONYSII FABRI,
Historici livonici. Nihil prius aut antiquius ex-
egi, quam ut potestas mihi Codicis hujus fieret.
Post aliquanto liber ad me missus est, qui oculis
meis vsque ad hanc diem sese subdlexerat. Sus-
cepi protinus exempla perpauca, Amicis infer-
viendi causa, formis typographicis exprimere.

Vir ingenio & doctrina præstantissimus
M. Johannes Christophorus Brotze, Professor
Lycei, quod Rigæ floret, meritis cumulatissimus,
qui potioris Patriæ Historiam semper amavit,
annuit precibus meis, & dedit mihi facultatem,
aliud *απογραφή*, sua manu & de industria de-
scriptum, inspiciendi. Ambos codices diligenter



1045905

evolvi atque expendi, & exempla XL typis expressa absolvi, ad veterem prope intermortuam Fabri renovandam memoriam, quem dignum existimo, ut ab omni in livonicas res toto pectori incumbenti, viferetur: licet male audiat apud Cl. Gadebuschium in eo suo libro, qui de Historicis livonicis conscriptus est.

Quam dolendum est! librum Dion. Fabri haud perfectum ad manus nostras pervenisse, quem supplere mihi non licuit. Auctor noster floruit temporibus Plettenbergii. Romæ aliquando versatus est in legationibus, & dicendo valuit.

Antequam verò libellum in apicum profero, hoc loco libet interponere, etsi sejunctum a re proposita est, quod mihi ætate superiori accidit. Allata quippe mihi sunt ossa humana, (radius videlicet & vlna,) quæ cum aliis in diruto culmine Templi *palæowendensis* ab ædificantibus reperta erant. Prioris Livoniæ Magistri tempore, hanc ædem constitutam esse, satis constat. Prospiciuntur ex adverso lacus, discussa mœnia arcis, quæ olim *Wenda* sive *Palæowenda* nominabatur,

nunc vero *Arrasch* vocatur. Hoc castellum Vinno statuit, & in eo bonus vir cum sacerdote primo palæowendensi *Johanne* a Dispensatore & Ordinis fratre *Wigberto*, nil aliud quam eadem & sanguinem cogitanti, jugulatus est. Arcem in qua occisus est Vinno, derelinquere placuit. Wigbertus erat homo luxuria perditus, seditiosus, religionem minuens, turpissimis cupiditatibus indulgens, imperio Imperatoris non parens, & ut opinor mente lapsus. A Furiis immissus ille veterator, simulata amicitia Magistrum in triclinium palæowendense devocat: ut limen intrarent, confestim manum ad capulum gladii defert, vagina nudat, (Armigeri enim semper ferro succincti incedebant,) & ambos, priusquam quisquam posset succurrere interfecit. *

* Si quæris quidnam commoverit atque commiserit Ordinis Parens & Johannes, quod in illos ita acerbè sævitum sit; intelligas necesse est, Wigbertum pecunias & res Magistri male tractasse, & ab eo repudiatum fuisse. Quæ contumelia eum non fregit, sed ad vindictam rapuit. Quod vero Johannem necuerit, factum esse credo, ne testis trucidationis superstes adesset.

(VI)

Is qui pestilens hoc facinus commisit, pœna qva dignus erat vt *Fabri* tradidit p. 29. sive 25. multatus est. Auctor *Livoniae Annalium* p. 61. scriptum reliquit: *fugientem a domo (h. e. ex arce) in Capellam persequuntur fratres, & comprehensum, per civile iudicium, sicut meruerat, crudeli morte interemerunt.* Est enim supplicium civile nullum aliud, nisi privatum qvale in cives Ordinis exercebatur, & opponitur in Annalibus iudicio publico. *Wigberti* sepultura itaqve non fuit volucrum potestas vti *Russovius* tradidit & multi alii, sed ille abdite, supplicio civili, qvale in *Monachos* reos statuere assolebant, mori coactus est.

Quis vetat nos credere, *Wigbertum* in radicibus culminis, sive in interiore parte vestibuli circumseptum fuisse, & se subiecisse oculis diripientium. Ordinis Fratres hoc supplicium singulare & satis acre in fratrem Procuratorem, sive res Magistri tractantem, qui lethale ferrum strinxerat, & in Magistri viscera adegerat, constituerunt, eumque interdicto aëre, ex rerum natura sustulerunt & eripuerunt.

(VII)

Murum disturbantes rustici reppererunt corpus humanum, nixis genibus, deprecantium more, facie in aram conversa: Ita enim rem omnem comperi a V. Cl. *Cornelio*, ibi rem divinam facienti. Vestigia lintei indusii, aut si mavis intimæ vestis ciliciz, perspicue in mortario expressa conspiciebantur. In illo specu, arctus cavus oculis sese obtulit, vt juxta superstitionem illius seculi, sic enim mihi verisimile, anima corpore soluta, ruptisque vinculis, fugam ex hoc carcere in orcum meditari posset.

Sub id tempus quo ibi sacra curavi, sæpenu-mero tres pilas lapideas, in summis tabulatis, supra testudinem ligneam propter vestibulum vbi valvæ conspiciuntur, animadverti. Quoties in illas oculos converti, dubitavi an olim fundamenti loco appositæ fuerint pro textura trabium & tignorum, vt forsitan aliquando turrim inædificare possent posteri. Quum vero æstate superiori *Paræci* turrim diu desideratam adstruere constituis- sent, & pilas has eminentes demoliri iussissent, *Wigbertus* in media pilarum inventus est opertus.

(VIII)

Talem quoque non immerens habuit exitum
vitz, vir equestris dignitatis, huic simillimus
& pari leto affectus, cujus nomen non con-
venit, de quo in libro meo de rebus gestis in Li-
vonia, mentionem fecimus, in eo volumine ubi
nomina Nostratium qui fere vsque ad hanc æta-
tem de Ecclesia Patriz meruerunt, enumeravi-
mus. In conditorio *mekkiano* in Æde D. Jacobi
Rigæ an. 1774. quum illum tumultum vetustate
atque incuria prolapsum, operarii revellerent, cor-
pus humanum muro septum offensum est. Hu-
jus quidem venefici & parricidæ, aut valde me
conjectura fallit, aut hic ipse talis est, clam fe-
cerunt Monachi potestatem, & stantem obrue-
runt, sub illud scilicet tempus belli civilis, quum
Ordo & Archiepiscopus essent in simultate, e-
umque tamquam civem perniciosum acrioribus
suppliciis coercuerunt. Peccans ibi ad mortem
raptus nemo ut opinor fuit alius, nisi vnus ex
his qui Archiepiscopum *Sylvestrum* ab Ordine diu
vexatum & oppressum, horror quidam & metus
cogitantibus obijcitur, veneno aggressi sunt. Ita

(IX)

hoc *Cassio* & *Bruto* non fuit lenitati locus,
severitatem res ipsa flagitabat.

Prima in edenda *Fabri* Historia cura fuit, ut
quibusdam locis, ubi mihi manifeste liber cor-
ruptus videbatur, medelam afferrem: e. g. P. 6
l. 24 pro *bonosæ anates* emendationem *canosæ
anates* in textum recepi. At Codex Tideb. ver-
bum insolens & inenodabile confirmat P. 4. l. 25
Edit. novæ. P. 9 l. 26 pro *magis istis artibus*
substitui *magicis artibus*. Codex laudatus habet,
magicis istis artibus. V. p. 7 l. 26. P. 10 l. 24 pro
pluvias fundere in imbres recepi *in miseros* in con-
textum. In Cod. T. occurrit, *ut pluvias fundat &
imbres*. p. 8 l. 24 seq. P. 11 l. 19 pro *imbrum
Dominorum jugum*, in textu posui *miserum*. Co-
dex T. legit *impium Dominorum jugum* V. p. 9
l. 17. P. 16 l. vltima, pro *obstruos* recepi *cater-
vas*. In Codice T. reperi *acervos* V. p. 13 l. vlt.
P. 46 l. 2 pro *regia majestate dietum*, elegi *re-
gia majestate dignum*. Recte suspicati sumus p. 40
l. 7. P. 54 sub Andr. Westphalo delevi Archi-
episcopum Jo. v. Lunen, & ad tempora Otho-

nis von Rodenstein transposui. Codicis novi auctoritate, lectionem revocavimus. p. 47. Ego mihi cavebam a mutatione textus. Interdum vocem delevi, interdum necessitate coactus aliquid inferui literis vulgo dictis *cursivis*. P 22. sive 19. legitur vulnere nactus, et si grammaticis præceptis inconsistentaneum, morbum subintelligere malui. Si quid forte alicubi a nobis peccatum fuerit, quod facile accidere potuit ei, quem distringunt multarum rerum negotia, id ut imbecillitati humanæ condonetur, vehementer rogamus. Si aliquando juvantibus Amicis, obsecundantibus Fautoribus, ad collationem exempli nostri, alium codicem imperavimus, corruptelas emendare, operam dabimus. Scribebam Ruinæ XVI Kalendas. Decembr. MDCCXCI.

GUSTAVUS BERGMANN.

PRÆFATIO

EDITIONIS SECUNDÆ G. B.

NUPER in editione, titulo quem Librarius Codicis Vosiani adscripserat, decipi nos passus sumus, Dionysium Fabri J. D. Auctorem hujus Livonicæ Historiæ citandi, sed vitiose; cum sit Dionysius Fabricius, Præpositus pontificius Feliensis verus ac indubius Auctor. Errorem meum, in quem, Codice Jo. Jac. Vossii, nunc rebus humanis exenti, inductus eram, jure corrigere jam convenit, cum scriptum aliud exemplum arcessendi facultas nobis data fuerit.

Vir literarum amantissimus, Henr. Guilielmus Joachimus Rikkers Revaliæ, cum ante annos quosdam, plures horas mecum consumsisset variis sermonibus, spem novi Codicis potiundi mihi fecit. Non ita multo post, Vir Cl. nec non doctissimus, Jo. Christianus Tidebøhl, Director & Professor primarius Revaliæ, ex Bibliotheca sua mihi petenti concessit atque sub-

ministravit, Codicem exoptatum, pleniorē & accuratiorē, quam exemplum jamjam a me in lucem, annis abhinc quatuor, proditum & recognitum.

Descripsi Codicem hunc religiosissime, quem Vir admirandæ doctrinæ, amicus meus dilectissimus, M. Jo. Christophorus Brotze Professor Lycei Rigensis eruditissimus, vel legendum vel inspiciendum vel emendandum suscepit, ingenio felici, oculis acutis, quia oculorum meorum aciem, inter legendum, varia effugerant, quæ mihi primum legenti non occurrerant.

Non ab re fecisse arbitramur, cum hanc Historiam formis typographicis, auctam, & emendatiorē ac antea, quanta maxima cura ac diligentia potuimus, exprimendam & repetendam curavimus, speramusque eam Lectoribus neque inutilem neque injucundam fore. Scr. in Parochia Ruteni XII Kal. Novembr. MDCCXCV.

DIVISIO OPERIS.

PARS PRIMA continebit Descriptionem Livoniæ & unde hoc nomen sortita, ejusque incolarum mores & ritus, quibus vsi antiquitus, præterea quomodo primo a nautis civitatis Westphaliæ Bremenfis reperta; quomodo demum Livones a Germanis subjugati & ad Christianismum conversi a temporibus Meinardi primi in Livonia Episcopi, qui annum circiter 1162 pro conversione hujus gentis missus in Livoniam: Et quo tempore Ensisferorum Ordo ad propugnandam & propagandam catholicam religionem ab Episcopis Livoniæ accitus, vsque ad annum 1238, quo Ensisferorum Ordo in Ordinem Teutonicorum fratrum, immutatus fuit.

(XIV)

ALTERA PARS Historiam referet eorum, quæ sub regimine Magistrorum Livoniæ Ordinis Teutonici (alias Crucigeri dicti) qui a Volquino primo hujus regulæ Magistro, vsque ad vltimum Gothardum Ketler in vniversum fuerunt XLVI, acciderunt.

PARS TERTIA vero continet narrationem, quomodo Livonia, cessante Magistrorum & Episcoporum Dominio, ad Regnum Poloniæ devoluta, & a Rege Sigismundo Augusto in tutelam suscepta: præterea recenset quæ inter Regem Sigismundum Augustum & Magnum Ducem Moschoviæ Joannem Basilii filium in Livonia facta sunt, vsque ad annum 1582, quo Rex Stephanus Batoræus Livoniam recuperavit.

QUARTA PARS, ea quæ a recuperata Livonia, tam sub Stephano Rege, quam sub Sigismundo tertio Polonorum Svecorumque

(XV)

Rege moderno, memoratu digna acciderunt in Livonia, recenset vsque ad annum 1610.

(1612.)

(XVI)

AUTHOR LECTORI.

Pastor ab Amphryso procul hinc, Driadesque puellæ;
Pegafidum Nymphæ, atque obsceni carmina amoris.
Arma cruenta cano, truculentæque prælia Martis:
Bellonæ furias: & atrocis spicula Lethi:
Quos perimens gladio, rapuit Proserpina secum,
Præcipientesque trahit; turmatim mittit ad oreum,

Livoniæ clades refero, pariterque triumphos,
Et belli eventus dubios, miserabile dictu;
Livoniæ tellus, quam multo sanguine parta est
Mædet humus scatetque cruor, jamque arva rubescunt.
Prælia quæ suffers, vix Maro recenseat alter,
Versibus aut doctus rite conscribat Homerus.

Theuto prius subigit: sed fida Polonia tutrix,
Eripit a Moscho, spurcos fugat inde Suecos.
Carolus en Sudeman bello te infestat iniquo.
Hostem compefcit tumidum, sed Carolus alter
Chodkewicz Comes, & Lithavæ fortissimus Heros,
Hic merito finem belli facit atque libelli.

ILLUSTRISSIMO

ILLUSTRISSIMO
FORTISSIMOQUE HEROI,
DOMINO DOMINO
JOAN. CAROLO CHODKE-
VICIO,

COMITI DE SELOW ET MYSSA IN BI-
CHOW, CAPITANEO GENERALI SAMO-
GITIÆ, CAPITANEO DERPATENSI.


&c. &c.

M. D. LITH. SUPREMO EXERCITUUM
DUCI, GENERALI PER LIVONIAM
COMMISSARIO,

DOMINO AC MÆCENATI SUMME
COLENDO,

DIONYSIUS FABRICIUS

Е П П А Т Т Е И Н.

UI potissimum hos meos in conscri-
benda Livoniæ Historia sudores, dux
ILLUSTRISSE, quos sane non ob aucupandæ
vel gratiæ vel gloriæ cupiditatem: sed ob vni-
cum duntaxat in patriam amorem impendere
non sum gravatus: inter tot tamque præclaros

(XVIII)

hujus amplissimi Regni nostri Toparchas ascriberem. Tu mihi primus omniumque dignissimus occurristi. Quippe quem de Livonia adeo bene meritum existimem: ut a temporibus, quibus principio, hæc provincia reperta, & ad Christi fidem conversa, digniorem (si quis saltem hujus historię seriem accuratius perlegat) neminem reperiatur, cui plura præstantioraque in Livonia præstita facinora, absque adulationis nota ascribi & annūterari queant. Quamvis haud pauci reperiuntur, qui initio hujus provinciæ fundatores extiterint, multoque labore & sanguine, feram illam atque indomitam barbariem, ad Christi Soteris cognitionem perducere conati sunt: Non tamen tam crebris celebribusque victoriis, uti Tu Dux INGLYTE, illustres habiti, qui quoties quoties cum Sudermano Duce, Livoniæ vero Regniqve nostri infensissimo hoste, configis: toties inquam toties devictis hostibus triumphas. Atque ut cætera præteream, quæ apud posteros de Te nomen & famam merentur immortalem, quorum non parvus si quis singula retexere laboraret, extaret elenchus. Quatuor illi conflictus, cum Sudermaniæ Principis exercitu habiti fat acres, totidemque reportatæ victoriæ, Tuam testantur imprimis fortitudinem, nostrisqve quas referimus hoc loco rebus, astruunt fidem. Vtputa sub Kokenhaufio, Albo Lapide, Kirchholmio, & Dunamunda, in quibus omnibus

(XIX)

adeo parva militum manu, ingentes hostium copias & acies, non sine immortalis gloriæ fama, nominisqve Tui perenni memoria feliciter perfreris, viceris, profligaris, unde profecto non patriæ duntaxat cives & regni nostri proceres, multam uti par est haurire visi sunt consolationem: Verum Rex ipse hanc Tuam non potuit, non approbare Magnanimitatem: quod vel hoc ipso testatum esse voluit, cum inter plurimos Lithuanicæ Heroas fortissimos, neminem, præter Te, aut digniorem aut feliciorem existimaret, cui clavam militarem, simul & regimen Ducis adversus tam callidum hostem patriæ committeret: verum etiam exteri reges & principes, Tuam in configendo dexteritatem, in dimicando fortitudinem: in vincendo felicitatem sæpius admirati. Quod vel inde constat liquido, cum Rex Angliæ simul & Scotiæ, audita hac Tua tam celebri nominis fama, literis suis Te inviserit: de Tua in superandis hostibus & reportandis victoriis felicitate, Tibi uti Duci fortissimo atque vigilantissimo gratulatur, suamque erga Te humanitatem ac benevolentiam quam officiosissime commendat. Cum tamen hæc nationes, innato quodam odio atque æmulatione Polonæ genti adversantur. Facilis ergo prudenti conjectura conceditur, prædictum Regem non blandiendi causa: (siquidem reges nemini libenter ablandiri sciunt, quin potius regibus omnes

blandiuntur) sed solo veritatis stimulo impulsam, quæ Tibi uti Duci peregratio a Superis immortalibus, imo a natura matre sunt impertita, attribueret.

Tantam igitur cum apud exteras nationes, quibus nullum inde accidit emolumentum, laudem merearis ac existimationem quanti maiorem apud tuos, si saltem livor & invidia abessent, hoc Tuo in patriam labore ac studio promereri, quilibet agnoscit. Nil mirum iccirco si Tibi fortissimo felicissimoque Duci per quem res ipsæ cum Carolo Sudermaniæ Principe ultra septennium gestæ, etiam earundem seriem & narrationem ascriberem: ut hac ratione merito idem ipse, qui Livoniæ domitor extitit, etiam tutor & censor sit operis. Quam quidem narrationis compendiosam seriem ideo posteritati transmittendam duco, ut imprimis Tui tam egregii Ducis virtus, militumque tuorum imperterriti animi robur & fortitudo, non facile oblitteretur. Præterea ut hujus provinciæ miserabiles casus, & belli dubios eventus posterius legant, & admirentur. Idque non cum in finem ut existimem, non reperiri plures, qui historiam hanc ab annis quadringentis & ultra fuscè politeque magis conscribere aut velint aut possint. Vti etiam scripsere sed lingua germanica. Verum quia hi vel ob hæresin suspecti vel ob philautiam in suos nimis affectati, ascribunt iis, quibus blandiuntur subinde plura

quam par est: nonnullis vero quibus non affecti detrahunt, etiam ubi laudem merentur: iccirco uti existimo parvam apud posteros hoc pacto fidem mereri. Ego vero rem ipsam obiter perstringendo neque minutiora quæ legenti fastidium parere possunt, refero: neque quæ notatu & animadversione digna lectoremque delectant intermitto. Non in verborum copia, aut styli sermonisque lepore ac elegantia: sed in veritatis relatione historię fundamentum pono. Quæ astipulante Tullio, testis debet esse veritatis. Ex cujus cognitione & lectione, si vera est & approbata, plurimi uti compertum habemus, præcis illis, imo etiam nostris temporibus in peritissimos bellicosissimosque evasere duces & imperatores: quorum hoc loco mentionem facere, vix necessarium arbitror: Vnum duntaxat affero. Nimirum de Lucullo tradit, qui Mithridatem & Tigranem vicit potentissimos reges, non aliam imperandi bellandique peritiam, quam ab historiis attulisse. Quæ sane si vel ob nimium in suos favorem adversæ parti detrahat: suæ vero ascribat, quæ non competunt: non testis habetur veritatis, sed suspecta fallacia, quæ legentem non modo non instruit: verum seducit & decipit: cum ea quæ suæ parti nociva sunt subiceat & exte nuet: quæ vero juvant nimium amplificet & exaggeret.

Verum cum in conscribendæ historiæ veritate observanda, contingat optimos Patriæ natos & cives Reipublicæ laudare, e converso autem perversos & degeneres vituperare, evenit, ut ex odio veritatis hi ipsi, quorum non sat laudabilis fit mentio, olores fiant vera scribentis: Et cum in æmulos vlcisci injuriam nequeunt, tela in eos qui similitudines eorum referunt, plerumque retorquent. Ut igitur imprimis inanis gloriæ bullas, ventusque tumidos, quos plerique ambiunt, qui historiam suam, cum adhuc in vivis extent divulgare curant, evitem: tum etiam ut eorum, quorum subinde non adeo grata sit mentio, livorem & odium effugiam. Te fortissimum juxta atque prudentissimum Ducem, cui libellum hunc manu scriptum dedo dedicoque, rogatum volo, ut lucubrationem hanc & exile in Te Ducem patriamque meam studium, a me serena fronte susceptum, in Tuam velis recondere bibliothecam: neque prius quam fatis cessero, vel Tu ipse, vel Posterius Tui edere curent. Quæ vero in hac historica relatione occurrunt, augenda minuendave aut saltem limitanda existimes: Tux singulari prudentiæ maturoque in rerum bellicarum experientia judicio, committo. Atque ut Te ipsum DEUS O. M. in patriæ reipublicæque nostræ, cuius Tu acerrimus defensor & propugnator existis emolumentum, Domus

vero & antiquissimæ prosapiæ tuæ ornamentum, diu saluum servet & incolumem, Tibi uti Mæcenati suo ex animo precor & opto.

CATALOGUS EPISCOPORUM ET ARCHIEPIS- COPORUM RIGENSIUM.

1. Episcopus Meinardus monachus. Lochaw. 1168.
2. Bartholdus Abbas Lucanus. 1196.
3. Adalbertus Canonicus Rigenfis. 1198.
[f. Albertus Buxhövdén.]
4. Nicolaus Canonicus rigenfis. 1230.

Sequuntur Archiepiscopi.

1. Adalbertus Westphalus (Saurbier) 1233.
2. Joan. a Lünen 1272.
3. Joan. a Vechten. 1286.
4. Joan. Comes Sverini. 1294.
5. Isarnus post factus Archiepiscopus Dania.
6. Fridericus liber Baro Bohemiæ 1300.
7. Engelbertus a Dalen 1340.
8. Fromholdus a Viffhusen. [Füllhausen] 1348.
9. Saihard. a Blomberg. [Siegfried.] 1369.

(XXIV)

10. Jo. a Sinten. 1373.
 11. Jo. Valendrader Francus. 1392
 Wallenrode.
 12. Jo. Habundi. 1417
 13. Henningius Scharffenbergk. (Hinnr.) 1424.
 14. Sylvester Cancellarius Magistri [a Meng-
 den] 1449.
 15. Stephanus Gruben. 1480.
 16. Michael Hilbrandi Revaliensis. 1484.
 17. Gasparus a Linden Westphalus. 1509.
 18. Jo. Blankfelt, qui simul erat revaliensis &
 derpatenf. Episcopus, Doctor utriusque juris. 1524.
 19. Thomas Schöning Rigenfis. 1527.
 20. Guilhelmus Marchio Brandenburgensis.
 1539. Ultimus & titulo tenus duntaxat Archi-
 episcopus habitus.

CATALOGUS
 MAGISTRORUM LIVONIAE.

1. Vinno Ensisferorum Magister. 1204.
 [f. Winandus von Rorbach.]
 2. Volquinus Ordinis Teutonici Magister.
 (fve Schenken v. Winterstätten aus Schwaben.)
 3. Hermannus Falke. 1223.
 4. Henr. von Heimborch. 1239.
 1245.

(XXV)

5. Theodoric. von Gröningen. 1247.
 6. Andreas von Stuklandt. 1250.
 7. Eberhardus Baro von Seinen. 1256.
 8. Hanno von Sangerhausen. 1258.
 9. Borchardus von Hornhausen. 1261.
 10. Georgius von Eichstädt. 1264.
 11. Wernerus von Breithausen. 1267.
 12. Conradus von Mandern. 1269.
 13. Otto von Rodenstein. 1272.
 14. Andreas Westphalus. 1274.
 15. Walther von Nordeck. 1275.
 16. Ernestus von Rassborch. 1278.
 17. Conradus von Fuchte wange. 1279.
 18. Wilhelmus von Schurborch. 1281.
 19. Conradus von Herzogenstein. 1287.
 20. Boltho von Hogenbach. 1289.
 21. Henr. von Dumpshagen. 1294.
 22. Bruno. 1296.
 23. Gotfridus. 1298.
 24. Conradus von Joke. 1307.
 25. Everhardus von Monheim. 1327.
 26. Borchardus von Dreileven. 1341.
 27. Gosvinus von Erke. 1347.
 28. Arnoldus von Vitinkhove. 1360.
 29. Wilhelmus von Freimersen. 1372.
 30. Lobertus von Hülßen. 1384.
 31. Woldimarus von Brüggene. 1394.
 32. Conradus von Vitinkhove. 1404.
 33. Theodoricus Türke. 1414.

- | | |
|--|-------|
| 34. Siverdus von Spanheim. | 1418. |
| 35. Cyfius von Rutenbergk. | 1428. |
| 36. Franco von Kersdorf. | 1437. |
| 37. Henr. von Bukkenrode. | 1439. |
| 38. Henr. Finke. | 1442. |
| 39. Joan. Osthof von Mengden. | 1456. |
| 40. Jo. Walthausen. | 1475. |
| 41. Bernhardus von der Borch. | 1477. |
| 42. Johan Freitag v. Lorinkhove. | 1486. |
| 43. Gualterus von Plettenberg. | 1495. |
| 44. Hermann von Brüggeneß dictus Ha-
fenkamp. | 1535. |
| 45. Jo. von der Rekke. | 1549. |
| 46. Henr. von Galen. | 1551. |
| 47. Guilielmus Fürstenberg. | 1557. |
| 48. Gothardus Ketler. | 1559. |

AD LECTOREM ADMONITIO.

Mirabere forsitan LECTOR OPTIME, qui fiat quod numerus Episcoporum & Archiepiscoporum Rigenfium medietatem non superet, numeri Magistrorum Livoniæ: Verum si causam scire placeat, facilis assignabitur ratio, Nam Magistri Livoniæ, veluti belli duces fuere in Livoniam ideo vocati, ut armis catholicam religionem in barbara gente propagarent, quare continuo degentes in castris, (cum Livonia bellis frequentibus æstualet, & a finitimis gentibus, utputa Samogitis, Curonibus, Danis, Svecis, Moschis,

sæpius læcessita) in conflictibus plures occubuerunt, ne ad senectam pertingere possent, quam in lecticulis matura morte erepti, ex hac vita discesserunt. Archiepiscopi vero ut spirituales Domini, & Primates hujus provinciæ, quibus tota Livonia obtemperabat, quos inquam ob muneris & vitæ innocentiam sanguine manus contaminare non decebat, tranquillum peragentes ævum, justum vitæ curriculum percurrendo, domi commorantes, usque necessitate naturæ compulsi, viam universæ carnis ingressi, in Domino obdormiverunt.

Præterea nec illud silentio involvendum, quin justî judicii Dei, mirabiles subinde, assignari queant rationes. Rohnburgi in Livonia, quæ arx fuit olim Archiepiscoporum Rigenfium omnes Archiepiscopi superius recensiti ordine depicti reperiuntur, qui in universum viginti fuerunt, & quatuor Episcopi qui eos in ipsis Livoniæ principii præcesserunt: ubi id animadversione dignum putavi, quod nimirum, decem & novem, qui re & titulo vere Archiepiscopi sunt habiti, spatium parietis palatii implentes, ultimo id est vigesimo in suo collegio locum non reliquerunt: Nec immerito, nam ultimus videlicet Guilielmus Marchio Brandenburgensis titulo tenus duntaxat Archiepiscopus, insuper et hæreticus, nec ullis sacris Ordinibus initiatus, ita ut in fide & vita cum prioribus non conveniebat, sic etiam Dei judicio

indignus habitus, ut locum cum cæteris occuparet. Priores enim illi novendecim omnes ordine in habitu episcopali sub infula, pedoque pastoralis depicti reperiuntur. Ultimus vero ut loco ab aliis separatus, sic habitu diversus pingitur. Nam infula in faldistorium deposita, loco crucis pedive pastoralis, ensen manibus gestat: & habitum archiepiscopalem in arma mutavit. Certissimum præbens indicium, hunc in Livonia in numerum Archiepiscoporum irrepsisse, non ut pacem quæreret, sed ut bella, ciceret, non ut oves Christi convocaret, sed ut dispergeret: quod tandem ad extremum eventus ipse probavit: Nam cum intestina bella, cum Ordine teutonico movere cœpisset, mox Livoniæ exitium subsequutum: nam diu secum certando, & altercando, cum convenire haud poterant: Livonia affligitur, & in aliud mutata dominium, postremo sub Tyrannidem Moschicam redacta est. Sic vigessimus numero, [ut nec plures nec pauciores viginti Archiepiscopos in Livonia fuisse, vere liceat affirmare] Archiepiscopalis dignitatis muneri coronidem imposuit.

PRÆFATIO AUTORIS.

VNIVERSAM Livoniæ Historiam, ab annis quadringentis & quinquaginta [nam annum circiter millesimum centesimum quinquagesimum octavum, a saluifero Virginis partu, primo Livonia a nautis bremensibus, civitatis Westphaliæ reperta:] quis hoc seculo, post tot bella & clades hujus Provinciæ, vere ac integre retexere vellet, vix reperiri posse intelligo. Eo quod Cruciferorum Ordo, ante centum sexaginta annos, ob conceptum in Sylvestrum, rigenssem Archiepiscopum odium, ordine decimum quartum, quondam Magistri eiusdem Ordinis cancellarium; postquam sacrum Mystam, veneno e medio sustulissent: Bibliothecam Archiepiscopatus, veluti totius livonici cleri thesaurum diripientes, annales Livoniæ ibidem repertos, non sine notabili, rerum tot memorabilium oblivione & interitu, memoriam posteritati eripientes, ignibus absumperunt. Extant quidem recentiorum quorundam lucubrationes, germanico idiomate conscriptæ, qui conati sunt vel relatione aliorum, vel propriis ex conjecturis, Livonicam conscribere historiam. Verum quam feliciter id præstiterint, ipsi sane viderint; postquam edictis publicis defuncti Ducis Curlandiæ Gothardi Ketleri cautum fuerat, ne talia exemplaria imprimerentur, vel

impressa in ejus Ducatu haberentur. Vnde constare potest liquido, prædictos auctores suspectos esse, & a veritatis semita exorbitasse: cum vel blandiendo aliquibus ascripserint, vel odio persequendo ex invidia affinxerint cæteris videantur, quorum nulla forsitan certa extat memoria. Qui enim historiam nostro seculo in Livonia conscribere aggressi sunt, recentioris doctrinæ Ministros esse certe constat: Hi quippe quid sani de orthodoxis hujus provinciæ Dynastis cæterisque Livoniæ Toparchis, viris catholicis, qui hujus soli magna cum immortalis sui nominis fama, fundatores extiterunt, tradere aut velint, aut possint, cuiuslibet relinquo sapienti cogitandum: cum Vaticaniano magis odio succenssi in Catholicos, optima quæque a majoribus præstita sinistre explicant: Vice versa suæ adhærentes sectæ, miris extollant elogiis, quorum tamen incuria, Livoniæ exitium jam pridem imminere omnibus in propatulo est. Quod igitur cæteris præstare difficile fore affirmo: nec ego mihi temere ausum præsumere, utputa de integro conari livonicam conscribere historiam: Et cuncta quæ in hac Provincia memoratu digna, in ipsis foundationis Livoniæ principiis ab annis quadringentis & quinquaginta contigerunt retexere: præsertim cum in hæc infelicissima incidimus tempora, quibus Livonia non modo antiquis careat scriptoribus, verum etiam incolis destituta, adeo ut, (nisi Deus ob flagitia

exacerbatus, placari queat) eam paulo post desolatam fore Sodomam, facile crediderim. Quare ea duntaxat literis mandare statuimus, ne omnia, vna cum temporis disfluxu dilabantur, ac sempiternæ sepeliantur oblivioni, quæ ab aliis scriptoribus, qui Livonicarum rerum crebram faciunt mentionem, non dissentiant, nec a veritate videantur aliena: aut quæ a majoribus per traditionem veluti pro ratis accepimus. Insuper accuratius commemorando, quorum recens apud plerosque hujus seculi extat memoria: Vt hac ratione nova nos finxisse, aut certa pro incertis, & e converso, retulisse nemo possit arguere: idque non prolixo adeo verborum ambitu, ut legenti nauseam pariamus; sed brevitati studentes, succincta ac compendiosa quadam serie commemoraturi.

PARS PRIMA.

LIVONIÆ DESCRIPTIO ET VNDE HOC NOMEN SORTITA.

LIVONIA nomen initio sortita est suum a LIBIS vetustissimis hujus regionis incolis, qui cis Dunam & ad littus maris baltici vsque ad fluvium Salis hanc inhabitabant provinciam. Lingva eorum est dialectus æsthonici idiomatis. Hæc provincia ob duplicem incolarum lingvam, qui antiquitus eam incolebant, in duas præcipue dividitur partes: In Lothaviam, quæ finitima est Litthuaniz & Samogitiæ, idcirco magnam quoque Lothavi cum Litthuanis linguæ habent affinitatem: & Æsthoniam, quæ finitima est Finlandiæ; quapropter Æsthones & Finnonnes magna ex parte, secum in loquela conveniunt. Lothavorum vero & Æsthonum idiomata adeo diversa videntur, vt verus Lothavus Æsthonem minime intelligat: pari modo Æstho Lothavum non percipit. Dividitur autem Æsthonia in varios districtus: vtpote Harrien, Wirland, Allentakiam, Wayel, Odenpe, qui est Episcopatus derpatensis, Jerven, Wike. Lothavia vero in hos partitur districtus; Libiam, Lothaviam veram, Curlandiam, Semigaliam. Spectant quoque ad Livoniam insulæ aliquot satis fertiles & copiosæ incolis: vt Oselium,

Dagen, Mone, Wormso, Rone, Wrango. Inter quas præcipuum habent locum Ofelium & Dagen, quarum quælibet quatuordecim miliaria germanica in longitudinem, & septem in latitudinem continet. Ofelium duas habet arces munitissimas, Arensborch & Soneborch. Incolæ harum partium æsthonico vtuntur idiomate. Habet autem Livoniâ finitimas sibi adjacentes regiones. Ab Oriente Moschoviam, a Meridie Lithuaniam & Prussiam, ab Occasu mare balticum, ab Aquilone Sveciam. Livoniæ fines per centum miliaria germanica extenduntur, a Revalia vsque Rigam sexaginta numerantur. Riga versus Memel ad fines Samogitiæ, quadraginta & aliquot. E converso vero ab Ofelio vsque Rigam per mare parimodo sexaginta miliaria. Et Rigâ vsque Duneborch Dunam ascendendo quadraginta censentur. Habet hæc provincia arces & munitiones muro cinctas centum & ultra, quarum quælibet habet adjunctum suburbium. Civitates muratæ novem: Riga, Revalia, Pernavia, Narvia, Wenda, Wolmaria, Kokenhausium, Felinum, Dorpatum. Dominium autem hujus provinciæ in multas partes divisum fuit. Nam Archiepiscopus rigensis, cum quatuor Episcopis, revaliensi dorpatensi osiliensi & Curlandiæ, duas partes Livoniæ sibi vendicabant: Magistro vero cum Ordinis sui fratribus, tertiam tribuebant partem, tanquam Duci exercitus, qui cum Crucigerorum

Ordine ideo in Livoniam acciti fuerunt, vt pro catholica religione, adversus barbaros & hostes Ecclesiæ dimicarent, & Christi propagarent fidem in armis. Cathedræ Archiepiscopatus rigensis, hæ arces erant assignatæ, Kokenhausium, Rohnburg, Seswegen, Schwanenburg, Pebalgum, Treiden, Cremon, Lenwarden, Uxkel, Lemsel, Laudon, Marienhaus, Lucin, Erinsborg (*Creuzborg*) Serbin. Episcopus revaliensis, duos integros districtus possidebat: Bornholm & Fegefeuer, latine purgatorium dictum. Episcopus vero dorpatensis occupabat Dorpatum, Kirienpe, Noyogrodiëk, Oldentorn, Werenbëke, Odempe & Monasterium Falkena, Ordinis sancti Dominici. Episcopus Curlandiæ tenebat Angermundem, Piltin, Novam arcem, Amboten, Dondangen & oppidum Hasenpoten. Episcopus osiliensis, Arensborch, Lode, Hapsel, Leal & monasterium Padis bene munitum.

Arces vero Magistri Livoniæ hæ numerantur, Wenda, Wolmaria, Arx rigensis, Nova mola, Kirchholm, Burtnik, Ruina, Ermus, Trikatum, Karkhausium, Helmet & Tukkm. Marischalci vero Livoniæ & Commendatorum Ordinis teutonici hæ censentur: Dunamundum, Ascherotum, Sigwoldum, Sunfel, Felinum, Arx Revaliæ, Pernavia, Marienborch, Duneborch, Goldingen, Mitawia, Window, Doblin, Frouenborch, Neuborch, Jurgensborch, Lays,

Tarwaſt, Vberpol, Dorben, Adzel. Advocatorum ceterorumque Fratrum Ordinis teutonici, hæ ſunt munitiones. Albus lapis, Weſenborch, Narvia, Tolsborch, Neuborch, Soneborch, Dalen, Bauſk, Candouw, Salis, Grobin, Roſiten, Seleborch, Skuien, Nitawia, Creutzborch. Nobilium autem excellentioris familiæ arces fuere, Ringen, Randen, Cawelet, Aetz, Pürkel, Fikkel, Lude, Rohp major, Rohp minor, Roſenbeck, Hochroſen, Berſon, Edwalen, Annenborch, Rodenpeus.

Præcipuæ vero civitates Livoniæ ſunt, Riga, Revalia, Narvia, Pernavia: ſingulæ habentes emporium, ubi variarum nationum mercaturæ exercentur. Livonia quoque abundat Nobilibus, qui aliunde in hanc provinciam venerunt: præſertim ex Weſtphalia & Pomerania figentes hic ſedem, adeo ut inoleverat proverbium: *Livonia, Germanorum xenodochium*; eſtque ad nutriendos ſuos incolas ſufficientiſſima, ut vix ullus ex præcipuis reperiatur Nobilibus, qui non proprios habeat lacus, ſtagna & amnes omni genere piſcium reſertos: cæduas ſylvas & nemora, ubi ferarum eſt copia aviumque ſylveſtrium, perdices quidem rariores, *bonoſæ* anates plurimæ. Frequentiores ſunt alces, capræ ſylveſtres ſaræ ob multitudinem luporum, qui eas extinguunt. Aprorum & vrſorum aliquibus in partibus magna multitudo, ut ſubinde agmina eorum videas. Caſtores,

lutræ, lynces, non ſunt rari, ſicuti martes & vulpes. Leporum copioſa eſt multitudo: ſuntque diverſi, alii namque hyeme albeſcunt ut nivis, alii ſemper grifei; frequentiores autem albi. Licetum eſt in Livonia etiam ſubditis quibuſcunque in ſuis partibus aucupia exercere: piſcari venari ſolis Nobilibus. Feras inſequi, capere laqueis, foveis, haſtis, ſclopetis, licetum eſt etiam agricolis. Stagnorum magnus eſt numerus, ut vix ea quis enumeret: nam ut ceteras præteream arces, quæ ſingulæ ſuos habent lacus non paucos; hæ tres arces Roſiten Lucin & Duneborch, centum & viginti habent ſtagna. Quid putas credendum de tota Livonia? inter quos lacus præcipui ſunt & nominatiores: Peips qui XXX miliaria dicitur habere in longitudine & in latitudine XV. Ab una parte alluit Moſchoviam, ab altera vero Dorpatum, a tertia Naryiam, a quarta Lais & Kiriempe. Eſt præterea inter Dorpatum & Felinum, alter lacus dictus Fertſcher (*Werzjeru*), habens ſeptem miliaria in longum, in latum autem duo. In Lothavia quoque eſt lacus Lubban, ſpatioſus, ſeptem miliarium longus; duorum vero latus. Fluyii celebriores Livoniæ, hi numerantur in Lothavia. Duna qui a Kihoviæ finibus fontes trahit, Gavia, Eviſta, Salis. In Æſthonia ſub Dorpatum Emmajogge, laſine interpretatur mater fluviorum, ob copioſam piſcium multitudinem. In hoc flumine, uti ab in-

colis istius loci refertur, Sirenes reperiri dicuntur; quos illi deorum loco colunt, fluit ex Ferscher in lacum magnum Peips. Est alius quoque fluvius Narvia dictus, in quo tantæ aquarum sunt cataractæ, ut a strepitu illarum incolæ fiant furdastres. Tertius est fluvius Pernavia, unde & civitas illa nomen habet. In Curlandia sub Mitavia Buldera, Memel & Mus sub Bausk; Window & Libo. Nec illud intermittendum putavi, etiam fluvios reperiri in Livonia, ubi nascuntur uniones in conchis, ut ipse vidi, non minoris magnitudinis, ut videantur orientales esse, præcipue cum bene maturescunt. Sed quia imperitia laborant rustici illius loci, ut tempus maturitatis non advertere possint certum, sit ut colligere eos nequeant; idcirco rariores.

Estque hæc provincia etiam frugum fertilitate vberima, quippe quæ omnis generis frumenta producit, & quamvis minori cum molestia terra excolatur, & versus septentrionem sita sit & finitima Sveciæ, tamen intra tres menses frumenta æstivalia maturescunt. Armentorum & pecudum mater & nutrix est optima, sufficiens præbendo alimentum. Sylvis & eremis ditissima, quibus paludes sunt intermixtæ, pascua & præta pingua, fœni copia. Apum & mellis quoque nulla caritas, quamvis antea major fuit mellis abundantia. Agri fertiles adeo, ut plerique denario fructu gaudeant agricolæ ex seminibus.

Censum multum pendunt Dominis subditi, ita ut ignorem num aliqua reperiatur regio, ubi plus annuatim Domino solvunt rustici quam in Livonia, tam in frumentis quam re familiari.

DE CULTU RELIGIONE ET MORIBUS INCOLARUM LIVONIÆ.

Barbaram hanc ab initio fuisse gentem, & omnis expertem vrbانيتatis civilitatisque, vel ex eo quod solem, lunam, tonitrua, deorum loco coluerunt, liquido constat. Pari modo serpentes venerabantur, quos in domibus alebant, qui adeo fuere cicures & mansueti, ut neminem in domibus eorum tam ex hominibus quam jumentis læderent: ut etiam parvuli eorum, cum illis luderent; quorum usus etiam in hodiernum diem usque apud plerosque habetur, ubi in lectis & stratis vna cum illis cubant. Plurimi in hac gente, & nunc quoque incantationibus, veneficiis, variisque superstitionibus addicti, quorum alii dracones in domibus suis alunt, qui frumenta furantur & ad suos reportant, alii serpentes ingentis magnitudinis nutriunt, qui mulctram furantur vicinis pecoribus, & domesticis afferunt. Alii sal incantare sciunt, quo sibi inferos veluti toxico quodam veneno inficiunt. Adeo sunt aliqui periti magicis istis artibus, ut etiam media ætate cum infensissimi esse soleant calores, provocare possint pruinas, frigora, nives. Et

quod magis est, frumenta iam sata & iam ex terra prodeuntia ad talos vsque, suis veneficiis impellunt, vt retorto modo superiores fines in terram recreſcant, & tanquam tricae in agris intricentur, vt agricola nullum inde habeat fructum. Colunt nonnulli quereus insignes aliasque arbores opacas & ingentes, per quas olim Dæmonum reſponſa acceperunt. Cæteri lucos adorabant, quos circa pagos & domos fovebant, qui adeo ſacri habentur, vt in eis virgultum excindere nefas ſit: quin exiſtiment illico ei malum evenire, qui hoc facinus tanquam ſacrilegium commiſit. Obſervant quoque hanc conſuetudinem in hodiernum vsque diem, quando magna eſt ſiccitas terræ, in defectu pluviæ, ſolent in collibus inter denſiſſimas ſylvas tonitrua adorare, eiſque immolare iuveneam nigram, hircum nigrum, & gallum nigrum: quibus maſtatis ritu ſuo convenient plurimi ex vicinia, ibidem convivantes & potitantes, invocando *Percunum*, i. e. deum tonitru, omnium primo infundentes craterem cereviſiæ, quem ter circumferentes circa ignem ibidem excitatum, poſtremo effundunt in ignem orantes *Percunum*, vt pluviæ fundat & imbres. Mortuorum cadavera priſcis illis temporibus in rogum injicientes ardentem, combuſſerunt. Quotannis ſuorum atavorum avorumque ſinguli ſingulos vocantes nominibus propriis, memoriam obire conſueverunt, idque menſe No-

vembri, circa commemorationem omnium fidelium defunctorum. Vtuntur autem his ritibus, calefaciunt balnea, ſcopis mundantes, apponentes animabus eorum cibum & potum, exiſtimantes eas egere illa reſeſtione cibi potuſque, vt in hac vita. Vbi autem ad veſperam vsque cibus permanſerit illæſus, alloquuntur animas his verbis. Animæ cariffimæ, ecce nos tractavimus Vos pro poſſe noſtro, æqui conſulite & finite nos per hunc annum vsque anno ſequenti redeunte, anniverſario die Vos ſumus pari liberalitate tractaturi. Quibus dictis cibum potumque appoſitum animabus, in ædes ſuas deferentes, ipſi conſumunt. Alii in ſepulcris & monumentis ſuorum, cibum & potum animabus apponentes, eoſdem obeunt ritus. In exequiis autem lamentari conſueverunt diram ſervitutem & impium Domino jugum deteſtando, gratulando vero mortuis qui hanc ſervitutem evaſerunt, qua crudeles Germani eos oppreſſerunt. Habitus eorum ſpretus & vilis ex panno telaque quam ipſi conficiunt. Calceamenta ex cortice tiliæ & ſalicis ſibi plicare apte norunt. Hyeme vero in eandem formam, ex cute jumentorum ſibi calceos parant, quos Paſtalas vocare ſolent. Mulieres & vxores eorum comas nutriunt, nunquam plectentes, ſed per cervicem & genas dependent non ſine naufea eorum, qui eorum uſum ignorant. Vittis tamen lineis capita tegunt, filis verſicolor-

ribus textæ vel acu pictæ. Ancillæ & innuptæ ferta gerunt ex fetis equorum varii coloris, quas ipsi coloribus imbuerè optime sciunt, satis artificiose texta, quæ signa sunt virginittis. In Libiæ vero partibus, & cis Dunam incedunt ancillæ coronis ex lamina aurichalci factis, forsitan idcirco quod Libi ex regia oriundi familia. Equum dum equitare vult, tenetur rusticus a dextro latere ascendere vno cum calcari, cum proficiscitur per sylvas, ejulare potius quam cantare solet, *Feru Jeru masculu Jehu Jehu Jehu*. Germanus si illi fuerit obuius, mox ab equo desilire tenetur donec transeat. Armis nullis uti, illis conceditur, nec aurum gestare. Vescuntur plerique pane filigineo & carnibus porcinis magis quam bubalis, jejuna stricte observare solent: feriis quartis jejunant ex traditione majorum. In quadragesima vix præter caules & raphanum comedunt. Cerevisiam in suis partibus potissimum ex hordaceo brasio, lapidibus braxare sverunt. Alii massam facientes ex farina polentæ missa in frigidam aquam, deinde in furno pinsere solent, quæ cum bene tosta, aqua ferventi ac bullienti superinfusa, saporem & dulcedinem eliciunt, inde cerevisiam non sane insipidam conficere norunt. Raptu puellarum sua connubia contrahunt. In nuptiis eorum diu noctuque stratæ sunt mensæ, nec cibus vnquam deesse debet, nam fercula & cibi, alii alios sub-

sequuntur idque per triduum. In quibus nuptiis vel aliis computationibus, promiscue dormiunt viri & fœminæ in vno strato. Choreas ducunt utroque simul proficientes pede. Cantilenæ eorum ferme distichis includuntur, quæ paritate syllabarum conveniunt: sunt pleræque argutæ & sensum in duobus absolunt versibus. Omnes eodem cantantur tono & melodia. Lingua eorum adeo sterilis est, ut optima quæque proferre non posses, nam virtutem, probitatem, devotionem, & alia plurà maxime necessaria, proprie eorum lingua interpretari nequis. Habuit hæc gens olim quoque regulos suos, quorum alter Libiæ rex, alter Curoniæ dictus fuit. Uterque progeniem suam reliquit. Nam qui Libiæ & Lothaviæ dominabatur, inter Kirholm & Uexkel non procul Riga suam fixerat sedem, ubi & nunc reperiuntur ex ejus familia subditi, qui Regis nomine vocantur. Qui vero Curlandiam regebat, circa Grobinum habitabat, ubi et modo pagus integer est ex ejus progenie, qui præ ceteris hac libertate donatur: ut censum non solvat Duci: nisi equos aliquot alere tenetur militares, pro expeditionibus ubi opus censetur.

Est autem gens hæc per Dei gratiam nunc tandem non sine magnis laboribus & copiosa sanguinis partim Barbarorum partim Christianorum effusione, ad Christi fidem conversa, & catholicis ritibus imbuta, (quamvis aliquibus in partibus

reperiri qveant qui in institutione christiana, ob sacerdotum inopiam, quorum semper defectus fuit, præsertim iis in finibus, ubi rarior est frequentia hominum, & incolæ in sylvis degunt non beneinformati,) sufficit tamen quod baptismatis lavacro initiantur & Christiani fiant, quod ex majorum traditione acceperunt. Vbi vero sunt civitates, & arces crebriores reperiuntur, ibi sane hic populus simplex magna cum devotione sacris ritibus & concionibus interesse solet. Cum autem solennitates imminet festorum, turmatim ad confessionem properant, ut una die videas, sexcentos vel septingentos ex rustica gente promiscue viros & fœminas communicare. Magno in usu est apud illos sal benedictum adversus morbos & veneficia, sic aqua lustralis etiam, quam in domibus servant. Per quæ, operante eorum fide, Deoque cooperante, sæpius ab infirmitatibus suis liberantur. Cum parvuli eorum ægrotant, ad sacerdotem deferunt, ut manus illis imponat, & oret super eos. In malitia quoque innatam quandam habent calliditatem, ut fallere, decipere, mentiri artificiose, quod est illis proprium, adeo ut aliquando ingenia eorum mirari debeas cum videantur tam simplices & inculti. Ad juramenta præstanda cum coram judicio lis est, non facile inducuntur, & si qui juramentum præstant, exosi sunt aliis. Malunt damnum subire etiam notabile, quam jurare etiam in causa justa. Gens laboriosa nimis &

fœcunda, vix aliquot horas tribuit quieti, diu noctuque operatur. Externorum familiaritatem maxime fugiunt. Si Polonus aut Germanus advenerit insperate, mox latebras quærunt & sylvas consulunt. Benefici autem sunt in eos quos noverunt, nec viaroti cibum denegant.

QUOMODO LIVONIA PRIMO A GERMANIS REPERTA.

Annum circiter millesimum centesimum quinquagesimum octavum, Friderici Barbarossæ Imperatoris tempore Livonia a nautis civitatis Westphaliæ dictæ Bremen. primo inventa est, qui inviti adverso vento & tempestatibus, in ostia Dunæ ad littus *libicum*, ubi *Libi* vec *Livi*, uti superius relatum est, hanc provinciam incolebant, appulerunt. Ibi multis diebus secundum expectantes ventum, ut ædium temporis sublevarent, cum regionem viderent sylvis densis obsitam, in littus descendunt, hinc inde lustrantes incolarum casas atque tuguria, quos in nigro advertentes habitu, tanquam peregrinos & invisos barbaris, relictis domibus ad sylvas fugiunt. Germani vero & nautæ eo tutiores omnia percunctantur, cum magnam apium copiam reperissent in eorum partibus. Et gens illa mellis duntaxat liquorem ex favis expressum, ceram, cujus usum ignorabant, cum apibus interfectis immundam adhuc in acervos ad instar fimi

cumulos accumularunt. Quod cum agnovissent mercatores germani, qui in littus descenderant, non parum exhilarati, se magnum suæ navigationis commodum invenisse: significantes id cæteris qui in navibus remanserant, ne forte ob paucitatem a barbaris interficerentur; naves suas talibus quisquiliis onerare cœperunt; relinqvendo tamen incolis munuscula loco ceræ, vt secures, vomeres, cultros, annulos, & id genus alia. Tandem nacto vento secundo, ad propria navigant, non sine emolumento. Intimantibus autem cæteris, suæ navigationis successum, & quod vidissent regionem ignotam a barbaris inhabitari, quorum linguam non perciperent, proinde situm loci & incultam barbariem gentis illius; plures sibi associarunt naves, secundo jam studio in Livoniam tendunt. Quod cum æque feliciter successisset, diutius jam commorati, vt saltem per modos varios, gentis illius qualem qualem notitiam contraherent: eminus per signa & gestus eos allicere cœperunt, humaniter eos tractantes, & singulis munuscula distribuentes: barbari autem experti externorum benevolentiam, alii exponunt, & successive sic plures allexerunt. Quos pari excipientes humanitate Germani, sensim eos pellicere cœperunt, vt cum eis conversarentur.

Sequenti autem vere plures colligentes naves, portum libicum petentes non parvo cum comi-

tatu, & mercium variarum copia, facilior illis patere cœpit aditus quam ante. Liberius cum barbaris conversantur, quos more solito Germani devincire sibi, omnibus modis laborant. Cum quibus per multum tempus cum morati fuissent, aliquot suæ gentis pueros inter Livos relinqvunt, linguam peregrinam addiscendi gratia, donec reverterentur: ipsi vero in Westphaliam navigantes læti, læta nuncia suis referunt. Cum autem quarto redirent, magis adhuc auctus est navium hominumque numerus. Tum per interpretes suos pueros, cum Livis lingua eorum agere cœperunt, omnem eis exhibentes humanitatem, ita vt barbari Germanos haud viderentur, concedentes mercatoribus vt illis liceret ulterius ingredi eorum regionem cum mercibus suis. Interea Livorum regem adeunt, quo invitato, cum magna barbarorum frequentia laute & splendide mercatores tractarunt. Quo in convivio inter cætera fercula etiam duo haleces regi apponuntur, qui pisces ignoti erant huic genti. Rex autem sciscitatus qualisnam esset hic piscis? cum marinum esse intellexisset, halecem a cauda scindere cœpit. Quod factum Germani sibi pro omine habuerunt: divinantes sibi, hanc gentem aliquando subjectam fore Germanis, quem morem multi in hunc usque diem Livones rustici habent, vt comedentes halecem semper a cauda incipiant.

Eodem tempore Germani a Liborum rege impetrarunt tantum fundi, ut bovis corio cingere & occupare possent: quod cum obtinuissent, non enim credebat Rex dolui latere sub tali petitione, illi corium tenuissimas in ligulas discindendo, partem terræ ubi nunc Riga sita est cinxerunt, ubi suas ædículas pro mercimoniis fruiere cœperunt. Ne autem aliquando a barbaris spoliarentur, & ut magis tuti inter illos habitarent, petierunt sibi concedi a rege ut ædificare illis licitum esset pro munitione lapideam aliquam, ubi se tueri possent, si vim paterentur a barbaris. Itaque cæmento ex Germania advecto, primo Templum divo Martino ædificare cœperunt, in insula quæ in mediis aquis sita est fluminis Dunæ, quo consummato Uxkel arcem & Dalen, cis Dunam locarunt. Hac ratione cum Germani se pedem quodammodo fixisse in Livonia advertissent, & illis concessum esset, jam ultro citroque per Livoniam proficisci cum mercibus, quibus gens barbara delectabatur, adduxerunt secum ex Germania sacerdotem, virum pium, & doctum monachum ordinis D. Dominici, MEINHARDUM nomine, qui munia sacra obiret, & discendo barbarorum linguam, eorum se accommodabat moribus & ingeniis, cœpitque eos docere fidem Christi, quanti ipse Dominus tum miraculis tum verbo salutari confirmavit. Crescente autem in dies Germanorum & mercatorum numero in

Livonia

Livonia ut jam quodammodo si quid adversi eis eveniret, resistere barbaris possent, cœperunt fundum suum a rege, ut ante diximus impetratum, quem corio bovis circumdederant, mœnibus cingere & lapideas sibi ædificare; locaruntque ibi Civitatem Rigam, ad littus Dunæ, quæ nomen sortita est suum ab ædificiis vel horreis, in quibus Livones sua solebant siccare & triturare frumenta; quorum ad littus Dunæ magna fuit copia, quas ædes Livi vel Livones sua lingua *Rias* vocare soliti. Quod cum advertissent barbari, cœperunt resistere & minus tempestive sapere. Meinardus tamen qui gratiam hujus gentis obtinuerat, barbarorum rabiem & furorem mitigare cœpit, persuadendo illis, Germanos non in præjudiciū eorum, civitatem munire, sed ut ipsi potius tutiores intra mœnia degere possint. Si quomodocumque sedati Livones quiescere cœperunt, interim tamen pergunt Germani in perficiendo opere.

MEINARDUS MONACHUS

PRIMUS EPISCOPUS LIVONIÆ.

ACCITIS pluribus in Livoniam sacerdotibus & presbyteris, Germani MEINHARDUM Monachum cum aliquo præcipuo ex regia Livorum familia viro, qui ad fidem Christi a MEINARDO conversus, & cum tota sua domo & affinitate baptizatus, *Cobbus* nomine, Romam mittunt ad Ponti-

B

ficem *Alexandrum* ejus nominis III, ut Episcopum aliquem statueret & mitteret in Livoniam. Pontifex percunctatus a MEINARDO ejusque comite provinciae & gentis illius morem & vitam, proinde fructum quem Germani fecerant in Livonia, ut gens illa converti posset ad religionem catholicam: eundem MEINARDUM Livoniae creavit Episcopum, tanquam de Livonia bene meritum, qui et linguam eorum didicerat. Reversus igitur in Livoniam MEINARDUS cum comite suo *Cobbo*, non sine summo Christianorum gaudio & applausu, cepit strenue in vinea Domini laborare, & Christi fidem in barbara gente propagare. Germani autem moliuntur opus jam ceptum perficere. Verum MEINARDUS viginti tribus annis cum magna laude animarumque salute huic provinciae praefuisset, non sine luctu Christianorum ex hac vita migravit ad Dominum anno 1193.

BARTHOLDUS ABBAS LUCANUS.

SECUNDUS EPISCOPUS LIVONIAE.

DEFUNCTO *Meinardo*, Germani mittunt ad Archiepiscopum bremenensem civitatis Westphaliae, orando ut eis a summo Pontifice alium Episcopum impetraret. Substituatur idcirco in locum *Meinardi*, *Bartholdus Abbas Lucanus*, qui veniens in Livoniam, statim obvios habuit in armis Livones, Estones & Curones, volentes

Episcopum cum Christianis exturbare ex Livonia. Verum *Bartholdus* cum suis Christianis, coactus est committere praelium cum Atheis, in partibus ubi modo Rokenhaufium situm est. Verum praedictus *Cobbus* in conflictu illo habito cum barbaris, lethali vulnere nactus, paulo post diem suum obiit. Ceciderunt ex Christianis trecenti, attamen parti sunt Christiani victoriam.

Exinde Germani auxilio petentes ex Germania, certare coeperunt cum barbaris de dominio. Sub hoc Episcopo perfectum est opus, quod coeperant Germani, videlicet Rigam mœnibus circumdare. Quod ipsum cum *Esthones* ferre nollent, iterum arma parant adversus Germanos & Episcopum *Bartholdum*. Cum esset magna peregrinorum copia in Livonia, cogitur Antistes secundo cum illis conficeret, quo in conflictu non adeo feliciter decertatum est. Nam ipse Episcopus in hoc praelio occubuit, cum MLX Christianis, quum praefuisset Episcopatusi vndeclm annis.

ADALBERTUS WESTPHALUS.

TERTIUS LIVONIAE EPISCOPUS.

EXTINCTO *Bartholdo*, qui non sine Christi fidelium in Livonia mœrore in praelio occubuit, iterum mittunt Livones ad Archiepiscopum bremenensem, qui alium in Livonia procuraret Episcopum. Erat tum Breinae vir pius & rectus *Adal-*

bertus, ex eadem civitate oriundus, non postremæ familiæ. Hic Romam missus ad Innocentium III rom. Pontificem, qui eum Episcopum constituerat Livoniæ, & adjunxit Pontifex eidem Episcopo adjutores, qui illi forent auxilio adversus barbaros, equestris ordinis fratres Ensisferos, quorum votum erat castitatem servare, obedientiam præstare & pro Christi fide pugnare, & vitam sanguinemque profundere. Habitus erat eorum Ephestris alba, rubea insignita stella: & gestare enssem, unde et Ensisferi dicti fuere. Hic Episcopus cum ordine prædicto, hoc privilegio donati erant a Pontifice, ut quidquid illi sibi subjugarent ex barbara natione, eorum Dominio potirentur, tanquam veri hæredes cum suis posteris.

VINNO

PRIMUS MAGISTER LIVONIÆ.

ANNO idcirco 1204 *Adalbertus* Episcopus cum ordine Ensisferorum missus in Livoniam, cujus ordinis Superior erat vel Magister VINNO, vir fortis & bellicosus, qui ab Episcopo Adalberto Dux belli erat constitutus. Uterque illorum omni studio laborare cœperunt, ut quam plurimos Nobiles in Ordinem suum recipere possent, quo facilius genti feroci & barbaræ resisterent. Nam summus Pontifex hunc Ordinem multis titulis & indulgentiis ditarat, omnesque qui adver-

sus hanc gentem pro Christi fide certarent. Idcirco magnus & frequens erat Peregrinorum numerus in Livonia qui ob indulgentias consequendas ultro et suis sumptibus pugnabant cum Atheis Libis, & Æstthonibus, Curonibus & Lothavis, pro religione catholica. Hic Vinno Magister Ordinis Ensisferorum & Dux belli in Livonia, sæpius cum prædictis nationibus confligit satis feliciter. Nam et Moschorum Ducem cum suis profligit, ubi ipse Dux cum sexcentis occubuit, & munitiones quas barbari tenebant in sinibus Kokenhaus occupavit.

Hic ferme temporibus idem Episcopus Adalbertus, duos alios Episcopatus, alterum in districtu Uggenus, qui postea dictus dorpatensis, alterum lealensem, diversis in locis fundavit. Lealensi Cathedrali præfecit Abbatem bremenensem *Hermannum* nomine, qui arcem Leal & Monasterium ibidem exstruxit. Hic Episcopus veniens Rigam, Albertum Episcopum rigensem visitat cum illo de rebus arduis consultando, quæ in Episcopatus sui principiis videbantur inservire sibi: qui tum temporis ab eodem Episcopo rigensi etiam uggenensis constitutus est Præsul, & ibidem arcem episcopalem cum cathedrali Ecclesia perampla, Dorpati ædificavit, in loco aenæo conspicuoque. Hic Hermannus dum circa ædificationem arcis & cathedralis Templi occupatur, interim Sveci arcem Leal cum

Monasterio expugnarunt, qui infcio Hermannō in ejus Episcopatum irreperant. Verum expul-
sis iterum Svecis, denuo Leal cum Monasterio
restauratur, construiturque ibidem alter Episco-
pus ejusdem nominis vt prior. Circa idem tem-
pus Episcopus rigensis, variis in locis Ecclesias &
Cenobia extruxit, variorum Ordinum Religiosos
in Livoniam accivit. Ecclesiam cathedralem Riga,
sub titulo Assumptionis beatissimæ Virginis Mariæ
edificavit, qui et deiparam Virginem in Livo-
niæ Patronam adoptavit. Hinc in vñ erat apud
Fratres Ordinis Ensisferorum, cum aliquis Novi-
tius, in eorum reciperetur Ordinem, eum ini-
tando hoc modo. Magister ipse ensē evagi-
natum tenens manibus, admonitione vsus ad e-
um qui recipiendus erat ad regulam Ordinis illi-
us, quæ fuit, eum in dextrum humerum levi-
scule percutiens, inculcando hunc sequentem
rithmum:

Dis Schwert-entfange von meiner Handt.

Zu schützen Gotts und Marien Landt.

(De manibus desume meis hunc militis ensē,
Ac Christi Matrisque suæ defendito terram.)

Anno 1208 alter Hermannus lealensis Episco-
pus quoque Rigam profectus ad Episcopum ri-
gensē. Interim Johannes Rex Sveciæ reus
nominis primus, magno cum exercitu in Livoni-
am venit, Episcopos & Presbyteros secum addu-

cendo, qui infideles Æsthones ad fidem conver-
terent. Hic cum per districtum pernaviensem
iter facit cum exercitu, Æsthones depopulando,
simul arcem Leal occupavit, ibi ex suis Episco-
pum relinqvens cum Capitano quodam Carolo
nomine & præsidio munivit, relinqvendo quin-
gentos milites svecos.

His peractis rex ad re-
gnum properat. Æsthones vero ex Insula Osel
districtuque pernaviensi, qui alias dicitur Wike,
colligentes exercitum, magis vi adoriuntur Sve-
cos, & arcem obsidione cingunt Leal, igneque
eos angustiantes qui in arce erant. Episcopus
cum Carolo Capitano statuunt configere cum
Æsthonibus, quos cum non tam multos speras-
sent; ab Atheis & Barbaris omnes ad vnum cæ-
duntur: arcemque incendio absumserunt. Sic
Sveci pariter & Germani carere coacti sunt, quod
magno cum labore partum erat, non nisi pro-
pter invidiam Svecorum: vnde tamen commo-
tus Episcopus rigensis & Magister Livoniæ Vin-
no, colligentes copias, Æsthones adoriuntur,
debellantes eos & sic in ordinem redigerunt; qui
coacti sunt prædictam arcem Leal reedificare.
Istis temporibus Cathedra Episcopi lealensis in
antiqva Pernavia fundata erat, quia nullibi loco-
rum in Æsthonia arces adhuc extructæ erant. Post-
quam autem Æsthones arcem Leal iterum perfe-
cissent, fedes Cathedræ Pernaviæ, Lealum trans-
lata fuit: (quæ deinceps cum Oselii arx Arens-

burg extructa esset,) sedes Episcopi lealensis, tum Episcopatus lealensis, translata est Arensburgum, & mutato nomine dictus est Episcopatus Ofelienfis.

His peractis cum Æsthones ad obedientiam redacti essent, ut paulo ante relatum est, commotus est quoque Waldimarus II ejus nominis rex Daniæ, experiri fortunam suam in Æsthones, qui præmittens exercitum copiosum in Livoniam, hos districtus, Harriam, Wirlandt & Jerven subjugarunt. Seqventi vero anno, Rex ipse cum Archiepiscopo Lundia subsecutus, & cum exercitu non parvo Revaliam appulit circa annum 1223. Vbi primo cœpit arcem revaliensem fundare: pari modo Wefenberg & Narviam ad perdomandos Barbaros & feros Æsthones. Exinde Episcopi Daniæ cœperunt expensis regis sui ædificare & fundare Tempia & Cœnobîa passim in Æstthonia. Cum igitur adverterent Episcopus rigensis & Magister Danos non ociari, sed sedulam operam agere, ut ædificarent arces, nec illi desidiores facti, eorum exemplo incitati cœperunt ædificare Dunamundam arcem, Sigwoldum, Wendam (*sc. Arrasch*) & Ascherotum. Præstitis igitur tam multis præclaris facinoribus, Vinno Magister Livoniæ, habens inimicum & abjuratum hostem domesticum, ab illo clam cum Sacellano suo interficitur: postquam annis octodecim suæ Regulæ fratribus magna cum laude

præfuisset. Cognito autem scelere, homicidam illum, qui erat Procurator wendensis, pœna qua dignus erat, Ordinis fratres mulctarunt.

VOLQUINUS

SECUNDUS MAGISTER LIVONIÆ.

ANNO 1223 post obitum Vinnonis, successit in Magisterio Ordinis Ensisferorum Volquinus, vir justus & Ordini suo fidus Præfectus. Hic existit fundator Castri Felinensis. Quam munitionem cum Æsthones ferre non possent, præsidia quæ Magister Volquinus Felinum misit ad tuendam arcem, Æsthones eos in sylvis latenter circumdantes interfecerunt. Barbari vero undique colligentes reliquias suas, ingentem exercitum congregarunt, volentes denuo Germanos exturbare ex Livonia, quod cum intellexissent Germani & vires suas impares scirent ad sustinendam Barbarorum vim & impetum, Episcopus rigensis Adalbertus coactus est ad Ducem Saxonie se conferre, ut suppetias impetraret. Persuasus ergo idcirco ab Episcopo rigensi, Princeps Saxonie Adalbertus multis cum nobilibus & Peregrinantibus ex Saxonia in Livoniam expeditionem facit, debellare Æsthones, aliosque indomitos Barbaros. Itaque adventantibus in Livoniam Saxonibus, Æsthones exercitum congregantes, obviam Germanis procedunt. Et cum Dux Saxonie a Volquino Magistro, Rigæ honorifice

exceptus fuisset, paucis secum diebus comitatus
stantibus, & vires quodammodo ex longa navi-
gatione refocillantibus, obviam Barbaris cum
exercitu pergunt, committentes proelium. In
quo plures quam mille, & quingenti cecidere ex
barbara gente. Germanorum vero sexaginta dun-
taxat & Ordinis fratres duo. Subactis igitur Æ-
sthonibus, Rigam revertuntur: interim Osellen-
ses & qui inhabitabant districtum Jerven, hi minus
tempestive in auxilium venientes Æsthonibus,
iterum tumultuare cœperunt. Sic coacti sunt
Dux Saxonie & Volquinus Magister iterum ad-
versus eos in campum prodire, vbi barbarorum
copiosa multitudo congregata, & habuerunt con-
flictum, quo in proelio plurimi occubuerunt ex
paganis, Christiani vero pauciores. Bis igitur cum
repulsam passi essent athei Æsthones, aliquanto
tempore quiescere cœperunt. Et Dux Saxonie
Adalbertus iterum in Germaniam cum suis rever-
sus.

Revalenses vero Dani cum animadverterent,
Volquinum cum Ordine suo amplificare Domi-
nium in Livonia, quod molestum videbatur Da-
nis, dolum excogitare cœperunt, quæ ratione id
impedire possent. Usi autem sunt hac arte. Mi-
ferunt ad Episcopum rigensem Adalbertum &
Volquinum Magistrum Livonie fictum quendam
legatum, Pontificis nomine, qui in legatione
dicebat id habere in mandatis, ut Magister Livonie

& Episcopi abhinc Barbaros debellare cessarent.
Causa autem cur Dani hac calliditate usi sunt,
hæc erat. Nam si iussu Pontificis Magister Livo-
nie abstinere cogeretur ab armis, interim illi
quod reliquum adhuc erat in Livonia, regno Da-
nie subjugare contendebant. Verum cognita
fraude legatum hunc fictitium, eo honore excep-
perunt, ut non facile secundo legati munus ob-
ire optaret. Hinc Volquinus Magister incitatus
est, ut Danis pro hac fraude arcem & civitatem
revalensem eriperet. Quod et factum est. Ex-
pulsis igitur Danis, Magister Volquinus arcem
revalensem, quæ antea lignea erat munitio, ex
lapidibus edificare cœpit, & moenibus turribus-
que robustis & proceris munivit, uti nunc vide-
re licet. *Al 22993 2019 2019 2019 2019 2019*
Hisce temporibus Moschi Dorpatum posside-
bant, quam illi sua lingua *Furhiprod* vocabant.
Hanc volentes Germani eripere Moschis, quia
adiacebat Æsthonie, tentarunt invadere Moschos.
Verum prima vice, cum parum profecissent, re-
cedere coacti sunt. Secundo igitur Germani coti-
ligentes exercitum copiosorem, Magister Vol-
quinus adiungendo sibi Baronem ab *Orlamunde*,
qui in auxilium venerat Christianis in Livoniam,
& Episcopum ab *Uggenus*, tacite Dorpatum
pergunt. Et cum advertissent, quod non nisi
vi id expugnare possint, (quia nec dum erat ci-
vitas moenibus cincta, sed arce lignea duntaxat &

vallo cincta,) imprimis iustis conditionibus arcem sibi tradi expostulant. Verum Moschi ut antea obstinati, confidentes viribus suis, Germanos cavillari cœperunt, unde commoti vi arcem impugnant & occupant, non tamen sine clade suorum. Hi vero qui missi erant Plescoviâ in auxilium Moschis, intempestive venientes, cum intellexissent occupatum jam Dorpatum a Germanis, mœsti revertuntur ad suos. Acciderunt ista anno 1230.

His intellectis Æsthones Oselienses & alii districtus plures, qui defecerant iterum a Germanis & rebelles facti erant, plurimum perterriti nuncios suos ad Episcopum Adalbertum & Magistrum Livoniæ miserunt, præstando eis obedientiam, captivos omnes quos penes se ex Germanis detinebant, sponte dimittentes, & censum quem per aliquot annos non solverant Germanis, in duplum pendere promiserunt. Exinde coacti sunt Æsthones domos & pagos suos ædificare & agros colere, & qui in lustris & sylvis latitabant in lucem prodierunt, quod a multo tempore intermissum fuit: qui autem ex Barbaris fideles fuerunt Germanis, hi libertatibus donati, a laboribus & tributo liberi sunt pronunciati: hinc multi in hodiernum vsque diem his privilegiis ex rustica gente gaudent.

Cum igitur pacata essent omnia in Livonia, Episcopus Hermannus cœpit Dorpatum iterum

muro cingere, & exstruxit arcem sedem episcopalem, ubi et Cathedram locavit, præfecitque Otmarum fratrem suum Ecclesiæ, quem Præpositum constituit illius loci. Sic mutavit Episcopatus uggenensis nomen, & vocatus est dorpatensis. Canonici autem dorpatenses dicti sunt regulares. Hermannus ille Episcopus multa templa in suo Episcopatu vel Diœcesi exstruxit, & Monasterium splendidum *Falkena* Ordinis D. Dominici ad littus fluvii *Embeck*, quod nunc dirutum.

De quo Monasterio illud referunt & quidem verisimile. Hoc Monasterium ab eodem Episcopo Hermannus exstructum, multis pagis & subditis ditatum, & ideo ad littus illius fluvii situm, ut Monachi semper bonum victum haberent ex piscibus, quorum maxima copia erat ibidem. Nam ideo fluvius ille a primis incolis locorum dictus erat *Emmajogge*, quod est interpretatum Mater Fluviorum, quia abundabat piscibus. Postquam autem crevisset numerus Religiosorum & Fratrum illius Monasterii, ita ut reditus putarent sibi non sufficere pro sustentatione, expediunt duos ex suo Collegio Fratres ad summum Pontificem cum literis, exponentes austeritatem vitæ, copiosum numerum Fratrum & tenuitatem victus, simul exprimentes quali cibo, potu & disciplinis uterentur. Pontifex intellectis literis & iusta petita, ut pro illis ad Episcopum dorpatensem intercederet,

misit primo ex Italia Monachum eorum Ordinis ad eos, ut rei veritatem intelligeret. Nam scripserant, se continuo nil nisi piscibus & pane vesci, qui dicitur illorum lingua *Igar*. * Illis hic est albus, oblongus, mollior, assus, melior quam coctus, quia pinguis. Hujus generis piscium est ibi maxima copia. Potum referebant ex grano hordei lupulo mixtum, amarum & insipidum confectum, quo uterentur. Disciplinas quoque singulis diebus sabbaticis fieri hoc modo; videlicet caleferi hypocaustum aliquod, adeo ut vix homo in eo durare posset, ibi se denudantes, scopis se cadentes, & aqua frigida perfundentes corpora sua, cum concupiscentiis mortificantes. Quæ cum in Italia viderentur insueta & minus tolerabilia, ut prius diximus, ad experienda ista, missus erat italicus Monachus ejusdem Ordinis. Hic cum venisset cum illis qui missi erant Romam, in Livoniam ad Monasterium prædictum, fratres istius Monasterii fingentes sibi socium gratum advenisse, hilari vultu excipiunt, torridis piscibus illum tractantes, & cerevisia absynthio mixta, qua in caloribus æstatis utebantur ob sanitatem Monachi, forti & amara. His omnibus delicatus Italicus haud assuetus mirari coepit. Cum autem sabbatum advenisset jubent balnea suo more caleferi ut plurimum,

* Ichthyologi eos Prasinus sive Bramas, germanice *Brassen* vocant.

eo introducetes Italum fratrem, aquam infundunt in lapides candentes, calore nimio mox implerunt balnea. Ipsi vero adsueta, nudi arripientes singuli scopas, incipiunt se cadere, aqua frigida se perfundentes. Quod cum intolerabile videretur Italo, exiliens ex balneis, pro Deum! inquit: austeram nimis hæc vestra est vitæ regula; vix audita ab hominibus. Hac relatione Italum ignarum locorum & morum gentis asperioris vitæ, Romam expediunt, qui insueta referens Pontifici, ut illi videbantur, facile impetrat, ut pro Ordine & fratribus Monasterii intercedat ad Episcopum dorpatensem, ut augeat illorum reditus. Et ut redeamus ad seriem rei, Episcopus Hermannus diu functus officio Episcopi, ipse ad extremum romanam petit urbem, unde rediens in Livoniam senectute confectus cum visu privaretur, in eodem Monasterio Falkena vitam finivit, qui vivens adhuc Alexandro Successori Episcopatum suum resignavit. Et hic fuit secundus dorpatensis Episcopus. Hisce quoque temporibus, Comes quidam Doringæ, cum multis peregrinis in Livoniam venit, ut adversus paganos pugnaret, hic adjunxit se Magistro Livoniæ Volquino, & hyeme Oselim se cum exercitu contulerunt, ibi subjugantes Oselenses, cum illis configere coacti sunt, ubi barbarorum bis mille trecenti succubuerunt. Hac parva victoria Volquinus cum suis in Semigalliam

pergit, ibi cum Semigalis confligens, mille sexcentos occidit, ex Germanis vero interfecti tercenti. Verum Semigali vlciscentes suorum cladem, denuo arma parant adversus Volquinum, committentes praelium, in quo iterum ultra quingentos Semigalos prostrarunt, Germani ducenti perierunt. Samogitæ præterea se adjungentes Litthuanis, copiosum colligentes exercitum adversus Magistrum Livoniæ, eum in certamen provocant. Qui suas quoque copias instruens, adhibito Comite illo Duringiæ fortiter vtrinque decertatum est, ita ut ad bis mille ceciderint Litthuanorum cum Samogitis, Germanorum DC. In qua victoria etiam ingentem prædam equorum nacti sunt Germani. His peractis Comes Duringiæ cum suis qui adhuc superstites, iterum in Germaniam tendunt.

ANNO 1238 venit Baro quidam *von Dannenberch* in Livoniam, cum celebri quodam Nobili Germaniæ *Johanne Hafeldorf*; habentes secum magnum comitatum Peregrinantium, ea intentione uti priores. Magister vero Livoniæ Volquinus adjungendo se iis, exercitum quantum poterat maximum colligens, pergit debellare Samogitas, qui etiam cum in armis essent, obviam procedunt infestis signis Magistro, ubi vtrinque decertatum est fortiter. Verum Germani profligati, pauci effugerunt. Quo in conflictu Magister Livoniæ & Baro prædictus, cum XLVIII

Fratribus

Fratribus Ordinis Ensisiferorum occubuerunt. Hic Magister præfuit suo Ordini annis quindecim, multis perpetratis facinoribus heroicis.

Nec illud silentio involvendum: prædictus Magister Livoniæ Volquinus, cum adhuc in vivis esset, elaborabat apud Magistrum Prussiæ Hermannum a Salza, Ordinis Teutonici Superiorem, ut Ordo Ensisiferorum qui in Livoniam missus erat ab Innocentio III Pontifice, ad propagandam Christi fidem in barbara natione, reciperetur in Ordinem Fratrum Teutonicorum. Verum ob difficultates quas Ordo Ensisiferorum habebat cum Rege Daniæ, nec cito nec facile id Volquinus impetrare poterat. Verum compositis rebus inter Regem Daniæ & Ordinem, tandem acquievit petitis Magistri Prussiæ, qui Ordinem prædictum Ensisiferorum in Ordinem suorum Fratrum Teutonicorum recepit, approbante id ipsum Gregorio IX Pontifice. Eodem plane anno cum Volquinus a Samogitis in prælio occisus, sic igitur Dominium Ordinis Ensisiferorum in Dominium Teutonicorum mutatum credimus. Quo igitur cessante, cum aliud Dominium sit subsecutum: nos quoque primam Historiæ nostræ partem concludendam statuimus.

PARS ALTERA LIVONIÆ HISTORIÆ.

POSTQUAM igitur Volquinus Magister Livoniæ a Magistro Prussiæ impetrasset, ut Ensisferorum Ordo reciperetur in Ordinem Fratrum Teutonicorum, annuente summo Pontifice uti superius relatum est, quamvis ipse Volquinus optati sui compos fieri non poterat, quia immatura morte in conflictu, ex hac vita ereptus: assignatur loco illius alter Livoniæ Magister Ordinis Teutonicus a Magistro Prussiæ, *Hermannus Falco*, qui septennium in Prussia *Lant* Magistri officio functus.

I. LIVONIÆ MAGISTER O. TEUTONICI HERMANNUS FALCO.

ANNO 1239 primus Ordinis Teutonicus Magister in Livonia constituitur, Hermannus cognominatus Falco, ob insignes animi generosi dotes & facta fortia, cur etiam Imperatori Friderico II, & Gregorio IX, Pontifici Maximo acceptus fuit: qui statim initio ejus regiminis, legatos suos ad illum expediverunt, qui controversiam inter Ordinem Ensisferorum & Regem Daniæ exortam, ratione Revaliæ civitatis & arcis, quam Volquinus Danis ob dolum excogitatum contra Ordinem eripuerat, componerent. Hic Magister una cum Ordine etiam habitum Ensisferorum mutavit in habitum *Crucigerorum*, alias dicti

Fratres Teutonici, quorum vestitus erat ruber alba cruce insignitus: id præ se ferens Mysterii, quod nimirum pro fide Christi cum inimicis sanctæ Crucis non modo pugnare, verum etiam vitam & sanguinem profundere parati essent.

Hujus Magistri temporibus, per legatos Pontificis atque Imperatoris, (uti superius insinuavimus) justis conditionibus initis, Ordo cessit Regi Daniæ Revaliam. Cujus loco Rex Daniæ, Ordini iterum perpetuis temporibus cessit totum districtum Jervensem. Præterea exercitum Ordini in auxilium misit adversus infideles. Quo cum exercitu Magister Livoniæ suos quoque milites adjungendo magna vi Episcopo dorpatensi suppetias ferre non distulit, qui a Moschis sæpius laceratus propter arcem dorpatensem ipsis ereptam per eundem Episcopum Hermannum. Idcirco exercitum Magister & Episcopus Hermannus uterque in Moscoviam parant: primo tendit sub Iseborch, ubi cum Russis vel Moschis confligit, quo in prælio plurimi cæsi Moschi, cæteri in fugam acti. Deinde obtenta victoria, obsidione cingunt Plescoviam, quam armata manu volentes Germani oppugnare, Russi inducias petunt, deditionem civitatis promittentes, quam denique Principis *Gerpolti* consensu Magistro cedere coacti sunt. Qua obtenta, Magister arcem & civitatem Plescov bene præfidiis munivit. Inde lætus cum suis in Livoniam revertitur. Verum

non multo post Alexander Dux Novogrodenſis, iterum civitatem & arcem Pleſcov, Germanis eripuit, vbi ſane plurimi caſi ex Germanis & plures ſeptuaginta Fratres Ordinis periere. Sex autem capti & martyrio affecti ſunt. Factum id anno 1244: ſequenti autem anno, Magiſter Hermannus Falco cum annis ſex, ſuo præſuiſſet Ordini, ex hac vita migravit.

II. LIVONIÆ MAGISTER

HENRICUS AB HEIMBORCH.

ANNO 1245 miſſus eſt Magiſter Henricus in Livoniam a Magiſtro Pruſſiæ, qvi & Pruſſiæ & Livoniæ Superior erat in Ordine Fratrum Teutonicorum ſive Crucigerorum. Hic cum valetudinarius eſſet, duobus ſaltem annis rexit Ordinem, deinde vt ab onere impoſito ſibi, liberaretur precibus impetravit. Huius Magiſtri tempore, Nicolaus IV rigenſis Epiſcopus conſtitutus eſt, qvi Rigæ Monafterium extruxit Ordinis D. Bernhardi, qvòd Rigenſes modo in granarium commutarunt.

III. LIVONIÆ MAGISTER

THEODORICUS A GRONINGEN.

ANNO 1247 eſt in locum Henrici, a Magiſtro Pruſſiæ ſubſtitutus Theodoricus a Gröningen, qvi magnum colligens exercitum, Curetes debellavit, ibi diutius commoratus tres arces extruxit

Goldingen, Windouw & Amboten, quas præſidiis munivit: jubet tamen inter Barbaros Curetes promulgare, qui baptizari vellet & obedientiam præſtare Ordini, pendereque annuatim cenſum, is poſſit in quiete degere: qvi vero rebellis eſſe velit, plectendus eſſet. Verum inviti Curetes ad baptiſmum venire compulſi, idcirco & eorum plurimi, & Germanorum non pauci perierunt. Cæteri vero qui neque minis neque precibus adduci poterant ad Chriſtianiſmum, hi ſe ad Ducem Litthuanix nomine Mindow contulerunt, petentes vt illis patrocinari vellet & tueri ab Ordine teutonico & Germanis. Dux Litthuanix Mindow, Curetum precibus permotus, ingentem coegit Barbarorum multitudinem, pergitqve in Curlandiam ſub Amboten, cujus cum adventum & exercitum exploratum haberet Magiſter, ille cum ſuo Landtmarchalco & milite in ſylvis latitabat. Verum Litthuani invadere volentes arcem Amboten, cum de Germanis a tergo nescirent, in fugam converſi cum Duce ſuo, qua in fuga plures quam 1500 periere, ex Ordinis Fratribus quatuor, & decem alii. Sic obtentis arcibus ſuis, Magiſter Livoniæ, cum triennium rexiffet Ordinem ſuum: ipſe pertæſus regiminis ſui, petiit ſe ab illo liberari, qui poſtea a Magiſtro Pruſſiæ miſſus eſt in legatione ad ſummum Pontificem, in negotiis Ordinis teutonici.

IV. MAGISTER LIVONIÆ ANDREAS A STUCKLANT.

ANNO 1250 successit in Magisterium Ordinis teutonici, Andreas a Stuckland. Vir erga omnes beneficus & sincerus. Contra quem se Samogitæ cum Semigalis & Litthuanis armarunt, eo animo, ut omnino Ordinem teutonicum ex Livonia exturbarent. Verum prædictus Magister Andreas cum Ordine suo & exercitu illis obviam procedit, cum illis conflixit, plurimos interfecit, non paucos captivos duxit, eorum regionem depopulavit & ad arcein usque ubi ipse Dux Mindow residebat perrexit. Inde reversus Rigam cum triumpho, lætus a suis excipitur, prædam & spolia inter suos milites dispertitur. His præstitis Semigalos quoque humiliavit, devastando omnia, ingenti iterum cum præda ad suos revertitur. Tum primo sapere cœperunt Semigaliter, miserunt suos ad Magistrum, obedientiam præstantes, promittentes tributum uti & cœteræ gentes ab illis subactæ. Fama hac Dux Litthuanie Mindow quodammodo perculsus, petit per internuncios ut illi liceret coram agere cum Magistro Livoniæ, qui consultis Fratribus Ordinis sui, locum & tempus certum colloquii determinavit; ubi uterque magno cum comitatu adveniens, hilari fronte se invicem exceperunt, amice multa secum conferentes. Dux vero splendide

instructis epulis Magistrum cum suis invitat, qui benevolentiam expertus Principis, inter epulas agere cœpit, & persuadere Duci ut Christianismum amplecterentur, a quo, rationibus aliquomodo Princeps persuasus, non adeo alienum hæc in re animum Magistro exposuit: hac tamen lege, ut Magister Litthuanie Duci a summo Pontifice impetrare vellet, ut ejus cum consensu in regem vngeretur. Quod se omnibus modis curaturum Magister Livoniæ pollicitus, rebus sic inter se stabilitis, quilibet ad propria se recepit. Reversus Rigam Magister, mox legatos in præsentem negotio ad summum expedit Pontificem. Cui cum res innotuit, acceptæ occasione gratus Pontifex eidem Magistro licentiam dedit, ut adhibito Episcopo rigensi, cœterisque propinquioribus, Ducem Litthuanie Mindow, præmissis baptisate, regem inaugurari curaret. Itaque Magister Andreas, cum Episcopo rigensi Alberto ejus nominis secundo qui Canonicus ante erat brementis & Administrator Episcopatus lubecensis: collatis secum impensis, diadema regium satis pretiosum, pro Coronatione Regis futuri fieri curant. Adjungentes itaque sibi adhuc Henricum Episcopum culmensensem & dorpatensem, magnumque Nobilium Livoniæ comitatum, in Litthuaniam ad prædictum Principem perrexerunt. A quo Magister & Antistes cum suis non minus hilariter quam honorifice excepti, acitis ad hunc

festum diem quam plurimi Litthuaniz gentis Nobilibus, quo Dux Mindow rex erat inaugurandus. Ad quem cum magna hominum multitudo tanquam ad recens spectaculum undique conflisset, ita ut nullum palatium eam capere potuisset; Solium in anœno campo, die serena, regia maiestate dignum extruitur. Episcopus rigensis qui ad hoc opus peragendum singulariter a summo Pontifice designatus, Regi futuro summi Pontificis animum erga Principem benevolum exponit, qui absque mora petitis illius annuens, eum libenter primo in gremium sanctæ Matris Ecclesiæ recipere, ac deinceps regali sceptro & diademate ornare non est gravatus. Idcirco efflagitare ab eodem Rege, ut sicuti per Christi nomen imperio potiretur abhinc regio, ita regem quoque paratum fore ut Christi imperium quoque omni studio promovere, & fidem ejus in sua natione propagare elaboraret.

His præmissis cum Princeps monitis obtemperare non recusaret: primo baptismatis lavacro initiatur una cum conjugē, ac deinde regia donantur corona, non sine magna Litthavæ gentis admiratione & consolatione. Quorum exemplo etiam aulici Regis, & plurimi alii ex Plebeis & Nobilibus incitati, eodem die ultra sexcenti baptizati censentur. Sic Regis studio abhinc Christi fides in Litthuania vigere cœpit annum circiter 1255.

Hujus Magistri temporibus Episcopus rigensis Adalbertus ordine quintus ejus vero nominis secundus, a summo Pontifice, Archiepiscopi titulo donatus est. Sub quo Episcopatus rigensis in Archiepiscopatum commutatus, qui Primas erat inter Episcopos Prussiz & Livoniz, sicuti Magister Prussiz præeminebat in suo Ordine Magistro Livoniz. Magister vero A. a Stucklant, postquam annis 6 Ordini suo non sine laude præfuisset Magisterium resignavit conferens se in Germaniam paulo post obiit.

V. LIVONIZ MAGISTER.

EBERHARDUS BARO SEYNENSIS.

ANNO 1256 Eberhardus in Magisterio successit, ut fama de illo fertur plane probus. Hic a Livonienſibus magno cum applausu excipitur, qui statim initio sui Domini arma parat adversus Samogitas, eorum provinciam igne & gladio depopulatur, caſis quam plurimis. Pari modo Cures rebelles ad obediendum adegit. Sic Rigam reversus cum laude ab illis excipitur honorifice. Is duobus duntaxat annis cum rexisset Ordinem, æger jam in Germaniam reducitur; ubi cum Prædecessore suo vitam finiit in patria.

VI. LIVONIZ MAGISTER

HANNO A SANGERHAUSEN.

ANNO 1258 Magister Prussiz Poppus nomine, præfecit Ordini Teutonicorum in Livonia

Hannonem. Hic quoque aliquoties cum Semigalis & Samogitis confli- gens, plurimos prostravit. Is tertio Magisterii sui anno, ex Livonia in Prussiam vocatus, ibique Magistrum egit Ordinis sui.

VII. MAGISTER LIVONIÆ BORCHARDUS A HORNHAUSEN.

ANNO 1261 in locum Hannonis sufficitur Borchardus. Qui revidendo arces in Curlandia, cum non procul esset a finibus Prussiae, Barbari per exploratores suos de adventu Magistri inaudientes, & quod saltem quadraginta secum haberet Ordinis sui Fratres cum D. equitibus in sylvis latitantes: clam illum cum suo milite interficere statuerunt. Magister fraudem advertens, minime perterritus, cum Barbaris conflixit & profudit non sine magna Atheorum clade. Ex Magistri vero militibus præter duodecim non sunt cæsi. Ipse vero Magister nacto vulnere, cum suis ad arcem Memel fugit, ubi a vulnere sanus iterum Rigam revertitur, & de novo injuriam illatam a Samogitis sibi, vlcisci meditatur. Samogites vero, biennii inducias mediante Archiepiscopo rigensi impetrarunt. Interim Magister cum aliis circumjacentibus Barbaris præliatur.

Exacto autem induciarum tempore cum Samogitis, novum bellum oritur cum Litthuanis & Samogitis, qui cum adversus Ordinem

insurrexissent, & utraque ex parte fortiter dimicassent, ad extremum Magister cum suo Ordine & milite profligatur, quo in prælio saltem ex Ordine ipso triginta tres Fratres occubuerunt, cæteri vero mille quingenti. Quam ignominiam nequaquam ferre volens Magister, novum militem ex Germania conscribit, provocando Samogitas ad prælium: Verum pertimescentes potentiam Magistri, non ausi sunt confligere. Itaque in Semigaliam pergens Magister cum exercitu arcem ibi extruit Doblen, quam præsidiis & milite benemunitam relinquens revertitur ad sedem. Ad extremum tamen cum Magister sæpius lacessitus est & a Litthuanis & Samogitis, tandem secum conspirantibus Litthuanis Samogitis Ruthenis & Semigalis, qui omnes Ordinem cum Magistro ex Livonia exturbare moliebantur, Dorpati sub vrbe cum exercitu cæditur & profligatur anno 1264. Vbi etiam Marefchalcus Prussiae periit cum centum quinquaginta Fratribus Ordinis & plurimis Nobilibus. Capti vero ex Ordine teutonico Fratres XIII, qui a Barbaris martyrio affecti sunt. Tum temporis etiam duas arces in Semgalia Kerfow & Doblen Samogitæ cum Litthuanis occuparunt.

VIII. MAGISTER LIVONIÆ GEORGIUS AB EICHSTAT.

EODEM anno quo Magister Borchardus in prælio occubuit, postquam per triennium & sex

mensibus Magisterio suo functus fuisset, sufficitur *Georgius ab Eichstat* Commendator sigwoldensis, qui etiam defuncti Borchardi Coadjutor fuerat, in Magisterii officio obeundo. Is Prædecessoris sui cladem vindicare volens, ferme in eundem impegisset scopulum, eam ob causam igitur invitatus pacis conditiones cum Litthuanis inire coactus. Interim dum Magister cum Litthuanis de pace ineunda sollicitus, Oselienses iterum deficiunt ab Ordine, & rebellionem moliantur, quos idem Magister prælio superavit sub sylva Carmeli, in quo plurimi a Barbaris cæsi & sic iterum in ordinem redacti. Hujus Magistri tempore Christiani in Livonia magnis in periculis constituti, multum periclitabantur.

IX. LIVONIÆ MAGISTER

WERNERUS A BREITHAUSEN.

Post obitum Georgii successit in Magisterio Ordinis teutonici, *Wernerus von Breithausen*. Hic cum Rege Litthuanie Mindow, qui a fide christiana apostaverat, & cum Principe Samogitie *Tramato* & Duce Russie qui omnes conspiraverant, ut Germanos expugnarent in Livonia, multum difficultatis habuit. Nam Rex Mindow omnium primo cum suis copiis Livoniam adortur. Circa Wendam castra metatur: qui cum socios suos, ut puta Principem Samogitie & Russie Ducem non reperisset, coactus est cum

exercitu suo recedere in Litthuaniam, non sine magna devastatione Livonie. Post cujus discessum, Russie Dux cum suo exercitu Dorpatum oppugnat, civitatem occupat, & cum ob munitionis firmitatem arcem expugnare non posset, & Magister Livonie iis qui in arce erant supplicantes ferre non distulisset, exusta civitate coactus est Dux Russie cum suis recedere, qui totum districtum dorpatensem depopulatus ad propria se recipit. Verum Magister cum exercitu subsequutus usque in Russiam: ibi pari modo facit, uti Dux in Livonia processerat. Ibi adversa valetudine afflictus Magister æger ex Russia cum suis in Livoniam revertitur. Interim autem cum hæc in Russia aguntur, *Tramatus* Princeps Samogitie, districtum pernaviensem depopulatur & exfoliat. Verum in reditu Magister cum Ordinis sui Fratribus & milite, intercludentes viam circa Dunemundam, nocturno tempore in plenilunio, cum lumen Lunæ illis inserviret, prælium commiserunt: ex quo Princeps cum paucis evasit, & ad Regem Mindow confugit. Idem Magister etiam rebelles Curetes iterum subegit, & arces eorum expugnavit & exussit, magnam inde referens prædam. Itaque postquam biennio præfuisset Magisterio, officium suum *Conrado von Mandern* resignavit, & in Germaniam profectus: ibi quietem elegit post tot labores exantlatos.

X MAGISTER LIVONIÆ
CONRADUS VON MANDERN.

ANNO 1269 adeptus est Magisterium Ordinis teutonici in Livonia Conradus von Mandern, qui extruxit in *Æstthonia album Lapidem* & in *Curlandia Mitoviam*. Hujus Magistri tempore interfectus est a Palatino quodam Litthuanix, Rex Mindow, suæ apostasiæ pœnas luens. Hic Magister quoque laceffitus a Russis Samogitis & Curetibus, & sæpius cum illis confligens vno prælio DC perdidit cum XXX Fratribus Ordinis sui. Hic ob senectutem post triennii regimen resignare Magisterium coactus, etiam in Germaniam proficiscitur.

XI MAGISTER LIVONIÆ
OTHO VON RODENSTEIN.

ANNO 1272 succedit in Ordine Magistro- rum Livoniæ Otho von Rodenstein. Hic cum Russis bella gerens, cum præter opinionem Princeps cum copiosiori exercitu Magistrum adoritur, Magister videns nullam tribui spem effugii, fortiter cum suis dimicans, quinque millia Russorum prostravit, & cœteros in fugam egit. Hoc in prælio Episcopus dorpatensis cum plurimis occubuit aliis. Hac parta victoria, Magister Livoniæ colligens copiosum exercitum, & cum octodecim millibus terra marique in Russiam pergit,

depopulando obvia quæque: arcem Isborch expugnat & occupat; deinceps Pleskoviam obfidet. Postremo per contractum Principum Moscoviæ & Novogardiæ ad pacis fœdera ineunda Magister allectus, sic rediens in Livoniam isto anno in quiete residet. Sequenti verò anno coactus est iterum adversus Samogitas & Semigalos arma sumere, qui hyeme Oselienses invaserant & expoliarent. Itaque Magister Otho & Sigfridus Capitaneus revaliensis Regis Daniæ & Fridericus Episcopus dorpatensis cum Hermanno Episcopo lealensi, cito se expedites, cum exercitu obviam processerunt hostibus, & cum utraque pars in glacie se offendisset commissum est prælium non sine magna utriusque partis clade. Quo in prælio ipse Magister Livoniæ occubuit, cum quinquaginta duobus Ordinis sui Fratribus & sexcentis militibus. Episcopus vero lealensis graviter vulneratus vix evasit manus hostium. Sic Litthuanii & Samogitæ victoriam obtinentes magna absportantes spolia ex prælio, læti ad sua se recipiunt. Facta anno 1274.

XI. LIVONIÆ MAGISTER
ANDREAS WESTPHALUS.

ANNO prædicto, adhuc æstuante bello cum Litthuanis post obitum Othonis, electus est Andreas, qui inchoatum bellum cum Litthuanis & Samogitis finire statuens, & priorum cladem

vindicans, eodem anno cum viginti Ordinis Fratribus, a Litthuanis in prælio interficitur. Cujus tempore, secundus Archiepiscopus rigensis, Johannes von Lünen Archiepiscopatum adeptus.

XIII LIVONIÆ MAGISTER

GUALTERUS VON NORDECK.

ANNO 1275 adeptus est Magisterium Gualterus von Nordeck qui multa præclara adversus Samogitas & Semigalos præstitit, sæpius reportando victoriam, duas arces Barbarorum Tarweyten & Meyfoten expugnavit & ad fundamenta usque diruit. Hic Semigalos ad obedientiam adegit. Hic quoque triennio saltem præfuit Magisterio, officium suum resignavit & in Prussiam profectus obiit.

XIV LIVONIÆ MAGISTER

ERNESTUS VON RASSBURCH.

ANNO 1278 adoptatus est in Magisterium Ernestus. Is arcem Duneburg in finibus Russiæ & Litthuaniz ad ripam Dunæ extruit. Quod ægerime ferentes finitimi, omni studio opus inceptum impedire statuentes. Verum Magister copiosum colligens exercitum, cui quoque in auxilium venerat Capitaneus revaliensis Eberhardus cum suis, in Litthuaniam perrexerunt, ubi trucidando & depopulando multa vastavit & ingentem prædam abegit. Verum Litthuani mox arripientes
arma

arma, Magistrum infecuti, & cum sub Ascherot offendissent Germanos, cum copiosior esset Litthuanorum exercitus, Magister conflixens cum hostibus victus occubuit, & septuaginta vnum ex Fratribus Ordinis sui perdidit, multis Nobilibus interfectis. Quo in conflictu Litthuanii vexillum deiparæ Virginis Patronæ nimirum Livoniæ adepti sunt, & vexilliferum Henricum von Tiesenhansen occiderunt. Capitaneus autem revaliensis dispersum colligens exercitum, hostes iterum aggreditur: is vulnere nactus & occiso sub illo eqvo, vix vivus evasit. Factum in Quadragesima anno 1279.

XV LIVONIÆ MAGISTER

CONRADUS VON FUCHTEWANGEN.

ANNO 1279 electus est ad officium Magistri Conradus von Fuchtevangen, ex illustri oriundus familia, qui antea Lantmagistrum egit in Prussia, & viroque functus officio simul. Is toto sui regiminis tempore in armis degebat, & multa prælia gessit cum Samogitis & Semigalis, ut postquam triennio in Livonia functus est officio Magistri, ad extremum vocatus in Prussiam, aulæ Magister creatus, & sic vnus & idem, tria præclara munia obire dignus habitus.

XVI. LIVONIAE MAGISTER
WILHELMUS VON SURBORCH.

ANNO 1281 *Guilhelmus a Surborch* alias dictus *von Endorffen* suscepit munus Magistrerii, qui Felini ab Ordinis sui fratribus unanimi consensu ad hoc electus. Hic pariter uti Praedecessores ejus cum Litthuanis Samogitis & Semigalis multa bella gessit, & Ducem belli eorum in praelio occidit. Is montem qui sacer appellatur in Curlandia erexit, & tres arces Wolnariam Burtikum & Tricatum extruxit. Wenda quoque ecclesiam parochialem quae modo est cathedralis Episcopi wendensis, divo Johanni Baptista sacra-avit & fundavit. Postremo etiam in Semigalia cum triginta tribus fratribus in praelio occubuit, & sexdecim capti: quorum aliqui nudi in equis ligati, fustibus a Barbaris interfecti; aliqui in ligneis cratibus ligati, super ignem affati & combusti animam exhalaverunt. Hic Magister per quinquennium & quinque mensibus regnasse fertur.

XVII LIVONIAE MAGISTER
CONRADUS VON HERZOGENSTEIN.

ANNO 1287 susceptus est in Ordinem Magistrorum Livoniae *Conradus von Herzogenstein*, qui Praedecessoris sui necem vindicare statuens, multa praelia cum rebellibus Semigalis commisit, qui arcem Doblen eripuit Barbaris, quam sub

Borchardo Hornhausen Semigali occuparant. Insuper munitiones Barbarorum in Semigalia, Rat-ten & Sidroben exussit & dirui jussit. Quo facto Semigali humiliati, iterumque in ordinem redacti sunt. Vixit in Magisterio annis duobus.

XVIII LIVONIAE MAGISTER
BOLTO VON HOGENBACH.

ANNO 1289 subsecutus est Conradum in Magisterio *Bolto von Hogenbach*, cum Livonia a finitimis nationibus pacatior esset. Tum nescio quae emulationes & intestina odia inter Episcopos Livoniae & Ordinem exorta, secum bella gerere coeperunt; quae non finiendo Magister obiit postquam praefuisset Ordini suo annis quinque.

XIX LIVONIAE MAGISTER
HENRICUS A DUMPSHAGEN.

ANNO 1294 successit Boltoni, *Henr. a Dumps-
hagen*, qui pacem iniverat cum Episcopo derpatensi Bernhardo, quam Episcopi mox violantes, nova ac minus utilia bella inter se excitarunt. Is biennio solum praefuit Ordini, fractusque dolore moritur.

XX LIVONIAE MAGISTER

B R U N O.

ANNO 1296 iisdem in tumultibus eligitur Bruno Magister Livoniae, cum magna discordia

orta fuisset inter Ordinem teutonicum & Archiepiscopum rigensem Johannem a Fechten, qui sibi conciliando finitimas gentes, vtputa Litthuanos cum Samogitis, Magistro & Ordini ejus bellum indixerunt. Cum igitur vtrinque parati essent ad praelium, sub arce Treiden in latissimo campo congregiuntur & configunt; quo in conflictu Magister Bruno cum sexaginta fratribus occubuit. Sic parva victoria Archiepiscopus rigensis cum complicibus suis *Novam Molam* obsident, quæ spectabat ad Magistrum Livoniæ. Inde vero repulsam passi qui adhærebant Archiepiscopo, ultra quadringentos periere Rigensium: quorum alii interfecti, alii vero aquis se ipsos immergentes suffocati sunt. Sic recentem victoriam mox luctus subsequitur. Contigerunt ista anno 1298,

XXI. LIVONIÆ MAGISTER

G O T T F R I D U S.

ANNO 1298 nec dum consopito bello inter Ordinem teutonicum & Archiepiscopum rigensem Gottfridus a fratribus sui Ordinis in Magistrum eligitur, qui ab externis hostibus quietus, ab iis qui domi sunt laceffitus, adeo, ægre inter finem hoc bellum inter eos dirimi poterat: quo durante per octennium tædio affectus Magister Gottfridus mœrore magis quam morbo extinguitur anno 1307.

XXII. LIVONIÆ MAGISTER.

C O N R A D U S A J O K E.

ANNO 1307 *Conradus von Joke* meliori omine eligitur in Magistrum, qui rebus compositis cum Archiepiscopo & Ordine copiosum colligans exercitum, tam domi quam aliunde conscribens militem: cui etiam ex Prussia in auxilium missi fuerant duo millia, quorum Capitaneus fuit Vir in militari disciplina exercitatus *Kesselholtz*. Tanto cum exercitu prædictus Magister pergit in Russiam, metropolim Plescoviam obsidet, expugnat, expoliat. Sic Rutheni ad pacis conditiones ineundas adacti sunt. Is quoque in Semigalia arcem extruxit Mesoten anno 1315. Id tantum lamentatione dignum accidit hujus Magistri tempore, quod Livonia adeo dira fame premebatur & aliæ finitimæ gentes, ut propter intolerabilem bulimiam & caninam ut ajunt orexim, parentes liberos suos mactare & vorare coacti sint. Alii vero non ferentes filiorum suorum lacrymas & miseriam, ne diutina fame torquerentur, ex compassione liberos suos in ferventissimis balneis inclusos fumo potius quam fame enecare maluerunt, ne lamentabiles eorum ejulatus audirent viderentque interitum. Etiam et illud memoratu dignum quod durante fame illa adolescens quidam parentem suum occiderat, ut ex illo vesceretur, vitamque protraheret miserabilem; qui captus in

facto mulctatur: & sic qui fame nec tum extinctus, per manus carnificis vita privatur. Vtrumque miserandum. Vbi vero in furcis, recens aliquis fuerat suspenfus, hunc abscissum a gabalo propter famem edere, satiareque stomachum qui auribus caret, compulsi sunt. Duravit hæc fames integro triennio, eo quod frumenta propter frequentes pruinas & frigora maturefcere haud poterant. Inter hunc Magistrum & Episcopum Oseliensem ortum fuerat quoque bellum, quo in bello Magister Episcopo Oseliensi arces illas quæ ad ejus spectabant Episcopatum, Hapsel Lode Leal ademit. Hæc lis ad extremum per *Isarnum* Archiepiscopum rigensem dirempta est, & sic prædictæ arces restitutæ sunt Episcopo Oseliensi. Isarnus autem qui oriundus ex Dania, videns minus pacatam provinciam, resignans Archiepiscopatum suum *Friderico*, Bohemæ Baroni, in Daniam reversus: ubi post Archiepiscopus Lundia factus, ibidem moritur. Hic Magister Conradus omnes Magistros Livoniæ prædecessores suos in regiminis sui Dominio superavit. Viginti namque annis vixit in Magisterii officio, multaque præclara præstitit, qui tandem senio confectus in Livonia diem suum obiit.

XXIII. LIVONIÆ MAGISTER
EVERHARDUS A MONHEIM.

ANNO 1327 Everhardus a Monheim suscepit munus Magisterii, qui antea sanctus Commen-

datoris officio Felini: Vir probus & severus, ad hæc etiam Livoniæ amator, qui multa præclara præstitit. Inter cætera autem illud memorabile egit, quod cum Rigenses rebellionem molirentur Magistro & Ordini, volentes frui libertatibus propriis, ea igitur spe inducti Rigenses, arcem Dunamundam obsidere & expugnare statuerunt: quod cum illis pro votis non cessisset, illi exusto suburbio recesserunt. Verum Magister effrenos rigenses hoc pacto humiliavit, cingens obsidione civitatem, undique intercludendo vias, ne com meatum haberent & annonam. Qua pressi inedia, coacti sunt per intercessionem Archiepiscopi pacem petere & gratiam querere Magistri, ad quam ineundam Magister jam exacerbatus non facile induci poterat. Tandem post multas intercessionones, & humiliatione Rigensium quodammodo placatus, hac conditione fœdus inivit, ut Rigenses privilegia suæ civitatis Magistro traderent, & se faterentur abhinc subditos Magistri, ut præterea portas & mœnia civitatis demolirentur, ne in posterum haberent in quo confiderent. His similibusque modis effrenatam Rigensium superbiam perdomuit. Et ut Rigenses continentiores essent, cœpit arcem extruere penes civitatem, unde domari possent mœnibus, & proceris turribus bene munitam. Acta sunt ista anno 1330. Dirempta igitur lite cum Rigensibus, novum Magister conscribens militem, in *Satatis* Russiæ Regis

ditiones perrexit: ibi gladio & igne obviam quæque depopulando, eam quippe ob causam quod Ruffiæ Rex cum Litthuanis adversus Magistrum Pruffiæ conspirant. Hinc ortum erat iterum bellum cum Litthuanis, Magister vero colligens exercitum, hosti procedit obviam, committentes prælium. Verum Magister cum suis obtenta victoria, Regem Litthuanorum saucium vulnere in fugam egit, cum illis qui adhuc erant superstites. Propulsis itaque hostibus, Magister eodem cum exercitu pergit in Samogitiam, quos pari modo uti Ruthenos visitat. Sed Samogitæ ingenti hoc prælio percussi, pacem petierunt, & sic inter Magistrum & Litthuanos cum Samogitis pacis fœdera sunt stabilita.

Compositis igitur rebus cum Litthuanis & Samogitis, Moschi iterum insurgunt adversus Magistrum & Ordinem. Quare Magister armata manu cum Comite quodam ab Arensborch hostibus obviam procedit hyemali tempore, quo adeo feruntur fuisse intentia frigora, ut plurimi ex utraque parte frigoribus exhausti, sedentes in equis animam exhalaverint. Quapropter infectis rebus utraque pars non commisso prælio, recedere coacta est. Hic Magister multas arces & munitiones in Livonia edificavit, cujus regiminis tempore Livoniæ multum accessit emolumentum, qui annis quatuordecim magna cum laude Ordini suo præfuit, & cum premeretur senectute, pertæsus

jam bellorum, pacem eligens, resignavit officium suum alteri, ipse vero Coloniam profectus, religiosam amplexus vitam, in cœnobio moritur apud D. Catharinam.

XXIV MAGISTER LIVONIÆ

BORCHARDUS A. DREYLEVEN,

ANNO 1341 susceptus est ad munus Magistrerii obeundum Borchardus, cujus tempore Æsthonès rebellionem molientes, una eademque nocte mille octingentos Germanos nobiles promiscui sexus & ætatis, etiam parvulis non parcendo trucidarunt. Reliqui quibus dabatur effugii locus, nudis pedibus per sylvas & paludes Revaliam fugiebant. Quanto in periculo tum fuere Germani, facile conjicitur. Hi etiam claustris & monasteriis non parcentes viginti octo monachos in cœnobio Padis interfecerunt. Videntes igitur licere sibi tam impune grassari, colligentes ingentem Barbarorum colluviem ad decem millia, inter se Ducem belli statuentes, Revaliam obsident. Pari modo rustici in districtu Wike procedunt, qui Episcopum suum cum Canonicis & multis Nobilibus, in arce Hapsel longa & molesta obsidione premunt. Eadem ætate 1343 Oselienses rustici, Germanos omnes cum Advocato & conventu Ordinis igne & gladio extinxerunt, ita ut nullus eorum in vivis remanserit.

Illi vero qui Revaliam obsidebant, mittunt

legatos suos in Finlandiam ad Episcopum in Abo & Wyborch petentes ab illo suppetias, promittentes ei urbem Revaliam, dedere. Verum Capitaneus revaliensis interim quoque Magistrum supplicat Livoniæ, ut illi in auxilium properet: qui commiseratione interfectorum atque eorum qui obsidione tenebantur, inductus: exercitum colligere non distulit. Ladomita igitur Barbaries, cum de adventu Magistri inaudisset, mittunt ad Magistrum legatos, ut eos suaderet, promittentes ei tributum potius quam Danis. Verum Magister non confidens perversis, etiam dolens interitum tot innocentium, qui per illos perierant, indaci non poterat, ut non vindicaret necem occisorum. Itaque conficiens cum illis sub Revalia, omnes ferme occidit. Hac parva victoria quodammodo superstites adhuc Nobiles animum receperunt.

His peractis Magister Hapselium cum exercitu properat, Episcopum ibidem cum cæteris obsidione liberare. Quod cum intellexissent Esthones, Magistrum adventare, timentes de corio suo, latebras quarunt & ad sylvas propriunt. Sic Episcopus Hapselensis cum suis Canoniceis atque Nobilibus, ab obsidione liberatus, Magistro gratias agit. Reliqua autem Barbaries, cum intellexisset, ita cessisse illis qui sub Revalia fuerunt, dolentes suorum interitum, cum ipsi vindicare necem eorum nequeunt, Moscoviæ Ducem inci-

tant, ut ille eorum cladem ulcisceretur, ei promittentes obedientiam & tributum, quibus allectus Moschus, in districtum derpatensem insperate irrumpit. Quod cum advertisset Episcopus ibidem cito se ad prælium cum suis instaurat, Moschos adoritur sub Odenpe, ubi ultra mille caduntur. Moschi ceteri in fugam acti, trepide se ad propria recipiunt.

Hæc omnia cum in æstate contigissent, Magister Borchardus hyeme pergit cum exercitu Oselium, ubi quoque ulciscendo eorum necem, qui a rusticis oseliensibus interfecti. Itaque cum eo pervenisset, pari modo cum illis procedit, ut illi prius cum Germanis fecerant. Interfectis igitur novem millibus Barbarorum, reliqui misericordiam petentes, gravibus conditionibus pacem impetrarunt. Arma vero sua omnia eo acti sunt tradere Germanis, & pro pœnitentia ædificare arcem eadem in insula, dictam Soneburg.

Dum ergo Magister circa Oselienses occupatur, interim Litthuani ablente Magistro irruptionem fecerunt in Semigaliam, ubi per proditionem occupant arcem Tarweiten, in qua septem fratres Ordinis cum cæteris Nobilibus captos suffocarunt. Inde vero properantes Mitaviam usque, exusserunt suburbium, ita ut ignis etiam arcei nocivus, in fumo & vaporibus ultra sexcentos in arce suffocatos reperirent. Mitavia exusta Rigam perrexerunt, ubi tantum pernoctantes,

inde *Novam Molam* pergunt, arcem occupant. Unde a Rigenſibus expulſi, Sigwoldum vsque ad Walkum perrexerunt: In reditu vero ultra mille trecentos homines, ad pecudum inſtar in Litthuaniam abigerunt. Hæc facta in quadrageſima anni prius dicti 1345. Neque hic calamitatum finis fuit. Felini quoque *Æſthones* ruſtici ſeditionem machinantur, qui conſpirantes ſecum, ſtatuērunt Commendatorem felinenſem cum ſui Ordinis Fratribus in arcem trucidare. Uſi autem ſunt hoc aſtu. Moſ erat ſubditis felinenſibus quod cenſum frumentorum, quotannis pendere tenerentur Felini in arcem, idque circa adventum Domini menſe Decembri. Itaque omnes conſpirantes, una eademque die venire cum vehibus frumentorum ad arcem ſtatuērunt. Quilibet eorum adhuc habens virum ſacco incluſum cum armis. Cum vero arcem intrarent, quilibet ſuum ex ſacco focium quantocyus dimittens, inſperate voluerunt in Germanos irruere & trucidare. Verum dolus hic per vetulam aliquam, quæ unicuique ſuum filium habens inter perduelles, Commendatori innotuit, timens ne filius ejus in proditione periret. Petiit itaque ut hæc illi gratiam exhiberet Commendator, ne filius ejus interficeretur, ſigno aliquo certo ſaccum in quo latitabat notando. Cum igitur latere fraudem ſubditi putarent, in die S. Thomæ Apoſtoli, ad opus perficiendum, convenerunt ante arcem. Com-

mendator quos cum advertiſſet, tot admittere jubet, quibus ſe cum ſuis ſufficere poſſe putaret: interfectis tam qui in ſaccis quam qui vehes adveherant. Deinde alios quoque ad arcem admittit, qui viſis cadaveribus ſuorum, conſternati, ſupplices veniam petentes, novum cenſum ſingulis annis pro hac fraude ſolvere ſtatuērunt: idque eadem die qua illi dolum machinabantur, anno 1345.

Hic Magiſter arcem Marienborch & Frauenborch in finibus Ruſſiæ extruxit, quod ægre ferentes vicini, ſtatuērunt eas demoliri: itaque convenientes ex finibus Ruſſiæ trecenti, ingentem fumum ſub arce Marienborch excitaverunt, ut Germanos ſuffocare poſſent, qui non ferentes fumum & denſam caliginem, eruperunt ex arce, & propulſarunt hoſtes, occiſis Ruthenis duode triginta. Regnavit hic Magiſter annis ſex. Moritur Wendæ in Livonia.

XXV. MAGISTER LIVONIÆ

GOSVINUS VON ERCKE.

ANNO 1347 *Gosvinus von Ercke* dignus habitus eſt Magiſterio Ordinis teutonici, qui erat Commendator felinenſis. Hujus Magiſtri tempore aulæ Magiſter Pruſſiæ Henricus Thuſſemer, a Waldimero III Danorum Rege & Othone fratre ejus diſtinctum Harrien & Wirlant cum tribus arcibus & civitatibus Revaliam, Narviam, Weſenbergk, cum omnibus adjacentibus fundis &

libertatibus emit pro novendecim millibus Siclis argenti juxta taxam ponderis coloniensis, [h. e. 158333 et semis *Ripdr.*] qui contractus Marienburgi in Prussia factus anno 1347 die 24 Junii. Eodem tempore Otho Regis Danie frater germanus, amplexus est Ordinem teutonicum. In festo igitur omnium Sanctorum, cesserunt Dani prædictas arces & civitates Ordini Prussiae. Vbi primus fuit constitutus ab Ordine *Commendator Bernhardus von Dreyleben*, defuncti illius Magistri patruelis Saxonia oriundus. Sed redeamus ad propositum. Prædictus igitur Gosvinus multa gessit prælia cum Russis ex Witepsk, Smolensky & Plescoviensibus, quorum plus decem millia vno prostravit prælio, die Purificationis B. V. Mariæ anno 1348, paucis suorum interfectis, & IIX fratribus Ordinis. Sequenti vero anno cum Samogitis bellum suscepit, eorum provinciam depopulavit & aliquot eorum munitiones occupavit vi & armata manu, quas tandem ad fundamenta usque diruere jussit, vtpote *Kula, Basin, Dobesin & Zela*. His peractis in Samogitia, cum ingenti præda revertitur in Livoniam. Hic annis quatuordecim functus est Magisterio, habuit tum temporis socium Archiepiscopum Rigensem *Fromholdum a Fiffhausen*.

XXVI MAGISTER LIVONIÆ

ARNOLDUS VON VITINKHOVE.

ANNO 1360 successus est in locum Gosvini

Arnoldus a Vitinkhove Commendator Marienburgensis in Livonia, qui sui Magisterii tempore multas expeditiones, tam hyeme quam æstate adversus infideles habuit. Inter cetera vero memoratu digna nec illud fuit postremum, quod *Caunam* in Lithuania expugnavit, & Regem Lithuaniae *Constantinum* cum filio multisque Nobilibus captivavit, interfectis ibidem duobus millibus, munitionem vero ipsam exussit, & ad fundamenta usque diruere fecit. Præfuit Magisterio annis duodecim.

XXVII. MAGISTER LIVONIÆ

GUILHELMUS A FREYMERSEN.

ANNO 1372 successit Arnoldo *Guilhelmus*, qui quoque cum Russis & Lithuanis & Semigalis multa prælia commisit. Hujus Magistri tempore Archipræfules Rigenfis cathedram obtinuit *Johannes a Sinten*, ordine octavus.

XXVIII. LIVONIÆ MAGISTER.

LOBERTUS AB HULSEN.

ANNO 1384 subsecutus est in officio Magisterii *Guilhelmum, Lobertus ab Hulsen* pomeranus. Sub hujus Regimine cum exteris pax erat. Sed intestina iterum cum Derpatensibus bella exoriantur, quæ tandem a Waldinaro Magistro pacata sunt; uti inferius recensabitur. Vixit hic annis novem in Magisterio.

XXIX MAGISTER LIVONIE

WOLDIMARUS A BRUGGENEY.

ANNO 1349 adeptus est officium Magisterii, Woldimarus a Bruggeney: vir multarum virtutum & facinorum bellicorum clarus. Is inchoatum cum Derpatensibus bellum, hoc pacto finivit. Nam Derpatenses concepto odio in Ordinem Crucigerorum, fœdus inierant cum Ruthenis, Litthuanis & Samogitis, ut eorum suppetitis adjuti facilius debellarent Magistrum. Verum Waldimarus exercitum colligens fratresque Ordinis sui, cum prædicti hostes Livoniam magna ex parte devastassent, & lacum Peips transfretarent, eos in littore excipiens magnam hostium stragem edidit. Quo facto Derpatenses humiliati & compositis cum Ordine rebus, iterum in ordinem redacti sunt.

Hujus Magistri tempore Nobilitas in districtu Harrien & Wirland, hæreditario jure a Magistro Prussie Conrado Jungio privilegiata est, ut uterque sexus tam mobilium quam immobilium bonorum hæres existeret. Actum Gedani 1397. Præterea si quæ controversia inter Nobiles prædictorum districtuum agitata, ne semper supremum peterent Magistratum in Prussia; Sex Nobiles utriusque districtus cum duobus ex Ordine Præfectis: utpote Commendatore Revaliensis & Advocato Wefenbergensi deputati erant ad

dirimendas

dirimendas lites, de quorum decreto nulla admitteretur appellatio.

Nec illud postremum, quod ea gauderet libertate Nobilitas loci istius, ut homicidam tueri possent, si in cujus bona vel prædium confugisset: etiam contra voluntatem superioris Magistratus. Ad hæc quilibet Nobilis jure gaudebat proprio in bonis suis, judicare etiam criminalia inter subditos suos, nullo interpellante alio Magistratu arcis vel Præfecturæ, nisi sponte & forsitan ut vitaret suspicionem falsi judicii propriæ vindictæ. Verum hisce libertatibus ditati, deteriores effecti Nobiles, nec juris nec æquitatis habentes rationem, pro libitu omnia faciebant, opprimentes subditos, adeo ut si quis eorum mortuus erat, post se relinquens liberos, Dominus omnia sibi tribuens, orphanos spoliabat, qui postmodum fores aliorum pulsare & ostiatim victum quærere compulsi sunt: & si quis subditorum vel minime deliquisset, jussu Domini sui umbilicotenus nudatus, virgis cadebatur, nullam vel sexus vel ætatis rationem habentes. Nec licitum fuit subdito, de injuria illata a Domino, Magistratum interpellare. Nec Domino quoque pudor fuit, subditos suos in commutationem dare pro canibus & accipitribus. Et si quis necessitate coactus, alium in defensione propriæ salutis, casu occidisset, absque judicio & sine ullo jure, nullo adhibito carnifice, capitis damnatus mulctabatur. Si vero

E

effugisset homicida, vxor vel liberi mariti vel parentis pœnas luere sæpius accidit. His & similibus oneribus, magis tyranno subditi premebantur jugo. Vnde tandem vsque adeo insolentia excrevit nobilium Livonorum, quoad vxores eorum, cum currum ascendere vellent, rusticus primo humi prostratus, se trunci loco, pedibus illius subiecit: ne tamen delicatus asinus si minus delicate ascenderet, læderetur vel strepitum ederet, vnde forsitan ab assistentibus, si animadversum fuisset, risui & cachinnis exponeretur. Sed satis hæc hoc loco de Nobilitatis Livoniæ effrenata superbia atque inaudita ambitione & petulantia: de qua pluribus pius Lector in sequentibus nisi etiam honestis auribus molestum fuerit ista sufferre, auditurus. Vixit autem in Magisterio Wol-dimarum annis decem.

XXX MAGISTER LIVONIÆ
CONRADUS A FITINKHOVE.

ANNO 1404 suscepit munus Magisterii in Livonia *Conradus a Fitinkhove*. Is cum Moschovitis magnum commisit prælium ad fluvium Modda, ubi septem millia Moschorum interfecti sunt, præter eos qui se aquis suffocarunt. Hac vero parta victoria, constituerat susceptum jam bellum cum Moschis in armis finire. Sed quia tum in Prussia aliud exortum bellum inter Prutenos & Jagellonem Poloniæ Regem, qui & Witholdum,

Magnum Litthuanie Ducem, sibi belli socium asciverat: Magister Livoniæ Cruciferis Prussie suppetias ferre decrevit, & sic inducias cum Moschis invitus sumere coactus fuit. Hujus Magistri regimine anno 1407, in campo Mariendahl vno ab vrbe Revalia milliari, inchoatum est celebre illud monasterium Divæ Brigittæ, a tribus opulentis mercatoribus, quod tandem consummatum est anno 1436.

Anno vero 1413 Magnus Dux Litthuanie, Duci Moscovie, Ducatum Smolensky, armis & bello ademit. Magister autem Conradus potitus est regimine annis decem.

XXXI MAGISTER LIVONIÆ
THEODORICUS TURCA,

ANNO 1414 susceptus est ad officium Magisterii *Theodoricus*, qui bona pace potitus, non diu regnavit. Hujus temporibus extitit Archiepiscopus rigensis Jo. Valenraderus, qui interfuit Concilio constantiensi, ubi Jo. Hussius ex Concilii Decreto tanquam Hæreticus igni fuit adjudicatus, quem Livonica Nobilitas cum ducentis equis ad illud generale Concilium expediverat. Verum reversus Rigam non multo post oblit.

XXXII. LIVONIÆ MAGISTER.
SUIHARDUS A SPANHEIM.

ANNO 1418 suscepit Magisterii munus *Suihard*.

du. Is continuo in armis adversus Litthuanos degere coactus fuit: Vixit in Magisterio annis decem. Hujus tempore Cathedram rigensem rexit Johannes Habundus.

XXXIII MAGISTER LIVONIÆ.

CYSUS A RUTENBERCH.

ANNO 1428 cœpit Magisterio præesse *Cysus*. Hujus regiminis tempore anno 1433 vndecima Maji, tota civitas Revalia cum cathedrali ecclesia, templis & cœnobiis incendio conflagrata. Prædictus vero Magister Cysus adversus Litthuanos arma sumsit, & magno cum exercitu Litthuaniam vastavit. Verum exercitus dysenteriae morbo laborans, magna militum pars extincta. Hoc in morbo ipse Magister cum multis Ordinis sui Fratribus periit; functus est officio Magisterii annis novem. Hujus fuit comes in Archiepiscopatu rigensi Henningius a Scharfenberger.

XXXIV. LIVONIÆ MAGISTER

FRANCO A KERSDORFF.

ANNO 1437 successit Cyso, *Francus Kersdorff*, qui a Magistro Prussiae contra voluntatem Livonum in Magisterium intrusus. Is inchoatum cum Litthuanis bellum finire volens, cum copiosissimum collegisset exercitum, & in Litthuaniam perrexisset, plus quam viginti millia selectorum militum in conflictu cum Litthuanis

perdidit. Magnum sane Livoniae lamentum, unde nec parvum subsecutum est detrimentum.

Verum haud minus & illud Livoniae obfuit, quod videlicet prædictus Magister, tum Rigæ magnum pecuniarum thesaurum collegisset. Nam ab vno Commendatore felinensi, qui mortuus fuerat, triginta millia Marcarum in auro & trecentas libras argenti, absque suppellectili argentea & abaco, quæ ei contigerant, accepit. Ab Advocato vero in *Albo Lapide*, Aureorum & Talorum ad centum millia extorsit. Quibus corrasis in Prussiam se contulit, bene expilato Livoniae ærario. Præfuit Ordini & obfuit annis duobus.

XXXV MAGISTER LIVONIÆ

HENRICUS A BUKKENODEN.

ANNO 1439 subsecutus est *Hen. a Bukkenoden* cognominatus *Sehüngel*. Hic absque consensu aulæ Magistri Prussiae, qui semper primum dederat votum in electione Magistrorum Livoniae, ab Ordine & Nobilibus livoniensibus in Magistrum adoptatus. Is lites & dissensiones omnes cum Henr. Scharfenberger Archiepiscopo rigensi mitigavit. Verum nec diu servata pax fuit, eo quod inter Archiepiscopum rigensem & Magistrum Ordinis de eminentia regiminis & autoritate continua fuit æmulatio: quia Archiepiscopus rigensis semper *Primas* habitus fuit Livoniae, ad hæc etiam quod Ordo Cruciferorum ab Archiepiscopo

rigensi & cœteris Livoniæ Episcopis accitus fuit in illam provinciam, qui ut religiosi milites juvarent propagare fidem Christi in gente & natione barbara, quam ob causam prædicti Episcopi cum Archiepiscopo rigensi, Magistro & Ordine cesserunt tertiam partem Livoniæ, reservantes sibi duas partes. Successu vero temporis Ordo & Magister obliti priorum, sibi summam arrogantes auctoritatem, causam præbuerunt multarum rixarum, unde non pauca subsequuta sunt mala. Hic quoque duntaxat annis duobus functus est Magisterio.

XXXVI LIVONIÆ MAGISTER.

HENRICUS FINKE AB HAVERBERGE.

ANNO 1442 Henricum a Bukkenoden subsequitur alter *Heidenreich Finke*. Hic duas habuit expeditiones in Moschoviam, magnamque illius provinciæ partem gladio & igne devastavit. Ædificavit arcem in Cironia Bausk, potitus regimine quatuordecim annis.

XXXVII. LIVONIÆ MAGISTER

JOHANNES OSTHOF A MENGDEN.

ANNO 1456 successit in officium Magisterii *Johannes Osthof*. Is colligens copias non exiguas pro suppetiis ferendis Magistro Prussiæ adversus civitates quæ defecerant ab Ordine Crucigerorum in Prussia. Verum intestino compulsus bello, iisdem usus est adversus Sylvestrum

Archiepiscopum rigensem, qui ab eodem Magistro Kokenhausii obses, & captus est ibidem: spoliatur bonis omnibus, veneno extingvitur; quo tandem odio concepto Magister, *Livoniæ Annales* repositos in Bibliotheca Archiepiscopatus Kokenhausii, qui Livoniæ gesta continebant, cum ceteris codicibus comburi jussit, uti initio insinuavimus. Ipsum vero sacrum Mystam, veneno extinxerunt.

ANNO 1472 appulit Revaliam femina ex Græcia, prognata ex stirpe imperatoria Palæologorum, quæ Magno Duci Moscoviæ Johanni Basilidis ejus nominis primo, Constantinopoli desponsata fuit: inde vero magno cum comitatu ad Moscoviæ fines deducitur. Ibi a Moschis summo cum applausu & splendidissimo apparatu excepta, ad Principem suum abducunt. Annis hic Magister præfuit decem & novem.

XXXVIII. LIVONIÆ MAGISTER.

JOHANNES WALTHAUSEN.

ANNO 1475 susceptus est ad hoc munus Magisterii Johannes a Walthausen. Hic in Wironia vel Wirlandia, extruxit munitionem Tolsborch, qui cum sesquialterum annum suo præfuisset Ordini, citra omne jus & fas, ab eodem Ordine suo deponitur & Wendæ captivatur, ubi etiam finivit vitam. Quod ipsum non multo post, quoque Archiepiscopo Rigensi a Civibus suis evenit, uti inferius

recensebatur. Vnde magna Livoniæ plaga subsecuta est.

XXXIX MAGISTER LIVONIÆ BERNHARDUS VON DER BORCH.

ANNO 1477 adeptus est Magisterium in Livonia Bernhardus von der Borch, qui bello laceffit a Moschis se quoque munire cœpit adversus hostem. Collegit idcirco exercitum copiosissimum ad centum millia, qualem nullus unquam Magistrorum in Livonia ante illum vel etiam post habuit. Tanto igitur cum exercitu perrexit in ditiones Moschi, omnia depopulando & suburbium Plescoviæ exussit. Verum Moschus nequam otiosus, quamdiu Magister in Moscovia grassatur, ille vicissim reddens rationem, Livoniam devastavit: deterius multo quam in Moscovia factum fuit. Multa millia hominum ad instar pecudum in Moscoviam abacta fuerunt.

Hic quoque Magister cum Archiepiscopo rigensi *Stephano Gruben*, gessit bellum. Rigam obsidet. Verum Rigenses se mascole defendentes, Magister cum pudore recedere coactus fuit. Tunc temporis Rigenses arcem civitati adjacentem diruere fecerunt, quam deinceps sub Plettenbergio iterum ædificare cogeantur, uti inferius recensebitur.

Verum Archiepiscopus prædictus multas a Magistro & Ordine perpeffus injurias, ad extremum

velatis oculis, inverso modo, equo impositus, caudam equi manu tenens, vrbe extruditur. Cujus rei ignominia commotus Pontifex romanus Sixtus IV, Magistrum cum suis complicitibus anathemate percussit. Vnde evenit quod pari infamia Magister depositus ab officio, reliquum vitæ misere transegerit, postquam præfuerat Ordini annis novem.

XL MAGISTER LIVONIÆ

JOHANNES FREYTAG.

ANNO 1479 debellavit Moschus Ducatus novogrodensem in Russia, & suo subjecit imperio, incolas vero loci illius inde exturbavit, & alibi in ditione sua per varia loca dispersit. Anno 1486 incepit præesse Ordini in Livonia, Johannes Freytag, Commendator revaliensis, durante adhuc bello cum Rigensibus. Verum cum utraque Pars ad committendum prælium parata esset, acies suas in latissimo campo sub arce Greiden instruunt. Vbi Magister a Rigensibus profligatus, octo Ordinis Præfecti, captivi ducti sunt Rigam cum triumpho, totidem in prælio cæsi.

Anno 1492 Johannes Basilidis Dux Moscoviæ cœpit ædificare arcem e regione Narviæ Germanorum, in finibus Livoniæ, quam secundum nominis sui proprietatem Iwango rod vocare voluit, non sine magno Livonum incommodo. Fertur et illud Revaliæ accidisse circa ista tempora.

quod duo mercatores moschi, quorum alter falsam monetam euderat Revaliæ, alter in sodo-
mitico deprehensus scelere cum equa, a Senatu
igni adjudicati & combusti juxta juris decreta.
Quorum necem Moschus ægre ferens, eorum in-
famiam hoc pacto vindicavit: quod videlicet om-
nes mercatores germanos, qui tum in Mosco-
via erant, in foetidissimos carceres injici jussit,
ubi multi inedia, multi fœtore & squalore con-
sumi, vitam misere finierunt. Hic Magisterio
potius annis novem.

ADMONITIO AD LECTOREM.

VOLO TE hoc loco admonitum Lector Bene-
vole, quod a temporibus Plettenbergii quadra-
gesimi primi Livoniæ Magistri fusius parum no-
stram conscripturi sumus historiam: causa est,
quod res ab illo & sequentibus Magistris gestas,
homines nostri seculi plures quorum ipse notitiam
habuit, memoria tenuerunt. Ex quorum fide
digna relatione multa didici, quæ nostri tempo-
ris scriptores rerum livonicarum ministri evange-
lici studio subticere statuerunt: ut vel hac ratio-
ne curæ a catholicis Toparchis olim in Livonia
laute præsita, unde posteri non parvam
edificationem in catholica religione haurire pos-
sent, sua invidia hominibus eriperent. Imo quod

mirandum, volunt hunc virum catholicissimum
hæreticæ pravitatis insimulare, qui tot catholica
religionis monumenta post se reliquit: ut inferi-
us dicetur. Cum res apertissime sit falsa. Nam
anno 1495 Plettenbergius susceptus est ad munus
Magisterii, & viginti duobus annis post, utpote
anno 1517, primo incepit Lutherus sui quinti
Evangelii semina spargere.

XLI LIVONIÆ MAGISTER GUALTERUS PLETTENBERGIUS.

ANNO 1495 Gualterus Plettenbergius, vir &
militaris scientiæ peritus & in pietate erga Deum
zelosus non sine laude, & meliori omine cepit
fungi Magisterio, qui omne studium in hoc unum
convertit, ut primo intestinos sedaret tumultus
cum Rigenfibus quos Plettenbergius adegit, ut
arcem rigensem ab illis dirutam reedificarent ut
ante fuerat. Atque ut eos facilius sub obedientia
contineret, Dunamundam arcem melius ut ante
munire cepit. Wendam arcem quoque turribus
munitionem reddidit.

Moschus autem cum multas præberet Livoni-
sibus belli causas, & per septuaginta miliaria Li-
voniam depopulasset, unanimi Procerum con-
sensu decretum fuit, hosti bellum apertum indi-
cere, & injuriam illatam armis vindicare. Itaque
cum Alexandro, magno Lithuanie Duce, Plet-
tenbergius fœdus inivit, simul contra Ducem Mo-
schoviz, cujus filiam habuit Alexander conjugem,

arma fumere, & cum propter affinitatem cum Moscho contractam, Alexandro tute fidere non posset, Plettenbergius, pactum inter se factum juramento & literis confirmare voluit: Quod etiam factum fuit. Verum cum Plettenbergius esset paratus, interim Adalbertus Poloniae Rex, frater Alexandri moritur, cujus morte præpeditus, ad obtinendum sceptrum in Poloniam properavit. Ita spe fraudatus Plettenbergius auxilii, cum suis duntaxat in Moschoviae Principis ditio- nes perrexit. Ibi cum primo offendisset quadra- ginta millia Moschorum, commisso cum illis prælio eos in fugam converit, caesis quam plu- rimis. Qua victoria obtenta magnam partem re- gionis istius igne & gladio vastavit. Verum exer- citus ex incommoditate & cibi non assueti crudi- tate corruptus, dissenteriae morbo laborare coepit. Quare exercitus dispersus, finem tum imponere bello Plettenbergius nequit. Verum et Pletten- bergius morbo correptus, quiescere ab armis co- gitur. Dum autem Nostri ægritudine premuntur: Moschus irruptionem fecit in Livoniam, obvia quæque devastat: plus quam quadraginta millia hominum interfecit, & in captivitatem abduxit. Sub Helmet autem cum in reditu esset Moschus, interceptus a Germanis, quindecim millia caedun- tur vna cum belli Duce Alexandro Doblinsky. Factum anno 1502.

Eodem igitur anno, mense Augusto Pletten-

bergius cum suis paratus ad bellum, cum duobus millibus equitibus cataphractis, & mille quingen- tis peditibus Plescoviam perrexit. Vbi insperate a Moschis nonaginta millibus vndequeque cir- cumseptus, nullum aliud refugium sibi restare intelligit, quam vel pugnare vel mori. Iccirco descendens ab equo, Dei & beatissimæ Virginis implorat auxilium: Nam Provincia Livonia a primis in ea christianæ Religionis fundatoribus patrociniò Deiparæ Virginis commissæ fuit. Quæ etiam tum temporis cum sanctissimo Pusione in æ- re apparebat. Qua visione Plettenbergius cum suis quodammodo recreatus ad fortiter dimican- dum cum suis adhortatus fuisset. Tormentum vnicum quod tum secum habuit, concatenatis globis oneratum explodi in hostem imperat. Id- que cum ter quaterve reiteratum fuisset, hostium phalanges dirumpuntur. Et cum iam acies sta- rent confusæ, Plettenbergius eos facile fudit, adeo ut paucissimi fuga sibi vitam consulere. Mi- raculum sane tam parvis copiis, tantum exerci- tum vincere & superare. Verum hujus visionis prædictæ scriptores moderni nullam faciunt men- tionem: Causam facile pius quilibet intelligit, qui scit, quanta hi laborant invidia, non modo in superbenedictam Dei Genetricem, verum in omnes Dei Sanctos, adeo ut illis omnem pro- fus auxiliandi, per intercessionem ad Deum per- iclitantibus potestatem, eripere ultra modum

moliantur. Verum nos id, ex certa habentes majorum nostrorum traditione, hoc loco inferre, tanquam rem omnibus notam non puduit. Non obstantibus malevolorum obrectationibus, qui id ipsum tanquam naturæ paradoxon conantur ire inficias. Verum redeamus ad propositum. Reportata igitur tam gloriosa victoria: Plettenbergius in perpetuam rei memoriam, duplicem monetam cudere iussit, sub vna effigie Patronæ Livoniæ, uti in conflictu Livonibus apparebat: auream ad instar aureorum Lusitanicæ vulgo Portugalica dictam, decem Vngaricales continentem: argenteam quoque omni fuce carentem nitidamque quæ nunc rarior, quatuordecim constantem grossibus polonicis.

Præstiterat quoque belli Dux Plettenbergius in hoc conflictu votum, quod si obtenta victoria, salvus evaderet hostium manus se loca sacra invisurum, ac peregrinari Hierosolymam: qui non multo post gravi morbo correptus, cum voti sui compos esse non posset, convocatis Ordinibus sui Fratribus, rem illis uti necessariam proponit: ut saltem vel illo vita functo, siquidem Deo vovisset & hac ratione insperatam victoriam obtinuisset, aliquos ex suo Collegio implendi voti gratia ad loca sacra expedirent. Quibus cum id videretur molestum, omnesque recusarent: unus duntaxat inter illos repertus: Vir bonus & rectus Robertus liber Baro Commendator felinensis, qui

hanc in se provinciam suscepit, illud duntaxat flagitando ut eum tanquam totius Livoniæ Legatum, honesto cum comitatu expedirent. Cui Livones adjunxerunt Equites quinquaginta, tribuentes ei Oratorem quendam *Dionysium Fabri* Pomeranum, Livoniæ Syndicum, virum Juris civilis doctum: imprimis ad Proceres Imperii deinde ad Carolum V Imperatorem, postremo ad Romanum Pontificem Leonem ablegarunt, v obtentis ad Solimanum literis, liber ei transitu pateret, in regionem ire redireque sacram. Quæ itinere feliciter exacto, Carolus V Imperator ob multa præclara Cruciferorum in Livonia præstita facinora Livoniæ Magistrum abhinc inter Imperii Principes annumerare voluit, Principis quoque titulo beavit. Hinc facile colligitur, num prædictus Plettenbergius hæreticus fuerit an non: v impudenter asserere de illo veriti non sunt, qui Livonicam Historiam hoc nostro seculo conscribere conati sunt.

Hujus Magistri temporibus, rigen. Cathedra rexit *Casparus Linden*, vir quoque in religionis zelo fervens, qui semper Plettenbergio & consilio & ope adversus Moschum magno fuit adjumento.

XLII. LIVONIÆ MAGISTER

HERMANNUS VON BRUGGENEY
COGNOMINATUS HASENKAMPF

PLETTENBERGIO successit Hasencampius.

qui primus inter Magistros Livoniæ Principis titulum usurpare cœpit, anno circiter 1535. Is post Plettenbergium bona pace potitus, & otio diffuens, cum hæresis Lutherana iam magnam Germaniæ partem infecisset, is in catholica religione tepidus, eandem hæresin in Livonia disseminare permittit. Sic igitur aucti honore majori ac titulis Livoniæ Magistri, cum hoc ipso ad majora provocarentur, en in contraria rapiuntur, tepescentes tam in virtutibus, quam zelo pietatis sensim ab auita & pristina majorum suorum religione deficiunt; immemores Voti Ordinisque sui, conniventes flagitiosorum excessibus, ipsi quoque voluptatibus dediti in summa pace ac rerum omnium affluentia commessionibus atque ebrietatibus continuis se ingurgitando, in pessima quæque scelera præcipites feruntur & ruunt; paratissimam se ipsos exhibentes fomitem, ad concipiendam hæreticam pravitatem. Fertur enim id de inaudita bibendi indolentia apud Nobiles Livoniæ hunc fuisse morem observatum, quod nimirum cum in computationibus aliquot convenissent: tum de laude inter eos potitatum fuit, qui nam alterum citius inebriaret. Et ne dolo circumveniret unus alium, non permissum fuit a mensa surgere, cum quis vesicam levare velit, ne sub hoc prætextu, aliquis sibi ultro vomitum provocaret, & nimietatem potus more canum, ore ejiceret, Puer aliquis

aliquis coactus fuit pelvim sub mensa porrigere illi qui mejere voluit. Unde sæpius evenit quod non nulli ex nimia crapula, ebrii animam exhalarent: adeo ut illud vere de Livonibus dici poterat, uti Persarum Græcorumque sonat proverbium: *η πιδι η απιδι*, aut bibe aut abi. Verum nec mirum: Ita enim evenire consuevit, quod Vir Dei de Israelitis queritur: Deuter. XXXII. 15. *Incrassatus (inquit) est dilectus, & recalcitra- vit: incrassatus impinguatus dilatatus: dereliquit Deum factorem suum, & recessit a Deo salutari suo.* Quod sane accidit Livoniæ. Nam non modo Crucigerorum Ordo potens, a religione catholica defecit, vota fregit, incestuosa connubia contrahunt Ordinis Fratres, & ad nova ex saxonica palude, apostatæ Lutheri hausta dogmata animum derepente applicant. Verum ipsi quoque Antistites, veluti gregis Domini vigiles Endymionem agere cœperunt, secure in vtramque dormiunt aurem, cum fera rapax gregem adoritur, & oves diripit. Dormitante namque Patre familias facile admittitur ut inimicus superseminet lolium tritico. Ac quod mirandum magis, Derpati nimirum primo, anno 1538, non Rigæ Revaliæve aut aliis in maritimis Livoniæ civitatibus, hujus infelicissimæ hæresis semina sparsa, præsentē Antistite ibidem Hermannō Bey: idque non a viro literato, verum Pellione quodam, homine inepto ac rudi, Michael

nomine, qui Noribergâ huc in Livoniam, nescio a Deo ne? an ab alio Prodromus Diaboli missus venerat. Apparebat sane ex ipso Apostolo, quale futurum erat Evangelium. Vt igitur doctrina responderet inventori, inventor & prædicator doctrinæ, (similes namque ut habeant labra lactucas necesse est,) aptissimum Cacerodæmon suo stratagemate instrumentum repererat, ut ejus Minister qui Noribergæ quondam circa emortuas pelles operabatur, nunc in Livonia fidem mortuam & enervem prædicaret. Hujus Magistri tempore præfuit Cathedræ rigensi Jo. hannes Blankfeldt, qui etiam revalienfis fuit Episcopus. Hic Hasenkamp potitus est Magistri titulo annis quatuordecim.

XLIII. LIVONIÆ MAGISTER

JOHANNES VON DER REKKE.

ANNO 1549 defuncto Hasenkampio eligitur in Magistrum Jo. von der Rekke: annis duntaxat duobus præfuit Magisterio. Hujus Magistri patruelis fuit tum Episcopus derpatensis, Successor Hermannii Bey. Is Prædecessori suo haud erat abfimilis, qui pariter connivens seductoribus populi: ultimo iusto Dei judicio a suis extruditur, & Episcopatu cedere cogitur. Fuerunt autem hi duo Antislites, etiam ipsis Livonibus exosi, quippe qui in eorum infamiam sequentem hunc Rithimum confecerant.

*Herr Bischoff Herman Bey,
Gab sein Bischtum umb ein Ey.
Herr Jodocus von der Rekke,
Warf das Bischtum ganz im Drekke.*

Huic Rekkio, quidam Petrus Tisenhausen succedere debebat, qui per Simoniam Episcopatum derpatensem adipisci conabatur: hic spretus a Nobilibus (vocatus est enim *Gern-Bischoff* id est libens Episcopatus) ad sedem haud admittitur. Sed ejus loco substituitur, Hermannus Weyland: Abbas Monasterii Falkena, Ordinis Prædicatorum. Vir ære gravis, hunc ferunt futoris filium fuisse in Westphalia. Hic colophonem imposuit Episcopatu derpatensi: nam captus ibidem, vna cum Fürstenbergio Livoniæ Magistro, uti inferius dicitur, yterque sub Tyrannide Moschica vitam finivit in captivitate.

XLIV MAGISTER LIVONIÆ.

HENRICUS VON GALEN.

ANNO 1551 consecutus est Magisterii munus Henricus von Galen. Qui pacifice sedet in suo Magisterio. Causa est, quod tum Dux Moschoviæ occupatus circa regna Scytarum, Casan & Astracan, quæ suo subjecit imperio: Regem Reginamque eorum captivarat. Hujus Magistri tempore, Rigenfes Archiepiscopum suum flocci

pendentes, ei parere recusant, eo quod Rigenſis Conſulis filius erat: Thomas Schöning: is in anguſtiis conſtitutus, nunchos nunc illos ſupplicat egenus opis. Archiepiſcopatum ſuum deſerere compellitur, querulus pergit Romam. Et cum per Marchionis brandenburgenſis ditiones iter faceret, a Guilielmo Marchionis filio excipitur hoſpicio. Cognita re ab Archiepiſcopo, cur nimirum romanam ſedem peteret, data illi pecuniarum ſumma pro viatico, tractat cum illo vt ſibi apud Pontificem impetraret ſedem rigenſem. Si quidem illum ipſum repudiarent, quia inferioris eſſet familiae. Cui facile conſentit Archiepiſcopus cum ipſe eam obtinere haud poſſet, ſe id facturum pollicetur. Qui cum ſupplex Romam veniſſet, Pontifici expoſuit defectionem Livoniae a Religione catholica, ideoque Rigenſes eum pati nolle, rogabat vt Guilielmum Marchionis filium, in ejus ſubſtitueret locum: qui illuſtri oriundus familia, ad hæc potens, majoris-que eſſet autoritatis. Cui facile annuens Pontifex, ob majus vt ſperabat Religionis augmentum (ignorabat autem Pontifex hunc quoque infectum hæreſi) Confirmationem Guilielmo conferre non diſtulit, qui Archiepiſcopatum non vt bonum opus, ſed vt bonas opes ambiebat. Nam ejus fuit propoſitum, ſi ſaltem pedem in Livonia figere poſſet: vt Crucigerorum Ordinem ex Livonia ſicut ejus Frater, ex Pruſſia exturbare

poſſet: Et ſic toti ſolus dominaretur Livoniae, quod tandem multimoda praxi ad effectum perducere tentabat, vt inferius notabitur.

Acceptatur iccirco a Rigenſibus imo univerſis Livoniae Nobilibus, tanquam Princeps Imperii & Primas hujus Provinciae, idque tanto libentius quanto ardentius eum ſciebant eorum Hæreſin promoturum. Hic ferme omnis mali in Livonia principium extiterat, vtpote qui nullis initiatus ſacris Ordinibus, inſuper etiam hæreticus, nulla munia ſacra peragendo, omnia mutavit, ſacra commiſcendo prophanis. Nubunt Sacerdotes, ſunt miniſtri. Ordines theutonicus Fratres religioſi, pari modo procedunt, Ordinem ſuum vna cum religione abjurant. Ipſe Archiepiſcopus vt ſecularis princeps diſſolutam vitam agit, molitur Cruciferos expellere, conſpirat cum Mariſchalco Livoniae, conſcribunt militem ex Germania: Ordo advertit, literæ interceptiuntur, fraus dolusque aperitur. Hinc rixæ & diſſenſiones, hinc inteſtinum oritur bellum. Ordo arma parat adverſus Marchionem & Mariſchalcum: hi viciffim adverſus ordinem incitantur: Sic qui foris reſiſtere hoſtibus patriæ deherent, domi ſecum quod agant habent. Cujus peſſimi mali omen terribilis Cometa prætendebat, quippe qui multo tempore ſuper Livoniam exiſtens certiſſimi exitii indicium præbuit. Anno Domini 1556, tempore quadageſimæ. Unde ſtatim

vere sequenti inceptum est bellum intestinum inter prædictas partes.

Causa autem quam Marischalcus habuit, ut adversus Magistrum Livoniæ, Ordinemque suum cum Marchione Guilielmo conspiraret, hæc erat. Mos hic observabatur apud Crucigeros quod a temporibus Plettenbergii, qui ab Aulæ-Magistro Prussiæ emerat Jus Patrocinii: Ne amplius per votum illius, quod semper primum & validum fuit in assignandis Magistris Livoniæ, huic Provinciæ Magister declararetur: semper Marischalcus debebat sine ulla controversia, defuncto Magistro in locum illius succedere. Post Plettenbergii obitum primus fuit electus Magister Livoniæ Hasenkampius, qui tempore Plettenbergii Marischalcum egit Livoniæ: Verum cum Hasenkampius creatus esset Magister: In Marischalcum adoptatur Gasparus Münster, Nobilis præcipue ex Westphalia. Magister Hasenkampius annis obreatus, solus tantum onus sufferre haud se posse affirmat: impetrat ab Ordine suo, ut aliquem ex collegis suis ei assignarent Coadjutorem. Cui annuentes Ordinis Fratres tribuebant illi quendam Joannem Rekkium. Defuncto vero Hasenkampio, (non enim ob senectutem diu potiebatur Magisterio) juxta Ordinis Statuta Marischalcus merito succedere debebat Hasenkampio. Fratres vero Ordinis spreto Marischalco contra morem Coadjutorem Magistrum, Rekki-

um in Magistrum eligunt. Hæc prima dissensionis causa, Marischalcum exacerbabat, adversus Ordinem suum. Interim tamen patienter ferens despectum, expectat tempus idoneum, vel promotionis vel ultionis. Magister autem Rekkius pari modo obtinuit Coadjutorem Henricum von Galen: qui quoque conquerebatur sibi difficile fore tantæ satisfacere provinciæ, moritur & ille post biennium, Marischalcus adhuc spe fruitur promotionis, qua cum se frustratum iri cerneret, & Henricum von Galen ad Magisterium adoptari, tum Marischalcus justam habens causam odii, cum Marchione conspirat adversus Ordinem Crucigerorum, ut eum omnino ex Livonia ejicerent.

Scripserat autem Guilielmus Marchio literas ad fratres suos per quendam Georgium Taube Lemseliensem, ut ei navigio militem mitterent in Livoniam: parimodo Marischalcus ad suos, erat enim ex celebri fatis familia Westphaliæ oriundus. Marchionis nuncius, postquam Ordo resevit de dolo, persequitur, qui cum aliter effugere non posset, celeriter cymbam ascendit, ab insequentibus, in littore maris, sclopeto interficitur.

Tabellarius vero Marischalci, missus Dunamundam (ista enim arx spectabat ad Marischalcum) ut ibi tutius quam Rigæ navem posset ascendere, ut negotium maneret in secreto, quem Vicecapitaneus Dunamundensis, rerum adhuc

ignarus qui erat frater Ordinis, multo potu obruit, cum eum reliquerat dormientem in scamno, ad conclave se confert. Cum igitur bene ingurgitatus nuncius ronchos traheret, oblitus capsulæ cum literis, quam puer aliquis curiosus aperiens, ilteras reperit, referat, legit. Et cum de militibus scriptas intelligeret, fert eas Vicecapitaneo legendas, qui cognita fraude Marischalci, confestim tabellarium plenum crapula injicit in carcerem, nemine id sciante, præter pueros cubicularios. Capitaneus vero Ordini suo fidelis, Magistro ista concedit, literas refert, jam dolus cœpit esse in propatulo. Marischalcus qui non sperabat literas suas esse interceptas, cum quingentis equitibus venit Dunamundam, quem cum præter consuetudinem, Vicecapitaneus tanto cum comitatu venire advertisset, explodere jubet tormenta in adventantes, quorum cum aliquot læsisset, Marischalcus ignarus, quod jam constaret de dolo illius, putabat enim honoris gratia explosa tormenta, tibicinem mittit ad portas arcis, ut rem intelligeret, et veluti de inepto facto Vicecapitaneum argueret: qui pro responso retulit, etiam in Marischalcum ipsum se id probaturum, si proprius accesserit, qui præter morem tanta cum caterva Equitum veniret ad arcem: non enim tenebatur secum habere præter viginti Equites, qui eum comitarentur. Patefactum igitur cum advertisset fraudem Marischal-

eus, cum suis Equitibus Ascherotum se confert. Quæ arx quoque spectabat ad Marischalcum, ibi cum per mensem fuisset commoratus, omniaque cum milite consumpsisset, Kokenhausium se confert ad Marchionem suæ conspirationis complicem: ibi quoque diu morari nequit, cum Marchio Guilielmus suum quoque militem haberet: Itaque inde cogitur discedere, vagaturque per Livoniam, desertus a suis militibus. Ultimo in Westphaliâ patriam se confert. Interim Magister Henricus Galen, cum Ordine, collectis copiis, Archiepiscopum Marchionem cum Coadjutore sui Archiepiscopatus Christophoro Duce Mekleburgensi in arce Kokenhausia obsidione cingunt, eundemque capiunt, captumque in Schmilten, postea in Adzel custodiri jubent. Qui anno integro captivus detentus, alium libertatis recipiendæ modum non invenit, quam ut per literas sollicitaret Sigismundum Augustum Poloniæ Regem, ut is affinitatis memor, ei supplicias ferre dignaretur. Simul promittendo se Regi cessurum Archiepiscopatus sui ditionem post obitum. Pari modo germanum fratrem Adalbertum Ducem Prussiæ qui Crucigeros inde eiecerat, supplicat: qui misertus fratris constituit ei venire in auxilium: ni dimissus ad petita Regis Poloniæ fuisset. Rex itaque annuens petitis, Legatum suum Lacky mittit ad Magistrum ut Archiepiscopum pristina restitueret libertati: qui

nec dum Wendam adveniens, ubi sedes erat Magistri Livoniæ in Curlandia interficitur. Iccirco Rex alium mittens ad Magistrum Legatum, non sine indignatione, & minis, Episcopum Samogitiæ, ut bellum Regis nomine, Magistro indiceret, nisi Archiepiscopum captivitate liberaret, Verum Magister parvi faciens Legationem, non statim obtemperat. Itaque Rex in Comitibus regni Anno 1557 concludit bellum adversus Magistrum & Ordinem teutonicum. Et cum exercitus Regis in finibus esset Lithuanicæ, mittit tertio, ut bene considerata re, non esset causa effusionis sanguinis. Sed nec his admonitus locum dare vult petitis Regis. Rex autem ne temere quid inchoaret, quarto ad eum mittit ensẽ evaginatũ, illi dicendo, quod si armis careret, vel se hoc ense tueretur. Siquidem tam sitibundus esset sanguinis. Quibus tandem consternatus Magister, cum vires ejus sufferre tantum non possent impetum, per Legatum Imperatoris Ferdinandi pacem petiit: Sic igitur humiliatus Magister, Archiepiscopum dimisit, qui cum ad priorem rediisset statum adhuc aliquot annis superstes, cum moriretur, suam ditionem cessit Polonis. His itaque rixis finitis, Henricus von Galen diem suum obiit: postquam præfuisse Magisterio sui Ordinis annis septem, cui successit Fürstenbergius, qui vix duobus annis potitus regimine Felini a Moscho capitur & in captivitatem abducitur.

XLV MAGISTER LIVONIÆ GUILIELMUS FURSTENBERGIUS.

ANNO 1557 Guilielmus Fürstenbergius consecutus est officium Magisterii, at non adeo felici omine. Nam etsi consopitum erat bellum cum Rege Poloniæ: & Marchio Guilielmus injuriæ suæ esset oblitus: nova tamen belli ansa datur cum Moscho a Derpatensibus & aliis civitatibus Livoniæ. Nam elapso ab emergente hæresi triennio, cum altas jam quintum Evangelium si Diis placet, fixisset radices, ut difficile posset extirpari: nam per totam Livoniam disseminata hæc tam fecunda seges, brevi tempore, omne suppresserat triticum: tum primo fructus vberes proferre cœpit. Quorum hoc loco seriem recensuri: dummodo non sit molestum pio lectori ista legere & memoria tenere, cum res sint & scitu per jucundæ & memoratu dignæ, quæ sub Archiepiscopi Marchionis & Fürstenbergii dominio in Livonia contigerunt. Templam namque & ædes sacræ ubique spoliantur: & thesauri ecclesiarum cum proventibus diripiuntur. Ex claustris religiosi erumpentes libere uxores ducunt. Cæteri constantes in voto & in religione perseverantes, suspensis crucibus in colla eorum cum summa ignominia vrbibus atque tectis ejiciuntur. Neque his satiatur furor & rabies impune grassandi: Verum etiam sacella moscovitica, quæ mer-

catores Moschi ob suam devotionem passim in Livoniæ civitatibus extruxerant, Derpati, Revalliæ, Rigæ, & aliis pluribus in locis, hæc inquam eodem in furore spoliantur & evertuntur. Quod cum ad magnam Moschoviæ Ducem delatum esset, rem vti sibi in conspectum factam ægerrime tulit: confestim Derpatenses qui hac in re exemplum aliis civitatibus præbuerunt, primo bellum indicit: datis ad Magistrum & Episcopos Livoniæ literis, quorum hic sensus fuit.

Vos effrenati Livones, qui Deo iustoque resistitis Magistratui, mutastis religionem, excussistis jugum tam Imperatoris quam Pontificis romani, Superiorum vestrorum: Etsi illi poterint, se a vobis contemptum iri, permittere, suaque templa spoliari. Ego sane nequaquam ferre hanc meam & ipsius Dei injuriam, & volo & possum. Scitote iccirco me hanc ulcisci velle, & ideo me Deum misisse vobis in plagam pessimam & flagellum, quo vos in ordinem redigam.

Quibus cum literis, nuncium ad Magistrum & Episcopos mittit, exhibendo illis mactigem in signum correctionis: Quem cum Magister pertimesceret, mox Wendæ comitia habuit, consultat quid facto opus sit: constituerunt Livones sibi pacem emere, & per triennium semper Moschoviæ Duci pendere tributum loco 60000 Ungaricorum. His Wendæ stabilitis mittuntur duo nobiles præcipui ex districtu derpatensi, Joannes

Taube & Elehardus Crausius ad Ducem Moschoviæ, ei tributum 60000 Ungaricorum ab universa Nobilitate Livoniæ promittendo. Quo Moschus quodammodo placatus differt bellum per triennium. Elapso triennio cum terminus immineret tributum solvere: Magister cum suis animum mutavit: Mittuntur tamen iidem Nobiles prædicti ad Moschoviæ Ducem: vteum quomodocunqve excusationibus variis, vel placarent, vel ab eo expiscarentur quidnam animo volveret. Itaque cum jam advenissent hi internuncii, honorifice a Moscho prima fronte excipiuntur, ratus sibi tributum allatum a Livonibus: nam satis splendide hi Legati eo venerant, adeo ut calceamenta eorum micarent vinionibus. Verum experta fraude, eos pari modo aulice satis illudit, invitando legatos ad convivium, iussit copiosam vasorum et catinorum cum crateris elaboratæ structuræ supellectilem argenteam deauratam coopertam splendidissime mensæ apponere. Legati rati lautissimam tractationem secuturam: cum accumberent mensæ singula disco operire facit, quæ cum vacua essent, consternati Livones hujus tractationis novitate, facile colligere poterant, cur ista essent instructa, summo itaque cum pudore ex aula Ducis deducuntur, postera die Derpatum pergunt, quo cum honore, facile quilibet prudens colligere potest.

Non multo post Moschus Derpatum obsidione cingit saltem octiduo sub illam commoratur, cujus terrore perculsi Derpatenses, quamvis Moschus nullum ad moenia civitatis explosisset tormentum, ultro ei se dedunt. Obrepta igitur civitate, non modo primarios cives, sed plurimos ex plebejis, capite plectere jubet, adeo ut canales civitatis sanguine inundarent. Episcopum ipsum Hermannum Weyland captivum ducit in ditionem suam: residuos vero, tam virilis quam foeminei sexus omnes jubet in forum compellere. Ubi ipse sedens pro tribunali, a singulis, cujusnam essent sectae vel religionis curiose inquit. Inter quos quatuor vel quinque reperiens catholicos sacerdotes, Canonicos Derpatenses. Cum quibus erat Tilmannus Bredenbachius, ordinarius Concionator Cathedrae derpatensis, qui Derpatensium gesta & mutationem fidei conscripsit, quos ob hanc ipsam causam, quod constantes manserint in fide Revaliam mittit, cum quingentis sclopeteriis, ut inde irent, quo velint. Praecessit autem huic tragediae omen mirabile. Est genus pisciculorum quod maxime in lacu moschico reperitur, vocantur vulgo Stink vel Stint, a foetore quem secum afferunt. Hi pratendentes quid moschicum, qui Moschici dicuntur. Horum tanta fuit copia circa Derpatum, non modo in aquis fluentibus aut rivulis: verum etiam lacunae &

paludes iis repletae fuerunt, ubi nusquam pisces ulli reperti, & jam in publicis viis ut seminati non allati viderentur. Quid vero praesignificari facile Lector prudens advertere poteris.

Verum hujus vindictae ac ultionis divinae justissimam causam praebuit Livonum superborum insolentia, & a fide ac religione ad Haeresin defectio. Verum etiam scelera enormia atque excessus, quorum aliquot hic ordine ob memoriam hominum, ut alii inde eorum posterum Livones superstites exemplum capere queant, si similes plagas evadere velint. Porro superius mentionem fecimus de Pellione quodam Noribergico, cujus etiam in multis meminit Tilmannus Bredenbachius, qui derpatensium gesta conscripsit, qui primo Derpati, quinti Evangelii Apostolum egit. Is tanquam causa, & totius mali pessimum Diaboli instrumentum naniis suis, & praestigiis Derpatensium animos ita fascinarat: ut Episcopo derpatensi, templum parochiale Divo Ioanni Baptistae dicatum, cives eriperent; Et huic Rabulae pellioni committerent, ut ibi eorum ageret parochum & animarum curatorem. De quo sane multa refert praedictus Bredenbachius quorum omnium hic seriem retexere longum esset. Aliqua duntaxat vel lectu jucundiora vel memoratu digniora recenserebimus.

Inter caetera vero, hujus Pseudo apostoli, factum hoc loco satis lepidum unum vel alterum

referam. Utpote postquam jam Parochum agere cœpisset suorum civium Derpati, & curam suscepisset templi, in quo cum copiosam vasorum sacrorum suppellectilem reperisset [nec dum enim in ipsis principiis suæ hæresis ausi erant templi thesaurum diripere.] Et Pellio ipse in suos illum usus verébatur convertere, qui Noribergæ vix pane gauderat quotidiano. Hic enim si in patria sua habuisset bene, in Livoniam profecto per maria prædicatum Lutheri somnia haud venisset. Desperatio quippe uti ferunt, facit monachum. Nescius iccirco quid consilii caperet, cum pretiosissima quæque a maioribus non sine magnis sumptibus collata erant ecclesiis, calices scilicet & monstrantias aureas: cruces præterea geminis & unionibus ornatas, thuribularia & cæterum apparatus ecclesiasticum cum ei hæc omnia v sui non essent. Nam præter calicem & patenam non requirebat pro suo ministerio: convocat senatum derpatensem. Cum consule illis exponens thesaurum templi eosque affatur. Conspicite inquit ad quos quantosque sumptus minime necessarios sacerdotes papistæ, vos, majoresque vestros allegerunt: cum hæc vel in pauperes vel in publicum civitatis commodum potius conferenda essent. [Largus sane hic bonus Iscariotes in distribuendo, in quæ nec ille nec ejus proavi obolum impenderant.] Quare accipite thesaurum hunc, inque usum magis necessarium vel in pauperes

in pauperes expendite. Ego enim, de se dicit pius Pellio, Apostolos Christi imitabor, unica ero contentus veste, qui jussu Christi si duas haberem, alteram proximo impertirer. Cui Consul: nam grata illi hæc contigerat occasio, bene facis, quod exiguo contentus sis: verum illud minus probatur, ut res tanti precii simul pauperibus distribuuntur. Erat autem inter vasa sacra, Monstrantia aurea, non parvi ponderis, hanc sibi adoptat Consul, promittendo se precium ejus non simul sed successive velle conferre in Xenodochium. Consentit pellio, quem tamen haud multo post, facti sui poenitet: quod tam stupidus fuerit, & aliis diripiendi thesaurum templi ansam dederit. Cum ipse ex eo cum suis laute vivere potuisset. Tacet tamen interim & expectat occasionem exprobrandi iis, qui participes facti bonorum ecclesiæ. Accidit autem quod post menses aliquot, Consul filiz suæ jusserat ex eadem Monstrantia fieri torques & monilia, aliaque ornamenta muliebria. Quibus comparatis cum filia Consulis splendide ornata incederet, eodem in apparatu veniens ad templum, idque sub concione media, quam tum habuit idem pellio, forsitan vel ideo, ut populus omnis eam in tam splendido habitu admiraretur, quam cum animadvertisset concionator pellifex, ex abrupto apostrophen ad populum orditur. Dilectissimi (inquit), meministis hunc fuisse Papistarum

morem, quod videlicet, cum Christum suum, (putabat enim venerabile sacramentum) in fulva veste conspicerent, omnes ad vnum provoluti in terram, eum adorabant. Quid facto opus nunc putatis? Cum filiam nostri Consulis hac veste ornatam videatis, an non censebitur æquum, vt pari modo procidamus in genua eam adoremus? Justum sane ludibrium, quod pro ludibrio Dei redditur, etiamsi idem vlciscatur injuriam ejus, qui ipse ansam dedit talis injuriæ. Permittit namque Deus, vt Dæmon torqveat Dæmonem: Et vipera suam rodât matrem.

Alterum autem ejus factum priori haud minus execrandum sane, commemorat idem Bredenbachius. Cum non sufficeret huic seductori, vt cives germanos suis fascinaret præstigiis, placuit etiam simplicem populum agricolas Æsthones, eadem tabe inficere. Verum cum ipse esset ignarus linguæ æsthonicæ, ascivit sibi socium fraudis suæ textorem quendam, qui operam suam ei hac in parte præstare non gravabatur. Hic accepta a pellione licentia, eaque absoluta, quæ & ipse Noriberga missus fuerat prædicatum in Livoniam: hinc inde vagatur per pagos, puri recentisque verbi semina spargendo. Ante solemnitates autem Paschæ, cum ex Ecclesiæ præcepto Catholici teneantur Eleemosynam facere, & per confessionem expiare delicta. Textor prædictus, milliaribus aliquot a civitate remotus in

pagis, cum ingentem numerum videret subditorum qui more catholico, ad sacram accedere Synaxin parati: Non discernentes hunc textorem a presbytero catholico, putabat enim beata illa simplicitas, omnes qui concionarentur sacerdotis fungi officio, illos turmatim admittens ad confessionem, parva molestia facile eos expedit. Sequenti vero die, cum communicare populum deberet, carens hostiis, & ad civitatem pro eis mittere longum erat, ne offensam incurreret populi, ob incuriam sacræ rei, hoc astu usus: accepto videlicet raphano, quo subditi in Quadragesima istis in partibus vt plurimum vescuntur, scissoque in orbiculos, ad instar hostiarum, populo simplici, sacramenti loco dispergitur. Cujus saporem cum longe dissimilem, ab hostiis Catholicorum sentirent: stupefacti subditi [non enim dolum, ob nefas infandum suspicati] queruli ingemiscunt dicentes: Bone Jesu, cur nobis factus es adeo amarus, qui antea eras tam dulcis & jucundus. Adverte pie Lector, quot absurda eveniunt vno prius commissio. Et quo tandem hæretica pravitas & malitia tendat. Si prudens es intelligis.

Hæc de communione: de confessione non minus lepidum referam. Rusticus quidam a multo tempore confessionem differebat, timens ne in confessione, vrgeretur ad restitutionem, quia nobili cuidam Domino suo bovem furto abstulerat.

Nescio tamen qua devotione rusticus adactus bo-
no proposito ad confessionem accessit. Incidit
autem in prædictum textorem, qui tum confes-
sarium egit, apud eundem nobilem jam hære-
si infectum. Credebat enim rusticus eundem esse
verum sacerdotem. Cui cum inter ceteros ex-
cessus etiam bovis furto ablati mentionem facit,
textor parum versatus in casibus conscientiarum non
vrget restitutionem: Sed accepto munusculo,
pro suscepta confessione, larga ex manica, facile
cum confitentem dispensat, absolvit & liberum
pronunciat. Liberali autem hac obtenta abso-
lutione, rusticus qui ante confessionem quodam-
modo afflictus, reversus domum, hilare exhi-
bet conjugii vultum: quæcum advertisset præter
consuetudinem, maritum bene affectum sibi quæ
abblandiri: alloquitur illum, quid sit quod modo
adeo lætus sis? Cui ille: Nescis inquit ego vere-
bar, ne sacerdos me cogeret ad restitutionem bo-
vis, quem abstuleram Domino: Sed Deo laus,
absolvit me facile. Ad quæ uxor: Vtinam cum
fructu! Non post multum temporis rusticus,
pristinum molitur opus, alterum horem eodem
Domino auferre conatur: quo in facto depre-
hensus, facilem præbuit conjecturam Domino,
quis priorem abstulisset. Qui factus est facinus,
ex decreto Domini sui adjudicatur gabalo. Tex-
tor autem confessarius accitus, ut comitaretur
furem ad supplicium, uti moris est solari damnatos.

Cum autem ventum erat ad furcam, & fur sca-
lam ascenderet, rogat tortorem, ut paulisper
moraretur, dicens se habere, quod referret, an-
nuentibus omnibus: alloquitur Textorem con-
fessarium suum inveniens: O Domine! tu mag-
na es causa supplicii mei. Mirantur omnes, &
confusus textor quærit qua ratione? Cui respon-
dit: Recordaris cum tibi confessus sum de prio-
ri bove ablato, tu non cogebas me ad restituti-
onem, ut facere soliti sacerdotes, nec me de ma-
lefacto arguebas, iccirco parvi faciebam furtum
prius, & sic alterum furripere conabar, in quo
nunc deprehensus misere perire debeo. Sic con-
fessarii imperitia & laxa absolutio, confitenti
præbuit ansam iterandi peccatum, peccatum ve-
ro causam præbuit supplicii. Plura his similia
refert Bredenbachius quæ initio hæresis Dorpati
memoratu digna contigerunt: Verum ob prolixi-
tatem his supersedendum duximus cum alia re-
stent, haud minus relatione digna, recensenda.

Verum hæc superius enumerata Dorpati facta
insinuavimus. Nunc alia quoque quæ diversis
Livoniæ civitatibus hujus Fürstenbergii Magistri
Livoniæ & Marchionis Brandenburgensis tempo-
ribus evenerint, commemorare non abs re fore
puto. Superius quidem mentionem feceramus
de intestino bello inter Magistrum Livoniæ &
Marchionem Gvilielmum Archiepiscopum rigen-
sem: Et quomodo per Sigismundum Augustum

hi duo principes reconciliati sunt, multa tamen horum Dominio durante, notatu digna contigerunt, quorum notitiam posteris non parum profore posse, iudicamus igitur sub brevitate percurrere.

Hujus tumultus & intestini belli tempore, capitur etiam arx archiepiscopalis Ronburgen, vbi id memoria dignum contigit: Erat autem sub arce prædicta sacellum celebre & elegans Divæ Crucis, ad quod pro anniversario dedicationis die, copiosa hominum frequentia, ex omnibus Livoniæ civitatibus, pro consequendis indulgentiis, convenire consueverat, explendo vota Deo præstita, in quo sacello miraculosa multa Deus piis devotisque hominibus, exhibere voluit: tum in morbis tum aliis in calamitatibus. Ad hoc sacellum singulis annis, statò tempore solebat pedes venire Wenda, ipse Magister Livoniæ, tribus distans Ronburgo milliariis: voti solvendi gratia. Hoc tam celebre miraculis sacellum, in hoc intestino bello cum Ordine suscepto, quia sub ipsa arce constitutum erat, ne hostes latibula in eo quærerent, arcique nocerent, jussu Archiepiscopi diruitur, atque ex ruderibus illius, turris robusta satis, pro munitione arois extruitur. Hæc turris confecta, aliquot annis existens, sponte ad ipsa usque fundamenta corruit. Apparet sane, nec rudera,

quæ sacris in ædibus semel Deo dicata atque consecrata prophanis usibus inservire posse.

Simile quid Felini accidit, ibi namque sacellum D. Catharinæ dicatum, atque pro sepultura Crucigerorum extructum sub arce valde elegans. Illud Fürstenbergii jussu cum Moschus Narviam & Dorpatum occupasset, timens ne arci nocivum esset, diruitur. Cujus sacelli rudera impetravit a Fürstenbergio quidam civis felinensis, qui ex illis ædificabat lapideam: cujus parietes adhuc extant. In hac lapidea, cum habitare cœpit Dominus, qui eam exstruxerat, cœcutire cœpit vna cum conjuge, & visu privatur: qui cum secretam miraretur Dei vindictam, vendidit domum alteri. Emptor autem cum inhabitare cœpit, parimodo cœcitate punitur. Et sic in hodiernam usque diem deserta manet, etsi restaurari facile posset: nullus namque audet illam in possessionem accipere.

Rigæ vero hujus Marchionis tempore, non modo admiratione sed & memoria dignissimum accidit, quod paucis referam. Vulgus in civitate quod ab initio petulantissimum fuit, & nunc est, cum jam hæresin acceptasset, & ex libertate novæ Religionis sibi licere omnia putabat, incitatum a ministris quinti Evangelii, persuadentibus plebi, papistas Sanctorum imagines, quarum magna copia fuit, tam in templis, quam in domibus devotorum, Deorum loco coluisse,

meramque esse Idololatriam, hunc sacrarum imaginum cultum, cum Deus præcipiat: Non facias tibi sculptile: [sub hoc namque prætextu Dæmon callidus, Sanctorum est conatus memoriam, ex hominum mentibus eripere.] Omnes iccirco imagines Iconoclastarum more undique colligentes, in montem unum ante civitatem, dictum Kubbisberg comportant & comburunt. In cathedrali vero Ecclesia Rigæ, Divæ Virgini dicata sub titulo Assumptionis, Altare magnum, artificioso fane opere, magnisque sumptibus extructum, tum temporis, cum alias imagines & altaria violarent, ob elegantiam operis mansit intactum. Sed quid? Nam post paucos dies, (neque enim & hanc insatiabilis populi furor & rabies, ferre diu potuit,) effigiem beatissimæ Virginis ex altari eruentes, multis scomatibus Dei Genitricem proscindunt. Vocantes sagam lamiam & his similibus impropriis: objicientes, sat diu veneratam fuisse ab iis, tantquam defensatricem: cum tamen nihil auxilii sentissent, per eam assécutos. Jam autem tempus adesse lucis, ut errorem deponant, veritatem agnoscant. Cum hæc aliæque plures id generis contumeliæ proferuntur, exclamat quidam ex plebe: Eia age inquit, probemus nuni saga sit, sciatque incantare? Alter mox afferens funem, alligantes collo imaginis, magno clamore ac strepitu deferentes ad fluvium Dunam, in aquas ut natantem sagam projiciunt. Imago autem quæ

lignea, super aquas hærens ab iisdem calumniatoribus extrahitur, acclamantibus omnibus, eam veneficam esse, ideoque iustum fore ut veneficarum pœna mulctetur. Unus vero eorum primipilus imaginem iam extractam aquis, aliis præferens ad locum, ubi aliæ prius jam vstæ fuerant, jubet alios ligna ferre. Nam ad littus Dunæ strues lignorum plurimæ solent esse civium, ibi jam magno cum applausu, ut sagam & lamiam flammis absumunt. Verum mirabili sane modo, Deus suum, suæque benedictæ Matris despectum non post multo vlcisci voluit. Nam post mensem vel alteram, subsecuta est vindicta. Inter arcem & civitatem rigensem, habitabat tum temporis, quidam Lambertus Vrader, insignem habens lapideam, qui in festo Assumptionis B. Virginis braxabat Cerevisiam, more Rigensum. Pendebant autem in Camino ubi braxabatur aliquot succidia lardi, quæ fumabat hospes. Braxatores nimium supponentes ignem Cacabo, lardum incendebatur. Et vi flammæ vehementioris per caminum superius effertur. De repente autem orta tempestate valida, ignis devenit ad locum, ubi Rigenfes picem taxare soliti, qui non procul aberat, incenduntur aliquot centena vasa picis, quæ extinguere erat impossibile, magnum intulit Rigenfibus incendium, ita ut permultæ domus tum exustæ. Neque id pro vindicta sufficiebat: nam cum lardum illud

accensum; vti dixi per caminum evolare: nescio quis malus genius, cum ista tempestate tulit succidium lardi accensum, in ipsam summitatem pinnae templi cathedralis, quæ erat tecta lamina plumbea, vti & ipsum templum. Cum igitur ardere cœpisset, nemo ob altitudinem turris, ad ignem facile accedere poterat: præterea plumbum ab igne liquefactum, stillat desuper vt aqua, non permittit vlllo modo vt extinguatur, donec templum totum, cum turri exustum simul, ultionis divinæ signa præbuere certissima. Turris vero debilitata, corruens, lapideas multas accendit, concutit, exurit. Tum Rigenſes advertēre poterant, lamiam ne an sacram Dei genitricis effigiem combusserant? Vt enim igne peccatum fuit: sic igne puniti sunt.

Fertur & illud pro verissimo de Marchione Archiepiscopo, quamvis videatur ridiculum. Marchio quippe qui non modo non consecratus in sacerdotem & Archiepiscopum: verum secularem agens vitam, compotationibus, choreis, aliisque ineptiis addictus, cum esset Pebalgæ in arce sua, plurimos habens hospites nobiles tam viros quam fœminas, circa vesp̄erum ante solis occasum, jam hilaris ipse Marchio choreas ducere cœpit, eum præcipua quadam fœmina, Domina a Pürckel: subsequētibz viginti aliquot paribus, nobilium & aulicorum. Ecce e regione

arcis, mons est rotundus & emiaens, qui olim fuit Lothavorum propugnaculum. In hoc monte conspiciantur aliæ choreæ, eodem in habitu, iisdem personis & musica; vti Archiepiscopus expederat in arce. Quod cum ei ex fenestra palatii ostenditur, intelligens se propter ineptias a Dæmone illudi, inquit, si nendus est nequam, vult namque post tot poenarum miseras etiam aliquantulum exhiberi.

Nec illud de fastu nobilium fœminarum earumque luxu in vestibus prætereundum. Nobilis quidam ex præcipuis Livoniæ, Joannes Tödven nomine, vir alias probus & simplex, hæreditario jure possidebat arcem Rigen in derpatensi districtu, qui duxerat uxorem ex familia Tisenhausiorum, fœminam quoque divitem: quæ cum vnicam ex marito haberet filiam, opibus affluens, meditabatur filiæ suæ, in qua vnice delectabatur, eo sumptu & artificio vestes comparare, vt illi similis non haberetur. Comparatis iccirco quæ ad materiam & sumptum spectabant: demum cogitare cœpit de artifice, qui opus dignum filiæ suæ & artificiose & sumptuose conficeret. Cum se in Livonia sartorem tam peritum reperire posse dubitaret, in vltiorem Germaniam scribit, vt inde quis adduceretur qui & acu pingere artificiose & auro gemmisque texere vermiculate posset.

Quo tandem reperto, cum ille tam longe petitus magister adductus, illa gratulabunda excipit, quærit num sciret filix suæ vestes fuere, quales illi pro placitu suo laudare posset. Artifex intelligens fœminæ fastum, respondit pompose, ut plerique Germanorum mos est. Scio & me hercule ipsa laudabis: nam tales conficiam tuæ natæ vestes, ut diabolus etiam suos cachinnos continere non poterit. Quod tandem evenit. Nam sartor assumtis tribus sociis eodem in artificio peritis, integro anni spatio unicum habitum elaborare contendit, quem vix tanto temporis intervallo confecit: adeo ut ipse sartor absoluto opere ex subtilitate picturæ & ligaturæ cœcutiret. Tandem perfectis vestibus, mater filiam ducit in conclave, fores claudit, ne alius subintraret, & impediret, cum filiam in tam splendidis vestibus ornare vellet. Itaque cum multum temporis in ornando consumsisset: & filia ante speculum se ipsam contempleretur, & admiraretur. En auditur in conclavi cachinnus infvetus, ex quo mater & filia consternata, vix erumpere præ terrore ex cubili sciunt, palpitantes & trementes: nesciunt quis & qualis risus auditus infvetus in conclavi, cum tamen nemo præsens fuerit, referunt. Sed sartoris oraculum impletum quis dubitet? Verum illud magis mirandum, quod eadem mater cum filia, postquam Mosehus derpatensem depopulasset districtum, Rigæ in

tanta sint mortuæ ægestate & ignominia, ut se a vermibus & pediculis tueri non potuerint. Sic nimius luxus, nimia mendicitate & inopia expiatur.

Hujus Archiepiscopi tempore & illud memoratu dignum Rigenes præstiterunt. Expulsi enim vndique ex Livonia sacerdotibus catholicis, uti superius insinuavimus, qui nec novam amplecterentur hæresin, nec incestuosa appetrent connubia. Remanserat Rigæ senio jam confectus sacerdos, nullam sciens in Livonia conditionem, hic ut mendicus inter notos suos ut poterat se sustentabat: hunc sufferre nolentes rigenses, aliquoties a senatu monitus, ut vrbe cederet, qui parvi faciens monita, eo quod nullius esset sibi mali conscius, putabat enim sibi ob id nihil evenire posse adversi. Cernens senatus se ab eo sperni, clam sacerdotem senem capere, inque profundissimum carcerem conjicere mandavit. Ubi per menses aliquot delitescens inedia conficitur. Ultimo vero cum illum publico decreto ad mortem condemnare non ausint: hoc astu eum e medio tollere, non sine magno cruciatu, statuerunt. Jubent pro illo opiparum parare prandium, eique in carceribus offerre, qui cum acceptasset, ratus bonum fortiri finem hanc molestam ejus captivitatem, ut famelicus erat, bene ex eodem prandio vescitur. Et ut negotium dolo careret, avidiusque sumeret cibum, porrigitur

illi quoque cantarus haud parvus arena impletus: Ille existimans sibi potum in cantaro allatum, secure comedit: Et cum bene satur, accedit ut sitim extinguat, reperit fraudem latuisse sub tam lauto prandio, siti per dies aliquot cruciatur, adeo ut præ nimio cruciatu, etiam corpus proprium dilaniare cœperit, donec hoc novo martyrii genere exhaustus, ex hac vita migraret.

Conloposito jam intestini belli odio, inter Marchionem & Fürstenbergium, Moschus tamen Livoniæ arces sibi vendicat, atque cum plures subegisset, Fürstenbergius hosti resistere nequit, Felinum se confert ibique se ob munitionem loci & arcis tutum fore putat. Ubi cum sedem fixisset, illud sane mirabile contigit. Felini namque cœnobium est ordinis D. Bernhardi, ex quo nec dum erant eiectioni religiosi, uti alibi. Reperit autem Dæmon artem quæ & illos inde exturbare posset. Cum itaque velicium erat libere, ac sine pudore, qui vellet ex claustris, ipsius Lutheri exemplo erumpere. Inveniebatur in eodem monasterio talis quoque frater, qui castitati valedicens, ex ovili Christi in haram Diaboli fugere meditabatur. Accedit hic Fürstenbergium Magistrum, petens ut posset in aula ejus agere aulicum. Fürstenbergius uti hæreticus, facile hujus tam justis annuens petitis, quid flagitat Apostata, ultro concedit. Existimabat forsitan

hunc perjurum monachum, magnum fore aulicæ suæ ornamentum: statuit diem certum quo publice Ordinem suum abnegaret, in templo ejusdem Monasterii, & suum habitum monasticum in aulicum commutaret. Curat ergo Magister pro statuto die, aulico suo futuro vestes fieri, sat splendidas. Verum cum jam dies ille huic monacho quidem optabilis, cujus tamen exitus erat miserabilis, lucefcere cœpisset: Cæteri omnes religiosi more solito ante lucanum tempus, matutinas Deo laudes solvunt, præter hunc, qui jam pertractus precum, meditabatur, quomodo mundus scilicet posset ex cœnobio ire in mundum immundum. Ingreditur caveam fornacis subterraneæ refectorii, ubi calefiebat, [erat enim tempus quadragesimæ] ut per calorem ignis, contractos ex cuculla pediculos ejicere posset. Certando igitur cum animalculis, nescio interim quis homo ne an alius? januam ad orificium caveæ fornacis, ubi fumus ascendeat, clausit. Cavea de repente fumo repleta, monachus inclusus elevare volens januam, diu se torquet in fumo, quæ cum gravior esset, quam ut ab illo levare queat, fumo suffocatus extinguitur. Reliqui hujus mysterii inscii fratres, casum hunc sui confratris non cito advertunt. Dies jam elucescit, hora adest sacri majoris, famuli Magistri ante fores Ecclesiæ, præstolantur monachum cum habitu aulico, qui cum non compareret,

ſcſcitantur famuli, vbinam eſſet, quæritur in cellis hinc inde, cum non reperiretur, putabant monachieum fugiſſe. Servi Fürſtenbergio referunt non comparere monachum iſtum in monaſterio, miratus Fürſtenbergius cum ignorat vbi manſerit. Hora adeſt prandii, Inſervitor menſæ reſectorium ingreditur, vt præparet pro prandio. Is cum aperiret foramen fornacis, quo calor aſcendit in reſectorium: En recentioris aſſiaturæ odor totum implet hypocaustum, qui cum quadrageſimam ſciret, miratur quid fiat, aut quisnam carnibus veſceretur, rei ignarus, indicat Gardiano, qui ſtatim luſtrare jubet loca omnia, non cito advertens, ex fornace odorem provenire, jubet caveam aperire, vbi invenerunt, prædictum monachum bene toſtum expiraſſe. Perterreſacti fratres, Gardianus Magiſtro Fürſtenbergio negotium aperit. Fürſtenbergius omnino perſuſus ex malitia, cæteros eum in caveam injeciſſe, vt fumo ſuffocaretur, iratus Monachos ex cœnobio expellens, hujus fui aulici mortem vindicare ſtatuit, dato tamen rumationis (*diſceſſus*) tempore triduo. Tertia vero cum adeſſet dies, monachi exſolventes horarum debitum, ordinarius concionator eorum pro valedictione concionem habet, cui cives, aulici, imo ipſe Fürſtenbergius interfuere: audientes quid pro diſceſſu eis diceret. Concionator aptam temporariam materiam ex ſacris literis ſumens. Deut. 30. *Teſtes invoco*

invoco hodie cælum & terram quod propoſuerim tibi vitam & mortem, benedictionem & maledictionem. Elige ergo vitam, vt & tu vivas & ſemen tuum. Et alibi: Deut. 28. *Servies inimico tuo, quem immittet tibi Deus, in fame & ſiti & nuditate & omni penuria: & ponet jugum ferreum ſuper cervicem tuam, donec te conterat. Adducet Deus ſuper te gentem de longinquo & de extremis terræ finibus, in ſimilitudinem aquilæ volantis, cum impetu, cujus linguam intelligere non poſſis, gentem procaciſſimam, quæ non deferat ſeni, nec miſereatur parvuli. Et devo-ret fructum jumentorum tuorum, ac fruges terræ tuæ, donec intereas. &c.* Hic ſimilia multa ex ſacris allegando, exaggerando illorum mores, pravos corripiendo, & religionis antiquæ deſertionem objiciendo, permulta ſane divino inſtinctu & zelo pietatis commotus, in illa concione Livonibus prædicere viſus, quæ revera ſuum fortita ſunt eventum. Nam inter cætera & illud notatu dignum Fürſtenbergio, futuræ calamitatis indicium reliquit: (quod ab iis qui huic concioni interfuere, hominibus ætate provectis, atque fide dignis didici) videlicet fore tempus, quando præ anguſtiis, mortem quæſituri eſſent, eamque tum ab illis fugituram. Vti etiam experimento ipſo non multo poſt, Fürſtenbergius id ipſum non ſine magno ſuo dedecore didicit. Nam cum Moſchus Felinum obſidione cinxiſſet,

& milites conspirantes deditionem molirentur: quamvis nullam adhuc hostis vim paterentur, siquidem absque tormentis grandioribus Moschus advenerat. Fürstenbergius thesaurum suum & omnem suppellectilem argenteam, peditibus exponendo, obsecrat, ut saltem arcem tuerentur, nec absque necessitate munitionem adeo firmam Tyranno dederent. Pedites posthabitis Fürstenbergii & pecuniis & precibus, cum Moscho pactum ferunt, ut deditione facta illis liberum esset abire quo vellent, & ut illis quidquid secum absportare possent concederetur. Fürstenbergius in talibus terminis constitutus, desperans, aureos mille circumferens secum, Tyrannidem crudelis principis extimescendo rogat supplex [offerendo pecuniam interficienti] ut eum aliquis interimeret, nemo tam facinoroso scelere manus contaminare volens, cum arx ab hoste occuparetur, Fürstenbergius capitur, & misere pedes incedendo juxta equum suum, cum summa ignominia in Moschoviam ducitur, ubi sub Tyrannide moschica, una cum derpatensi Episcopo ultimo, vitam finiunt in captivitate. Pedites vero proditores Domini sui cum dispersi per Livoniam vagantur, jussu Gothardi Ketleri, qui Fürstenbergio in Magisterio successit comprehenduntur, alii rotis imponuntur alii furcis adjudicantur.

GOTHARDUS KETLER.

XLVI ET VLTIMUS MAGISTER LIVONIÆ

ANNO 1559 posteaquam Fürstenbergius in captivitatem abductus, Magisterium devolvitur, in summo jam Livoniæ discrimine ad Gothardum Ketler, qui Cruciferorum Ordini coronidem imposuit. Is primus & ultimus ex omnibus Livoniæ Magistris, contra Ordinis sui instituta, uxorem duxit matrimonium contrahendo, cum Ducissa Mekleburgicæ familiæ. Hic collecto non parvo milite, configit cum Moschis, sesqui tertio milliari Derpato, victoriam reportat: caesis tum 5000 Moschorum. Moschi magna suorum strage perculsi, in fugam convertuntur: adeo ut etiam civitas & arx Derpatum ab iis destituta fuerit, facileque recuperari potuisset, si hostem usque ad mœnia infecuti fuissent.

Eodem tempore Ketler, Ringen & Randen nobilium arces, a Moschis occupatas, expugnat & diruit: parimodo obsidet Taurum, expugnat & diruit. Sequenti vero anno Moschus collecto exercitu, circa festum trium Regum, Livoniam invadit, occupat primo arcem Marienborch, per deditionem Capitanei ibidem Gasparis a Si-bergen: Alias quoque munitiones Livoniæ, sine difficultate, magis metu, quam vi sibi subegit. Depopulata autem Livonia, etiam

Curoniam invadit, vastat igne & gladio, maximamque prædam reportat.

Hoc eodem anno videlicet 1560 in festo Paschatis appulit Arensburgum Dux Magnus filius Christiani Regis Daniæ, & frater germanus Friderici secundi Regis Daniæ: Et possedit Episcopatum oseliensem & Curlandiæ, quem Episcopus oseliensis Johannes Mönninkhausen Regi Daniæ, ut ei patrocinaretur, obtulerat. Cujus exemplum imitatus Mauritius Wrangel Episcopus Revaliensis, qui suum Episcopatum parimodo Regi Daniæ dicavit. Verum cum hoc loco Magni Ducis Holsatiæ mentionem faciendi se offerat occasio, operæ pretium facturi, si hujus Magni Ducis vitam & facta paucis perstringamus: cætera vero notatu digniora de illo, suis in locis reservaturi. Ex regia quippe uti diximus Danorum oriundus prosapia Dux Magnus, a parentibus nascitur catholicis, nec dum enim Dania hæresum erroribus infecta erat ut nunc. Natus namque annum circiter 1540. Mater Regina Daniæ, femina Deo devota, cum peperisset eum, ab obstetricibus post partum præmonita, eam quidem genuisse, sed indifferentem partum, præterea Naturæ portentum & monstrosum, quippe qui vno orbatus lumine, sexus esset utriusque & pedem haberet vnum ad instar anseris. Præfagiens mater, hunc monstrosum partum, nihil aliud,

quam catharma mundi aliquod fore, jubet illum in mare abjicere. Huic consilio proceres regni minime assentientes syadent, nutricibus educandum dari: Deoque committendum si quæ adversa acciderint. Svasibus his ægre annuens mater Regina, educare tamen jubet, quæ cum consolatione quilibet intelligit parentum pius. Mater post annos aliquot alterum pariens, majori tamen, quam priorem solatio filium Fridericum. His duobus filiis jam ferme adultis post se relictis, primo mater, postea quoque ipse Rex uterque diem suum obeunt, annis aliquot interlapsis. Defunctis parentibus in comitiis regni, Proceres de eligendo & coronando ex his duobus hæredibus regni deliberant. Magnus Dux major natu, ut naturæ portentum, omnium consensu, tanquam haud idoneum sceptro rejicitur. Minor natu frater, Fridericus secundus Rex inauguratur. Qui Magnum fratrem, data pecuniarum summa non exigua ablegat ex regno, Oseliæ cedit illi Episcopatum, qui parenti eorum oblatus, ab Episcopo oseliensi Mönninkhausen, & aliquot arces in Semigalia, ad eundem Episcopatum spectantes. Oselienses autem parvi facientes Ducem Magnum, ob vitam & mores hominibus exosos, cum etiam Moschum scirent occupasse, magnam partem Livoniæ sibi quoque ab eodem hoste periculum imminere, neque se a Magno defendi posse.

Confugiunt iterum ad fratrem Magni, *Friedricum* secundum Regem *Daniæ*, rogantes ut eis suppetias ferre velit, si a *Moscho* laceffiti fuerint: Itaque ab *Oseliensibus* *Magnus* repulsus, solis suis arcibus in *Curlandia* contentus esse cogitur. Aliqvot ab hinc annis Dux *Magnus* persuasus a suis adhærentibus nobilibus, inter quos præcipuus fuit ejus Minister & Superintendens quidam *Christianus Schraffer*, vir verus & callidus [cujus mentionem suo loco facturi] quem *Magnus* ut plurimum consulere & audire solitus, nam hic rabula etiam in consiliis a Duce adhibitus fuit, ut se ad *Moschum* conferret, eumque de occisi fratris sui filia, quem ipse *Moschorum* Dux peremerat, ut eam illi matrimonio locaret, sollicitaret. Annuit *Moschus*, cum sciret eum ex regia domo natum, jubetque eum per suas ditiones *Livoniæ* regem proclamare. Pro dote vero, arces *Livoniæ* a *Moscho* occupatas ei assignat, committitque exercitum suum ut reliquas *Livoniæ* civitates Dux *Magnus* occupet, ac pro se vindicet, hac lege tamen, ut potiores munitiones ac civitates utpote *Derpatum*, *Wendam*, *Wolmariam*, &c. Duci *Moschoviæ* reservaret, eumque pro Patrono & Domino fateretur. Sub hoc prætextu *Magnus*, a Duce *Moschoviæ* missus, cum exercitu redit in *Livoniam*, ut arces nec dum occupatas a *Moscho*, sibi subjugaret. *Livones* vero hac spe seducti,

ultro se dedunt *Magno*, ejus juramentum præstant. Malebant enim se subdere Principi suæ nationi non peregrino, quam immani Tyranno. Verum *Magnus* Dux *Holsatiæ* non hærens in terminis suis, prout cum Duce *Moschoviæ* convenerat, solus vult dominari *Livoniæ*. Intelligens iccirco *Moschus*, se ab affine illudi, bellum indicit *Magno*, de novo arces quas cesserat *Magno* recipit, & qui *Magno* fidelitatis juramentum præstiterant, capite plectere jussit. Sub *Ascherot*, *Sesfwegen*, *Wenda*, magis ad tria millia nobilium eorumque uxores & filias *Scytis* & *Barbaris* prostituendas concessit. His a *Moscho* crudeliter perpetratis, *Magnus* dominio suo in *Livonia* privatur, quo non longe potitus, ad extremum cum conjuge in *Semigalliam* revertitur, reliquum vitæ, inductus desperatione, in commensationibus & ebrietatibus transiegit, non principem sed helluonem imitatus, usque etiam a suis derelictus, in miseriis vitam finire compulsus. Verum hæc de *Magni Ducis* vitæ sufficiant: Si tamen quæ adhuc notatu digna occurrerint, suis in locis opportune inferemus.

Eodem anno circa festum *Pentecostes*, *Moschus* depopulavit districtum *Harrien*, & arcem *Fegeseur* igne consumpsit: Sed in reditu nobiles loci illius, nubiloso tempore, collectis nongentis quinquaginta equitibus, incidunt in exercitum *moscoviticum*, 6000 interficiunt. Æstate

vero Moschus cum magnis iterum copiis Livoniam invadit, quem Ordinis Commendatores atque Præfecti, qui adhuc superstites fuerunt, arma sumentes, sub Ernes hosti obviam procedunt, verum multitudine hostium offusi, caduntur, nonnulli in captivitatem abducuntur, in Moschovia perierunt.

Mense autem Julio, Proceres Livoniæ superstites, utpote Marchio brandenburgensis, Gvilielmus Archiepiscopus rigensis cum Coadjutore suo Christofo Duce Mekleburgensi, Dux Magnus Holfatiæ, Gothardus Ketler Magister Livoniæ, cum pluribus equestribus Ordinis, præcipuis nobilibus, Pernaviæ conventum habuerunt, consultantes de prædiis Livoniæ, quomodo hosti resistendum. Interim Moschus copiosissimo cum exercitu advenit in districtum Felinensem, Cujus adventum, cum hi Primates Pernaviæ formidarent, infectis rebus, trepide fugientes, disperguntur. Moschus autem exercitum dividens in tres copias, vnas mittit Wendam versus. Secundas cum tormentis & apparatu bellico mittit sub Album Lapidem, obsidet. Vbi tunc erat superior Gasparus ab Oldenbokum, qui se cum suis in arce masculine defendendo per quinque septimanas arcem obtinuit. Et cum hostis se nihil efficere posse adverteret, cum ignominia obsidionem solvit & discedit. Tertias vero copias destinat in districtum Wike, vastare depopularique

obvia quæque mandat. Idem facit in districtu Revaliensi, vbi sub ipsis mœnibus, homines & jumenta abducit. Unde consternati Revalienses, cum auxilium nullum sibi restare a Magistro Ketlero intelligant, mittunt Legatos ad Regem Sveciæ ejus nominis decimum quartum, Ericum qui eos in tutelam suscipiens, tuendo adversus Moschum, arcem & civitatem Revaliensem, annonæ militibus, tormentis aliisque necessariis munit. A quo tempore Revalia civitas, a Livoniæ dominio ad Sveciæ imperium devoluta est, anno 1560.

Postremo vero cum jam vix quid in Livonia reliquum esset, quod a variis non fuit directum Dominis, uti relatum superius, præter solam Rigam: nam usque ad fluvium Dunam, Moschus ferme omnia occupabat. Magister Livoniæ Ketler, in angustiis situs, se Regi Sigismundo Augusto in tutelam committit. Livoniam totam Regi cedere constituit, ut eam ab hoste recuperet. Sibi reservando Curoniam & Semigaliam. Cujus quæsitis Rex annuens, patrocinium non denegat, Ketlero Magistro. Et ab hinc curam suscepit recuperandæ Livoniæ. Atque hac ratione cessavit in Livonia Cruciferorum Ordo cum suo Magisterio. Et mutato nomine, divisa est in duos Principatus, Livoniæ scilicet & Curoniæ: quorum primus a fluvio Dunæ, versus Estoniam regius vocatur Ducatus: alter vero versus

Samogitiam, Ducatus Curoniæ dicitur. Quæ quidem Dominiorum inmutacione facta in Livonia, cum alterius regiminis historiam referre statuimus, hujus secundæ historiæ nostræ parti, finem imponamus.

PARS TERTIA LIVONICÆ HISTORIÆ.

SUSCEPTA iccirco in tutelam Livonia, Rex Sigismundus Augustus, mittit ad Ducem Curlandiæ Gothardum Ketlerum, Nicolaum Palwals Capitaneum Dunaburgensem, qui ab illo (si quidem dominio, juriqve suo in Livonia se abdicasset,) exigeret diplomata foundationis Livoniæ vetustissima, olim a summis Pontificibus, Imperatoribus, cæterisque Imperii romani proceribus Livoniæ Toparchis impertita. Quibus adeptis, Ketlerum ejusque hæredes jus suum abhinc a polono Imperio petere debere in comitiis decernunt. Expeditur autem absolutis comitiis in Livoniam cum exercitu Nicolaus Radivilus Palatinus Wilnensis. Et magni Ducatus Lithuanici generalis Campiductor, cui adjungitur belli socius Joannes Chodkeuicius, quem Rex, Livoniæ Gubernatorem constituerat, vir militaris & heroi prorsus animi, ut Livoniæ reliquiis succurrerent, & ab hoste Tyranno vindicarent. Verum discordia inter illos orta: cum alter ut Cam-

piductor generalis solus imperare vellet: alter vero ut Gubernator, cui Livoniæ cura singulariter commissa erat, disponere studeret, re infecta, cum in finibus Lithuanicæ & Curlandiæ per aliquot menses commorati fuissent cum exercitu, discedunt. Moscoviticus vero exercitus interim non ociatur, sub Wenda & Wolmaria omnia vastat. Alexander Polbinsky wolmariensis Capitaneus cum Moschis bis confligit, capitulum Woiwodam moschum, quem Regi remittit: interfectis haud paucis ex adversa parte.

Anno 1561 mense Julio Nicolaus Radivilus Campiductor magni Ducatus Lithuanicæ, cum aliquot millibus sub Riga castra metatur, exigit a Rigenfibus ut juramentum præstent Regi Poloniæ, qui renuentes, pro responso dederunt, se romano imperio juramento obstrictos esse, a quo si liberi pronunciarentur, tum sat temporis fore, ut Regi Regnoque Poloniæ se submitterent. Excipitur tamen a Rigenfibus honorifice, & ad civitatem cum aliquot centenis equitibus intromittitur.

Eodem anno, Joannes Gustavi Regis Sveciæ filius, Dux Finlandiæ in conjugem ducit Catharinam, sororem Regis Sigismundi Augusti, qui deinceps a fratre Erico, una cum conjugē captivatur, eo quod Joannes fratri Erico erat suspectus, ob initam cum Rege Poloniæ affinitatem: siquidem Sigismundus Augustus Po-

loniæ Rex, cum Erico Sveciæ Rege ob simultates inter eos subortas, secum erant dissentientes.

Anno 1562 magno cum exercitu obsidet Pernaviam, Nicolaus Christiani filius, belli præfectus Erici Regis Sveciæ, qui vi arcem & civitatem pernaviensem obtinuit: a quo tempore Sveciæ Rex Pernaviam suo Regno adjecit. Qua obtenta idem belli dux cum exercitu suo Album Lapidem obsidet, & cum diu jaculatus fuisset, turris quædam continuis ictibus tormentorum debilitata, cui qui in arce fuerunt, pulverem tormentarium supponentes, cum Sveci turrim ascendissent & occupassent, ignari fraudis, accenso pulvere, omnes per tecta & tabulata ejiciuntur: tandem diuturna obsidione & fame pressi, cum suppetias nullas sperarent, arcem dedere cogitur Joannes Groll, Capitaneus ibidem a Rege Poloniæ ordinatus.

Anno 1563 cum Rex Sigismundus Augustus Petricoviæ occupatur in Comitibus, circa unionem Regni Poloniæ & Magni Ducatus Lithuanie, Moschus interim cum exercitu copiosissimo obsidet civitatem Poloczki, & igne tantopere angustiavit, ut ad extremum eam expugnaverit & occupaverit: possedit annis 16 donec a Rege Stephano recuperatur anno 1579.

Eodem ferme anno: Christophorus Dux mekleburgensis, Coadjutor Marchionis Archiepiscopi rigensis, post obitum sui patroni, confugit

ad Regem Sveciæ Ericum (inimemor prioris beneficii, cum antea jam semel opera Sigismundi Augusti cum Marchione ex captivitate liberatus) impetrando ab Erico aliquot vexilla peditum, in districtum rigensem perrexit, opinione inductus, ut Episcopatum rigensem, cujus ille Coadjutor extiterat, sibi usurparet: sed ipse frustratus, secundo in captivitatem ducitur in Poloniam, per Gothardum Ketlerum Curoniæ Ducem, ubi quinquennio detinetur.

Hoc ipso quoque anno 1563, Rex Ericus arcem Karkhaus, quod Joanni fratri ejus Duci Finlandiæ, a Rege Sigismundo Augusto ratione dotis collatum fuit, per proditionem occupavit, nec illam Regi Poloniæ, neque fratri cedere volens, sed regno Sveciæ adjudicavit. Hapsel quoque arcem episcopalem, quam Dux Magnus a fratre Friderico possidebat, Sveci expugnaverunt: Et spoliato ibidem templo cathedrali, diripientes thesaurum Ecclesiæ cum apparatus sacris, etiam campanas secum abspertarunt, ex quibus tandem Revaliæ tormenta bellica conflare curarunt, quæ deinceps non multo post, ad Polonorum manus devenerunt, uti hic inferius referemus.

His auditis Sigismundus Augustus collectis copiis, adversus Ericum Sveciæ Regem, bellum ei indicit, lustratur exercitus Caunæ in Lithuania per Marchionem Albertum, Ducem Prussiæ,

de quo exercitu cum Sveci rescivissent, tum temporis enim arcem Lode obsederunt, habentes secum eadem tormenta, quæ confecerant ex campanis sex grandiora, & aliquot minutiora, per octiduum jaculantes. Interim dum sic occupantur, exercitus polonus adventare cernitur. Sveci mox fugitivi, quantocius Revaliam pergunt, relictis in discrimine tormentis. Ex quibus Rigam abvecti, quatuor Monachi, Canis v-nus, & Cantatrix, sic enim eadem tormenta a Svecis inaugurata erant: reliqua pulveribus dispersa. Quo tempore belli præfectus fuit Curlandix Dux Ketlerus.

Hoc quoque anno, quidam Joannes ab Artz, qui se finxerat comitem esse illius loci, Ducis Finlandix Joannis locum tenens, in arcibus Livoniæ, a Sigismundo Poloniæ ei collatis, mortem fingens sui principis & patroni, in captivitate, apud Ericum fratrem, Regem Sveciæ, arcibus illas requirit sibi vendicat, accepta sibi in auxilium aliqua militum manu a Magno Moschorum Duce. Qua fraude cognita capitur, & Rigam abducitur, ubi tandem publico decreto condemnatus, candentibus forcipibus in foro discerptus.

Anno vero 1565 mense Aprili civitas Pernavia, ab Equitibus germanis, qui tum Regi Sveciæ Erico nomina sua dederant, Pernaviæque in civitate commorantes, eo quod a multo tempore

solutionem suam non acceperant, nec cito sperabant se accepturos, conspirantes cum iis, qui partes Polonorum tuebantur, & in Salis per hyemem degebant, furto ablatis clavibus ex domo Consulis, per prodicionem Regi Sveciæ iterum eripuerunt: interfectis Svecis qui in civitate fuerunt. Illi vero qui in arce morabantur, per sex septimanas se defendendo cum suppetias nullas sperarent, arcem deferere coguntur. Quo anno, mense Augusto, mille equites germani, ex variis districtibus congregati, Revaliensem districtum depopulantur: qui cum castra fixissent non procul Revalia, existimantes se tutos fore, a Revaliensibus, Gubernator svecicus Henricus Nicolai, cum non parvo milite, nocturno tempore, ex civitate irruptionem fecit in castra eorum, quos cum secure dormientes reperisset, facile in fugam convertit, captis & interfectis quam plurimis.

Anno 1566, nascitur Sigismundus filius Joannis Ducis Finlandix, (postmodum Rex Poloniæ & Sveciæ) in captivitate. Sub Erico Rege Sveciæ ejus nominis decimo quarto.

Eadem hyeme prædictus Gubernator Regis Sveciæ Henricus Nicolai, Pernaviam iterum obsidet, sed absque tormentis, cum totam hyemem sub civitate consumpsisset, nihilque profecisset, discedere cogitur. Inde cum exercitu tendit Oselium: Ibi vero dum se occupant deprædationibus Sueci: Polonicus exercitus interim,

qui pernauiensibus suppetias ferre advenerat, cum intellexisset Suecos obsidionem soluisse, eos in reditu præstolatur, habitaque cum Suecis pugna, magnam eis prædæ partem extorserunt.

Anno 1566, Livonia magna peste premitur, ut inaudita hominum clades fuerit subsecuta. Ferunt, qui hisce temporibus superfuerunt, vix unquam tam crudeliter, iis in partibus pestem fuisse grassatam: sic pro dolor, Livones miseri a Deo & ab hostibus exstinguuntur.

Anno sequenti tempore brumæ, novus quidam belli præfectus sueticus nomine Nicolaus Kursel, Livo genere, sortem suam quoque in Polonos experiri volens: cum copiis sueticis clam Lemselium properat: ubi tum temporis soli debebant Poloni, qui ignari de adventu Suecorum facile ab eis circumvenire se permittunt. Itaque Sueci incautis Polonis arcem invadunt, & sine molestia occupant, interfectis ibidem haud paucis, qui in arce fuerant. Itaque præda ablata haud parva Revaliam reuertuntur, oppido exusto. Verum haud multo post, Poloni ultii suam injuriam cum sænore. Nam collecta non parva militum manu in Æstthoniam pergunt. Quo audito Gubernator sueticus, cum prædicto belli præfecto Nicolao Kursel, in occursum eorum, cum suo milite properant. Congressi itaque in finibus Pernavæ, committunt prælium sed non
satis

fatis felici Marte. Nam a Polonis mox in fugam convertuntur, fugientes autem in profundis nivibus equites svecici hædere cœperunt, itaque facile cæduntur a Polonis: pedites quoque omnes ferme perierunt: Rotmagister Joannes Majdel capitur: ipsi belli præfecti vix effugerunt: perierunt Svecorum duo millia: i nunc & experiantur fortunam in Polonos, cum ab iis non fueris lacessitus. Conflictus hic habitus anno 1567.

Anno eodem Comes Joan. Chodkevicius, Livoniæ Gubernator cum exercitu Rigam venit, & cis Dunam propugnacula extruxit, ut navigium prohiberet Rigenfibus, ut sic ad præstandum juramentum Regi Poloniæ, Rigenfes adigerentur: Verum pertinaces Rigenfes in proposito, his minis adigi non poterant. Idcirco re infecta discessum parat.

Anno 1568 Ericus Rex Sveciæ, matrimonium contrahit cum pellice sua Catharina, quam tutoris filiam fuisse, nonnulli asserunt: sed ob formæ venustatem ab Erico Rege adamatam, adeo, ut etiam stirpis suæ immemor, eandem in conjugem sibi & Reginam adoptavit. Verum omne non satis felici, nam hoc conjugium Ericum regno exiit, exitiumque attulit, uti inferius patebit. Nam eodem plane tempore, Ericus Rex sororem suam Sophiam, Gustavi Regis filiam, Duci Saxonie Magno matrimonio locarat: nuptiæ regali fastu simul instructæ: sed ordine

præpostero, cum futoris filia, filia Regis Gustavi, & sororis Erici ac Joannis præfertur: eo quod illa Regina Sveciæ futura: hæc vero principi in conjugem data. Quæ res magni ut diximus mali causa extitit Erico. Nam Joannes Dux Finlandiæ conspirat cum fratre juniore Carolo Sudermaniæ Duce, postquam ex captivitate iam liber fuerat, ac aliis regni primatibus, hunc suum & sororis imo totius Regiæ stirpis despectum vlciscendo. Colligunt exercitum, obsident Stokholmum, ubi regia sedes, qua in urbe, cum Ericus obsidione præmitur, milites ejus sensim ab eo deficiunt, & cœperunt adhærere fratribus Regis. Derelictus itaque Rex a suis, dubitat de salute, & inter angustias positus, juniore fratri Carolo Sudermaniæ Duci sese dedere deliberat, petendo duntaxat competentem captivitatis locum. Advertito quæso repentinam Regum & Principum mutationem, variumque fortunæ eventum & casum mirabilem, in his fratribus, qui primo Rex, fratrem captivum tenebat, is a fratre vicissim regno privatur, & apud eundem pari modo in captivitate ad finem usque vitæ delitescere cogitur. Discant igitur principes, moderate uti fortuna, cum illis fiat aura secunda.

Anno 1569 decima die Julii, inauguratur & coronatur Joannes Dux Finlandiæ affinis Sigismundi Augusti, in Regem Sveciæ, unanimi tam procerum, quam populi consensu.

Anno 1570 Magnus, Dux Holsatiæ & frater regis Daniæ uti superius diximus, ad Ducem Moschoviæ proficiscitur, instinctui Ministri sui Christiani Schraffer, suorumque aulicorum, qui honorifice a Moschorum Duce prima fronte excipitur, iubet illum in suis ditionibus Livoniæ Regem proclamare, locat illi fratris filiam in matrimonio. Verum horum omnium superius facta est mentio, ideo illa repetere supervacaneum existimo. Illa duntaxat quæ ab illo in Livonia patrata, cum a Duce Moschoviæ in Livoniam mittitur cum exercitu numero 25000, ubi promiscue Livones nobiles, cum Moschis fuere conjuncti, referre non erit importunum. Omnium primo igitur Dux Holsatiæ Magnus, cum tam ingenti exercitu Revaliam obsidet Anno 1570 die 21. Augusti. Ibi moratur per octo menses, cum neque per literas neque minis aut terroribus, quicquam apud Revalienses efficere posset, non sine dedecore obsidionem solvere, & ante lucanum tempus castra sua inde movere compellitur. Hoc anno quoque dum Moschus exercitum suum habet sub Revalia & Moscovia ipsa milite destituta, Scytarum Præcopensium exercitus Moschoviam invadit, vastat, depopulatur, & ipsam Metropolim incendio conflagravit.

Hoc ipso anno Georgius Farensbach Rotmager, a magno Moschoviæ Duce, pro milite germano conducendo adversus Tartaros expe-

ditur: qui etiam in prædicto periculo Moschoviæ Duci magno fuerunt adiumento.

Anno 1572 moritur Sigismundus Augustus Rex Poloniæ, cui in regno succedit Henricus III Galliarum Rex, vti inferius dicemus. Circa idem tempus Dux Holsatiæ Magnus, cum præ pudore in Moscoviam revertere non fuit aulus, eo quod Revaliam non occupasset, cum tam ingenti exercitu, Oselum perrexit. Moschoviæ Dux autem mittit mille Moschos cum Germanis, vt Magnum in Moscoviam revocarent, verum timens de corio suo, non nisi post aliquot menses Duci Moschoviæ comparere voluit.

Anno 1573 ipse Moschotum Dux cum exercitu 80000 in Æsthoniam perrexit, primo *Album Lapidem* vi occupat. Deinde exercitum dividit in tres copias, quarum vnas mittit versus Karkhaus expugnat & obtinet, alteras destinat vt districtum Wikedepopulentur. Cum tertiis revertitur Novogardiam vbi per tempus aliquod commoratur. Deinde in Moscoviam ulteriorem pergit, ibique Duci Holsatiæ nuptias instruit, locat illi fratris filiam matrimonio quibus ipse Dux Moscoviæ, cum duobus filiis interfuit.

Anno 1574 Henricus Galliarum Rex venit in Poloniam, coronatur rex Poloniæ Cracoviæ 25 Januarii: fugit ex regno 18 Junii: interregnum durat ferme triennio.

Anno 1575 Moschus colligit exercitum suum sub Weseberg, inde pergit Pernaviam, obsidet,

tormentorum vi & armis occupat, perdit tamen sub mœnibus septem millia ex suis. Huic militi præficitur iterum Dux Magnus. Cujus terrore perculsi Livones cæteras munitiones minutiores ei ultro dedunt. Vtpote Helmet, Ermes, Ruien &c. Autumno vero sequenti, nobiles Livoniæ circa Rigam cum Duce Curlandiæ, collecta aliqua militum manu Duci magno prædictas arces eripere conantur: Verum præter solam arcem Ruien nihil obtinuerunt.

Anno 1576 Rex Stephanus Bathoræus, Transylvaniæ princeps, Cracoviæ, rex Poloniæ inauguratur feria tertia post octavas Paschæ. Quo anno Moschus, mittit iterum in Livoniam exercitum Tartarorum & Moschorum 6000, qui in districtu Wike munitiones & arces, Lode, Leal, Fikkel, absque obsidione occuparunt, parimodo ceperunt & Hapsal. Quibus adeptis pergunt Oselum, vastant & magnam secum prædam hominum & jumentorum abigunt.

Anno 1577. Rex Stephanus exercitum colligit, obsidet Gedanum, vbi cum per aliquot menses commoratus, Gedanenses consiliis viribus suis, mittunt suum militem ex urbe, vt irruptionem faciant in Polonos: verum conflictus hic cum Polonis Gedanensium, longe alium quam ipsi sibi fuerant polliciti, sortitus est eventum, nam qui Polonos se sperabant cæsuros & captivos ducturos, hi ipsi a Polonis cum infamia mox

in fugam aguntur, cæduntur 4427, occubuerunt tantum ex Polonis 58.

Eodem anno, Moschus secunda vice Revaliam obsidione longa atque molesta affligit, inchoando a die 23 Januarii, usque ad diem 13 Martii: cum copiosissimo exercitu videlicet numero 50000, & magno apparatu bellico: ita ut tormentorum grandiorum fuerit numerus 50 & aliquot Mörforiorum pro ignis globis 20, pulveris vero tormentarii mille vasa. Hac tanta & militum copia, & tormentorum vi, parum vel nihil cum obesset Revaliensibus cum pudore ab urbe recedere cogitur. Laudanda sane Revaliensium constantia & magnanimitas, qui hostium formidine nequaquam percussi, tam fortiter & mascole se defenderunt, ut exercitum tam ingentem bis re infecta a mœnibus suis arcere potuerint: Soluta autem urbe ab obsidione, exercitus Moschi, iterum in Moschoviam pergit. Dux vero Magnus exercitum subsequitur & ad suum confugit patronum. Nonnulli vero Livonorum, qui Magnoadhærebant, spem hauserant, Ducem suum Magnum aliquid boni obtentum a Moschoviarum Duce. Sed spe frustrati, cum adverterent Ministrum vel Superintendentem ipsum Ducis Magni Christianum Schraffer suum Ducem & Mæcenatem deseruisse, qui autor ipse fuerat, ut Dux Magnus apud Moschum refugium quæreret, ipsi quoque ab illo deficere cœ-

perunt. Verum cum sæpius hujus Protoministri, Ducis Holsatiæ Magni mentionem facere occurrit, nonnulla hoc loco de illo inferamus, unde colligere quilibet poterit, quis qualisve fuerit, hic puri verbi Dei minister, & quid boni a tali Doctore, talis princeps discere vel audire poterat.

Fuerat autem prædictus hic Christianus Schraffer natione Marchiacus, vir callidus & impostor quippe qui aucupando gratiam sui principis, adulatione & blanditiis animum ejus occuparat, ut eum non modo in concionibus audiret, verum etiam in consiliis adhiberet, iccirco ab omnibus tanquam consiliarius Principis & Superintendens veneratur. Venit igitur in Livoniam cum ipse Dux Magnus primo Oselim appulerat: deinde in Semigalia cum eodem Duce commoratur, fidus sui principis Achates, qui sæpius cum illo in Moschoviam profectus, omnis consilii cum Duce Moschoviarum fabricator extitit. Tandem cernens Ducem suum apud Moschum exiguum habere gratiam, eum deserit in Moschovia, veniens in Livoniam Wendæ, usque ad sui principis reditum commoratur, ubi germanam sororem uxoris ea adhuc vivente stupraverat, quæ concepto filio partum edidit salutarem, quem Divi Joannis sobolem finxerunt nobiles wendenses. Suscipitur autem post partum, eadem fortuna in gynæceum Ducis Magni, digna sane

talī matrona, tantī principis consortio. Quamvis autem id Ducem Magnū latere non poterat: illa tamen eodem in honore a suo principe habetur. Defuncto vero Duce Magnō, cum jam amplius in Semigalia locum non haberet, mortuo namque patrono, etiam patrociniū expiravit: Dorpatum venit, ibi apud cives germanos pastorem agit, habens filias duas adultas, quarum unam locarat nobili cuidam in matrimonium, quæ hac fortuna, elatior esse cœpit, adeo tumens superbia, ut ad extremum a Dæmone superbiæ parente, corporaliter possessa fuerit: plurima scommata in proprium parentem, stupentibus & audientibus omnibus jactare solita. Verum cum nec ipse parens uti pius minister, nec ejus Collegæ cæteri eam liberare possent, patres Societatis Jesu dorpatenses, suam operam offerunt, saltem permittat parens, ut exorcismis sacris Dæmonem ex illa ejiciant: Quod ipsum ut obstinatus & versipellis rabula, nequaquam concedere volens, maluit propriam filiam cum anima & corpore perire, quam pati, ut homines pios hoc miraculo inductos respiscera, & ab hæresi deficere conspiceret. Diu itaque agitata & misere a Dæmone torta, tandem in ipsa putrefacti animam exhalare cogitur. Ipse vero minister Christianus moritur illo anno, quo Carolus Suederaniæ Princeps, sub Sigismundo tertio Poloniæ ac Sveciæ rege, Dorpatum expugnavit oc-

cuparatque. Tum enim hic Minister ad ingressum Ducis Caroli concionem habuit, ubi principi, quod civitatem obtinuerat, gratulaturus, ne dicam an adulaturus? ipse Lector judicato, canticum Simeonis illius Senis pro themate usurpat. Orditurque ad Principem orationem. *Nunc dimittis servum tuum, Domine, secundum verbum tuum in pace: quia viderunt oculi mei salutare tuum &c.* Vnde facile constare potest, quanto desiderio hic bonus rabula hujus Ducis adventum præstolatus. Verum princeps Vulpeculæ hujus astutias animadvertens, a cæteris astutibus sciscitatus, quisnam hic minister esset, a quibus cum eruditus, eum esse Christianum quondam Ducis Magni Senatorem & Superintendentem: nam ab illo idem Dux Carolus, multa inaudierat antea. Spretus a Principe, quippe qui altum hominis subolefecerat, eum ad se prohibet admittere. Vnde Christianus nonnihil contudit, morbo correptus extinguitur, paucis post septimanis. Anno 1600.

Anno 1577 mense Junio, Moschus de novo colligit exercitum sub Plefcovia, tendit propria persona in Livoniam cum 50000, primo Lucin occupat & Rõsiten, deinde Duneborch, inde pergit Creuzburgum, quod etiam obtinuit, præterea Laudon, Berson, Orlam absque labore & molestia sibi vendicat. Ducit secum Moschus, Magnum Ducem affinem suum, qui Livones

alliciat ut se illi subdent, ipse vero easdem arces Moscho cederet, quod & factum. Nam qui Wendæ, Wolmaræ, Kokenhausii fuerunt nobiles, se Magnæ tradunt: Quibus Moschus minus contentus, Kokenhaus a Magnistis exigit, occupat, & nobiles omnes capite plectere iubet. Cives abducuntur in Moschoviam, uxores & virgines nobilium Tartaris prostituendas, non sine pudore & mœrore traduntur. Sub Selswegen pari modo procedit. Nam cum se diu nobiles in arce defendissent, & Moschus non paucos ex suis sub mœnibus perire conspiceret, tandem vi occupata arce, iubet præcipuos acutis verubus & palis infigere: cæteros capite plectit ad mille quingentos. Quæ crudelitas magnum terrorem incussit Livonibus cæteris, qui Wendæ aut Wolmaræ remanserant. Præterea Swanborch Ronborch Pebalg Skuien Schmilten Trikatén Burtnik Rop Lemtel Marienhaus &c. arces Livoniæ usque ad fluvium Dunam omnes per duos menses videlicet Julium & Augustum occupat.

Quarta Decemb: Wendam cum eodem exercitu obsidet, & Magnum affinem suum, in ea, cum omnibus sibi adhærentibus. Wendenses perculsi timore, ex crudelitate Tyranni, instinctu alicujus Ministri, nomine Martinus Barnutus, quam plurimi in turrim amplam & capacem se includere permiserunt, ubi supposito pulvere tormentario omnes ad unum ejiciuntur:

Minister vero qui aliis hoc consilium dederat, clam se ex eorum numero subducit. Fertur ad octingentos, promiscue viros cum fœminis tum temporis perisse. Res sane deploranda tam parvo momento temporis, tantam hominum multitudinem, unius perversi hominis consilio interire. Wenda quoque occupata, quotquot adhuc superstites repererat Moschus ex nobilibus & civibus, capite plectere iubet. Crudelis sane Tyrannis, & insatiabilis humani sanguinis sitis, quæ campos wendenses funeribus implevit. Deinde Wolmariam quoque obsidet, & per prodicionem Magnistarum facile a Moscho occupatur. Capitur Alexander Polbinsky capitaneus ibidem: & abducitur in Moschoviam.

Verum non multo post a nostris recuperatur Duneborch, qui per rusticos Lothavos crematum venale miserant Duneburgum, quo Moschi inebriari plerique soliti. Bene igitur ingurgitati Moschi, cum omnes secure dormirent, nocturno tempore nostri arcem invadunt, occupant, interfectis ibidem Moschis.

Wenda quoque hoc eodem anno non minus artificioso stratagemate a Moschis recuperatur. Nam Matthias Debynsky & Boringius, Rotmagistri conspirantes secum per Lothavos, conducunt serifabrum in civitate degentem, qui clavium civitatis formam cera impressam, alias ad earum magnitudinem faceret, eisque per eosdem Lo-

thavos mitteret. Quibus adeptis clam colligunt 400 Equites, intempesta nocte sub civitatem veniunt. Moschorum vigiles, qui hujus fraudis ignari in mœnibus dormitantes: Buringius aliquot ex suis, scalis applicatis mœnia ascendere jubet, & iisdem clavibus portas civitatis, nemine id advertente nocte apeririunt, Debynsky & Buringium cum suis intro mittunt. Ingressi civitatem cum domus invadunt, tumultus oritur. Moschi ignari doli non cito se colligunt, caduntur omnes, qui in civitate erant. Illi vero qui in arce fuerunt videntes se illusos, arcem tuentur. Tandem sequenti die, cum suos cernebant interfectos, nec se diu defendere posse scientes, cum hostis jam occupasset civitatem, æquis conditionibus arcem quoque dedunt nostris.

Eodem anno Moschus recuperare volens Wendam, mittit 2800 cum 123 tormentis bellicis, expugnatum Wendam. Verum Andreas Sapiha, collecto milite, nam tum præerat exercitui, qui erat in Livonia, conjunctis sibi Svecis, quorum Superior erat Georgius Boie, cum Moschis sub Wenda confligit, quo in conflictu Matthias Debynsky egregium se exhibuit militem. Nam cum quingentis equitibus, omnes Moschorum arces peripit, confudit & turbat. Sic Moschi ordine confusi errantes a nostris caduntur, paucis admodum superrelictis, qui fuga vitam sibi consuluerunt. Reportata ita-

que victoria tam celebri, tormenta Moschica a nostris Rigam deinde in Poloniam abducuntur.*

Anno 1579 Rex Stephanus arma parat adversus Moschum, pergit primo sub Polozk civitatem Russiæ, quam non sine labore magno atque molestia recuperat 13 Augusti. Verum hoc anno Rigæ in arce omen visum est mirabile. Nam in turri arcis corvus a multis annis quam diu homines meminisci poterant nidificarat. Eodem autem vere quo Rex Stephanus Polozk obsidebat, advolans ciconia, avis hujus provinciæ invisa & rara, cum corvo de nido dimicat. Corvus non facile nidum cedens per mensem hoc certamen durat. Tandem ciconia prævalens, corvum exturbat ibique locum & sedem figit. Cujus omnis mysterium a senibus & prudentibus viris tum temporis sic explicatum fuit. Per corvum qui diu in turri arcis nidificarat, intelligi dominium Germanorum, qui Germani ibidem & in tota Livonia dominabantur. Per ciconiam intelligi Polonos antea his locis ignotos, eosque Germanorum locum in Livonia obtenturos, quod re vera sic evenit. Nec illud minori animadversione dignum, quod in Littus Ducis Curoniæ hac

* Hic inferatur de illa tempestate valida, quæ Rigæ in turri apud D. Petrum effracta trabe ferrea, in qua fixus erat globus pinnaculi & gallus, secum abportavit & projecit medio ab urbe miliari, inventus vero a Rigenfibus non cito, in arenis hærens.

æstate balæna, piscis numquam in his partibus visus, cum summa in mari baltico esset tempestas, fluctibus ejicitur, qui cum in arenis diutius se torqueret, nec ad aquas iterum devenire potest, a piscatoribus in sicco littore interficitur.

Recuperata civitate Polozk a rege Stephano, Comitia Warlaviæ celebrantur. Mittuntur a rege & republica polonia commissarii in Livoniam, ut a Livonibus juramentum fidelitatis Regi præstandum exigant. Quorum præcipui tum fuere Joannes Demetrius Solikowsky Archiepiscopus Leopoliensis, & Agrippa.

Anno 1580, secundo, Rex Stephanus arma parat adversus Moschum. Constituit ducem belli Joannem Samoyscium Cancellarium Regni. Obsidet Welikiluki, expugnat & occupat. Inde pergit iterum ad Comitia.

Anno 1581. Rex Stephanus tertio se parat adversus Moschum, obsidet Pleskoviam Russiæ Metropolim. Christophorus Radzivil Magni Ducatus Lithuanie Campiductor, Palatinus wilnensis, cum suis copiis universam peragrat Moschoviam, vastat & depopulatur omnia. Qua clade Moschus percussus, de conditionibus pacis, cum Rege Stephano ineundis cogitare cœpit. Mittit ad romanum Pontificem ut per Legatum suum negotium limitare labore. Mittitur a Pontifice Gregorio XIII in hoc negotio Antonius Pofsevinus, Presbyter Societatis Jesu, vir doctus

& prudens, qui multum desudans non sine molestia controversiam hanc inter Regem Stephanum, Joannem Basilidem, magnum Moschorum Ducem diremit. His tamen conditionibus, ut Dux Moschorum totam cederet Livoniam Regi Stephano, quibus ægre annuens Moschus, saltem ut pacifice in suis ditionibus residere posset, inuitus prædictas conditiones inire cogitur. Quibus stabilitis, Rex Stephanus discedit, Pleskovia, relicto ibidem belli Duce Joanne Samoyscio cum nonnullis aliis Militiæ Toparchis præcipuis. Quo tempore Moschovix Dux exacerbatus, filium proprium natu majorem interfecit, eo quod patrem ne tam facile cum Polonis pacem iniret, adhortaretur. Eodem anno Rex Sueciæ, Joannes, per suum belli ducem Pontum de la Gardie Narviam eripuit Moscho. Dux Magnus Kiriempe occupat, Matthias Debynsky ex Ascherot & Lenewart Moschos expulit.

Anno 1582 Joannes Samoyscius belli dux regis Stephani castra movet inde, & pergit in Livoniam, ut civitates & arces a Moschis occupatas recipiat nomine Regis Stephani. Mittit Rotmagistrum Leszinwolscium primo Derpatum cum aliquo milite, ut cedant inde Moschi, qui dolum moliantur Polonis, pulverem tormentarium supponentes in locis aliquibus, qui Polonos incautos læderet. Verum fraus cognita, nam Poloni non fidentes Moschis, loca primo omnia

lustrare diligenter curant, antequam arcem & civitatem ingrediuntur: Sic Moschi hac calliditate sua, qua usi in Polonos, nihil effecerunt: Rex Sueciæ hisce temporibus per belli ducem suum, Pontum Pernaviam obsedit: sed cum Moschi Polonis arcem & civitatem, jussu sui Ducis cedere coguntur: Svecus infecta re discedere inde cogitur. Constituitur ibidem Capitaneus, idem Rotmagister Leszinwolsky. Ex cæteris vero munitionibus & civitatibus Livoniæ, Moschi ad mandatum sui Ducis, mox omnes discedentes, in Moschoviam, ad propria se recipiunt.

PARS QUARTA LIVONICÆ HISTORIÆ.

RECUPERATA a Moschis Livonia, Rex Stephanus Rigam venit duodecima die Martii, ut ordinem faceret in Livonia. Wendæ igitur quæ olim fuit Metropolis Livoniæ, cathedram constituit, & vnum fundat in Livoniæ Episcopatum, attribuendo Episcopatui Wolmariam, Burtuik, Trikatem, Odenpe, Rodenpeus, Czarnekou, &c. Capitaneum wendensem & Ronburgensem constituit Procopium Pieniedziek, equitem auratum de Maltha. Capitaneum kokenhausensem Beliaowsky, felinensem Rotmagistrum Kazanowsky Marienburgensem

Marienburgensem Capitaneum Pekoslawsky qui erat etiam commissarius regius, Bornomisio Ermis contulit. Farenbekio Karkhaus, Taurus, Ruien, attribuit. Derpatensem districtum pro Oeconomia sibi reservavit Rex Stephanus. Nobiles quoque Livones paternis restituit bonis, qui fideiiores fuerunt. Polonis militibus emeritis caduca confert. Rigæ & Derpati collegia fundat Societatis Jesu. His itaque sapienter in Livonia dispositis, locum tenentem suum constituit Georgium Radzivilum wilnensem Episcopum, postea S. R. Ecclesiæ Cardinalem, tribuens ei solatium Stanislaum Pekoslawsky commissarium regium: qui lites & controversias regia auctoritate dirimerent: ipse Rex discedit in Lithuaniam. Hoc tempore cum rex adhuc esset Rigæ, Dux Holstatiæ Magnus fidem Regi præstare, Rigam venit: Sed ad comitia regni illum differre juramentum Rex præcepit. Habita sunt eodem anno comitia Warsaviæ, quo Dux Magnus misit Legatum suum Wilhelmum Sturcz, qui nomine illius juramentum Regi in comitiis præstaret, sed iterum negotium ad sequentia comitia differtur, interim Dux Magnus moritur, anno videlicet 1583. Hoc anno reformatum Calendarium, a summo Pontifice Gregorio ejus nominis XIII, in Poloniæ ditionibus promulgatur, & recipitur.

Anno 1583 moritur Catharina regis Sigismundi Augusti Soror, Sveciæ Regina: conjunx

Joannis Sveciæ Regis. Quo anno etiam moritur in Semigalia Dux Holsatiæ Magnus, vti paulo ante diximus; ejus arcès quas Rex Daniæ pro se defendebat, Georgius Radivilus Cardinalis, nomine Regis Stephani repetit. Eodem tempore lustratio facta est Rigæ Nobilium Livoniæ, præsentem eodem Cardinale, præfuit autem tum Nobilitati Livoniæ in militaribus, Georgius Farensbach, hæres Karkhausiensis. Mortuo jam Duce Magno, conjunx illius in Moschoviam revocatur: Cardinalis eam deducere jubet ad fines vsque Moschoviæ.

Anno sequenti 1584 moritur, Joannes Basilidis, magnus Moschorum Dux, relictis post se duobus filiis, Fridericum & Demetrium, tertium enim majorem natu, ipse parens interfecerat, vti superius relatum est.

Anno 1586. tertia Januarii, magnus Rigæ tumultus propter reformatum Calendarium, quod rex omnino Rigenfibus mandato recipiendum decreverat, oboritur. Cujus seriem hoc loco inferendam statuimus. Posteaquam igitur regis Stephani mandatum de recipiendo Calendario reformato Rigenfibus allatum fuerat, Senatus rigensis regium mandatum promulgare jubet, & suo quoque sancit edicto, ne quis civium aliter faceret: idem etiam ministris faciendum injungitur, vt juxta stylium novum ab hinc festa promulgent ac celebrent. Factum hoc circa finem anni

1585. Festum igitur Nativitatis Domini tantamquam solenne, primo omnium juxta Calendarium novum Rigenfes celebrare, ex edicto tam Regis, quam Senatus proprii, tenentur. Concionatores etiam in templis obtemperant, & evangelia pro festis competentia in concionibus tractant. Durat hoc per aliquot dies, vsque ad tertiam Januarii, qua die incidit festum Nativitatis juxta vetus Calendarium. Congregare jubet suos discipulos, Rector scholæ rigensis nomine *Joannes Mollerus*, qui suis discipulis & nonnullis ex plebe idiotis concionem habuit, sed intempestive satis & omine infelici de Nativitate Domini. Qua in concione invektivam faciens in Senatum rigensem qui Papismum vti illum vocabant, introducere vellet, cum Calendarium a Pontifice reformatum edicto publico mandat observare, ex quo decem dies essent ejecti. Et sic impleri Prophetiam Christi de abbreviatione dierum Matthæi XXIV, quæ verba torquens in suam sententiam, studiosos suos, & illos, qui ex plebe aderant, incitat vt morem veterem non deferant. Studiosi aliique plures, qui concioni interfuerunt, per civitatem vagando omnes incitant ad iram, Senatus prælagiens futurum aliquod malum, Rectorem scholæ ad prætorium citat, ibique conservari mandat. Vesperti tumultus exoritur, tympana a plebe, in plateis ad incitandum populum pulsantur, mox confluunt in forum,

Tribuni plebis, qui sedare tumultum merito deberent, *Gisius & Brinkius*, adhuc populum magis incitant, primo Burgrabii domum *Nicolai Ekkii* invadunt, quærun Burgrabium ut capiant. Deinde prætorium ubi rector detinebatur adorantur, fores effringunt, rectorem eripiunt. Sic & *Wellingii* Senatoris atque Doctoris domum invadunt, ipsum captum, pecunias & suppellectilem argenteam diripiunt. Idem faciunt cum advocato *Tastio*, quem captum cum *Wellingio* tertia die post, capite plectere iubent. His peractis etiam collegium invadunt Societatis. Templi fores effringunt. Patres ejiciunt, omnia in templo prophanant. Sacramentum venerabile in terram dispergunt. Supra altare, quod tamen salva reverentia dixerim, nudis posterioribus sedent. In baptisterium stercus mittunt. Aquam benedictam in canales platearum effundunt. Patres Societatis multis scommatibus afficiunt, & civitate expellunt. Templum semel a Rege Stephano illis collatum, iterum sibi vendicant. Burgrabius *Ekkius* cum aliis ex Senatu qui se absconderant, clam in muliebri habitu ex civitate deducuntur. Quo in tumultu etiam Ministro suo evangelico non pepercerunt, sed virillorum qui in festo natiuitatis concionatus fuerat secundum reformatum Calendarium, quidam ex plebe partem verticis, usque ad cranium hasta abscidit, ad instar coronæ, quam sacerdotes catholici gestare

solent. Sic unus petulcæ linguæ loquacitate factum fuit, ut et sacra sint prophanata, & secularis Magistratus suo sit privatus honore. Quæ a Rigenfibus patrata cum ad Regem Stephanum fuerant delata, pius Rex ut religionis zelator, Rigenfibus pro hac insolentia atque inobedientia minatur vindictam. Rigenfes veriti Regem, mittunt suos legatos, ut placare possent Regem per Senatores Regni, multa munera mittentes iis qui in aula Regis morabantur: Verum Rex nullatenus volens mitigari, Rigenfibus obsidionem machinatur. Jubet in littore Curoniæ cis Dunam propugnaculum extruere, ad prohibendum Rigenfibus navigium. Verum Rex Stephanus immatura morte præventus, Rigenfes a periculo simul & metu liberavit. Ac ut aliqui affirmant dubitandum est, num Doctores Regis Rigenfium pecuniis non fuerint conducti ut Stephanum Regem, Poloniæ Regno apprime necessarium, ante tempus eriperent. Moritur namque Grodnæ in Lithuania 2^o 12 septembris anni 1586. Postquam ad summum Pontificem Sixtum V legatum misisset Archiepiscopum Leopoliensem *Jo. Demetrium Solicovium* pro benedictione, ut illi liceret de novo cum Moscho bellum inire. Post obitum vero Stephani Regis a proceribus regni, quamvis interregnum erat, Blokhaus vel propugnaculum illud cis Dunam extruitur & perficitur, quod tamen postmodum, pecuniæ Rigenfium effecerunt,

vt tempore Sigismundi regis Poloniæ ejus nominis tertii, dirueretur, quod magnis sumptibus fuerat extractum.

Rigenſes vero ægre ferentes propugnaculum illud a Polonis ad litus Dunæ ſibi in perniciem extractum, tentant modis variis illud demoliri. Poloni enim præſidia ſtatuerunt ſua, qui propugnaculum tuerentur. Rigenſes collecto milite in civitate, mittunt eo, vt vel Polonos inde exturbarent, vel dolo aliquo occupent. Sed præfeſti illius loci, tempeſtively advertentes Rigenſium turmas adventare, eas retinent & avertunt, imo in fugam agunt, caſis non paucis: ab eo tempore Rigenſes non ſunt auſi aliquid tentare, adverſus eos, qui Blokhaus vel propugnaculum illud defendebant.

Poloni vero rege ſuo orbat, conſulunt de alio eligendo rege, ſed proceres imperii polonici diſcordes, alii Maximilianum Archiducem Auſtriæ nominare volunt, alii Sigismundum, Joannis Sveciæ regis filium eligunt, tanquam cum qui ex ſanguine regum Poloniæ oriundus eſſet: quippe qui e ſore ſigismundi Auguſti Catharina, regis Joannis conjuge progenitus. Hunc major pars procerum adoptat, ſed ipſa regina Poloniæ Anna ſoror Cathariæ huic ſuum dat votum. Promotor vero hujus voti eſt Joannes Samoyſcius, magnus regi Cancellarius & campiductor. Cui reſtiterunt Zborovii cum

ſuis, æmuli Samoyſcii. Erat enim rancor inter illos, ob Samuelem Zborovium, qui ob exceſſus aliquos tempore regis Stephani, forſitan conſilio Samoyſcii, capite plexus fuerat. Hi enim Zborovii Maximilianum Archiducem ſecum in Poloniam adduxerant, promittentes illi Polonum imperium. Itaque procerum regni publico voto, legati in Sveciam ad Joannem Sigismundi parentem mittuntur, petentes filium, vt regem apud illos ageret. Quo impetrato Sigismundus Gedanum appulit, a Polonis honorifice excipitur, deducitur Cracoviam. Zborovii cum Maximiliano Archiduce quoque properant. Ibi de ſceptro certatur ſub Biczin. Maximilianus victus cum ſuis capitur: & poſt triennium vix dimittitur.

Sigismundus autem III. Poloniæ rex inauguratur Cracoviæ anno 1588. Mittit Rigam commiſſarios, qui audita tragœdia & cauſa dijudicata, rebelles & perturbatores pacis publicæ, punirent. Auctor vero hujus tumultus cum ſubolefaceret, imminere ſibi periculum, fugit ex civitate, qui tandem proſcriptus eſt. Fautores vero *Gifius* & *Brinkius* capite plectuntur. Qui vero in exilium relegati fuerant, *Ekkius* cum aliis revocantur: Patres quoque Societatis Jeſu ſedibus ſuis reſtituuntur.

Anno 1589 Menſe Auguſto rex Sigismundus III. parentem ſuum viſitat Revaliæ. Per annos

igitur decem omnia in Livonia pacata fuerunt, nihilque tale accidit, quod relatione dignum censeatur.

Anno 1593 moritur Joannes Sveciæ Rex, post cuius obitum Rex Poloniæ Sigismundus III, Joannis filius in Sveciam pergit, coronatur ibidem in Regem Sveciæ. Carolum Sudermaniæ Ducem patrum suum, Gubernatorem Sveciæ constituit: qui sibi dominium vendicans, pro libitu suo, Barones Comites Nobilesque Sveciæ, sine discrimine plectere jubet, cum illi obtemperare recusant. Qua Nobilium injuria Rex Sigismundus III commotus, ipse se cum magno comitatu in Sveciam confert: volens mitigare discordias, Credebat enim bonis modis patrum ad sanio rem mentem reducere posse; sed Carolus comitia instituere volens, in quibus de publicis Regni negotiis tractandum esset. Sed clam insidias struit Sigismundo Regi ejusque comitibus, quibus comitis Rex Poloniæ Sigismundus comitia non expectando ex Svecia navigio discedit. Relicto Bekker viro strenuo in Calmaria, qui illam munitionem defenderet. Multi tum ex eis qui cum Sigismundo in Sveciam advenierant, perierunt, Inter quos Pater Laterna, Societatis Jesu presbyter, vir Deo & hominibus acceptus, ex navi in mare a nautis dejectus, & cum trirèmes apprehenderet, amputatis manibus aquis suffocatur. Post discessum autem Regis Sigismundi ex Svecia,

Carolus regis patruus, amicitiae & consanguinitatis imo dicam etiam humanitatis immemor, Calmariam obsidet, fame molestissima premiteos, qui in arce, ut feles, mures aliaque plura, a quibus natura abhorret, edere coacti sint, donec occupat arcem. Ipsum Bekker diu captivum tenet, alios omnes necare jubet. Non cessat tamen Carolus in Finlandia Tyrannidem exercere, plures quam antea Nobiles innocentes variis tormentis ex hac vita sustulit. Finlandi videntes se extingui, supplicant regem ut mittat illis suppetias, & liberet eos a jugo Caroli. Mittitur in Finlandiam Guilielmus Farensbach cum 500 Equitibus, qui omnes ibi perierunt, Capto ipso Farensbachio, *

Verum dum hæc aguntur in Svecia, in Livonia quoque novi suboriuntur ignes. Nam Livones per viginti annos ferme pace potiti, elatiores esse cœperunt. Spirabant ad altiora, emebant a Polonis in Livonia capitaneatus officia publica, ut hac ratione illos qui inferioris essent conditionis, facilius ex Livonia exturbare possent. Consultant in conventibus publicis, quibus modis ipsi dominium in Livonia obtinere possent. Offert se illis quidam rigensis civis filius *David Hilchen*, qui Syndicum agebat per annos aliquot apud

* Hic inferatur de omine malo imminente Livoniæ de securis, qui passim per domos & tecta vagabantur.

Rigenſes. Vir quidem literatus in humanioribus, praxin quoque habens juris civilis, præſertim Cancellariæ regni: ſed vaſer & callidus; hunc rigenſes vt ſemideum aliquem principio ſuſpiciebant: quorum pecuniis *Hilchen* prædictus ſibi gratiam conſulit, apud ſenatores regni munuscula cuique diſtribuendo; adeo vt a pluribus regi commendatus, eum rex nobilitate donarit, & Joan. Samoyſcius eum ſtemmatis ſui participem eſſe voluit. Qua fortuna elatus *Hilchen*, putat ſibi dedecori fore, vt civibus inſerviat, qui jam eſſet effectus nobilis. Cœpit itaque ab eo tempore nobilium cauſas promovere. Ex quo ſuſpectus eſſe cœpit Rigenſibus, cujus etiam dolum non multo poſt experti. Quare Rigenſes, eum cum Rigæ eſſet cum Farensbecio, cum Carolus Sudermaniæ Dux Livoniam jam invaſerat, capere, & in Portorio cuſtodire juſſerunt. Verum ad interceſſionem Farensbecii, qui ſponſoderat eum ſequenti die coram ſenatu rigenſi ſtatueret, ex cuſtodia dimittitur. *Hilchen* autem diffidens cauſæ ſuæ, nocte effugit, neque ab illa die Rigæ auſus eſt comparere. Citatus autem a Rigenſibus, quia lapideam ſuam Rigæ habuit, conjugem & liberos, non comparens ad extremum publico ſenatus decreto, condemnatur, & per carnificem infamis proclamatur. Nobiles autem Livones Germani conſultantes, vt ante cœnimus, quomodo Polonos ex ſua provincia

exturbarent, vt ſoli ſua potirentur libertate; prædictus *David Hilchen* eis operam ſuam offert, promittitque ſe id effecturum, dummodo ſequi vellent ejus conſilium. Videlicet ditiores Livoniæ Nobiles, debere primo Capitaneos polonos pecuniis removere ex Livonia, ſi eorum Capitaneatus vel emerent, vel arrendarent, de cæteris nullam fore difficultatem. Præterea exigit a Nobilibus, vt ei pro comitiis anno 1598 Warſaviæ celebratis, aliquam bonam pecuniæ ſummam contribuerent, vt eo facilius per ſenatores regni, ei ad regiam maiestatem pateret acceſſus, obtineretque quod ilagitaret a rege. Annunt Livones, conferunt illi in hoc negotio perficiendo ſexaginta millia florenorum. Qua pecuniæ ſumma *David Hilchen* in comitiis ſplendide vivens: munera varia Magnatibus in aula regis diſtribuit. Tandem audientiam impetrat apud Maiestatem regiam, hoc aſtu utitur, vt primam, regiam, in ſuam adducat ſententiam. Suadet regi vt commiſſarios designet in Livoniam, qui de novo redditus bonorum & arcium reviderent. Nam Refert, Capitaneos non fideliter procedere cum rege, cum in theſaurum non plus conferant, quam eo tempore, quo Livonia recenter a Moſcho fuerat recuperata. Livoniæ vero ditiones, multo nunc locupletiores eſſe, quam tum temporis. Rex ſuaſibus his, tamquam utile quid præſeferentes, facile annuit, commiſſarios ſe in Livo-

niam missurum promittit. Hac occasione etiam *Hilchen* noster regi proponit, plures esse nobiles in Livonia, qui malo jure bona possiderent, aut etiam per malam informationem ex Cancellaria sibi impetrassent. Ad hæc inferioris conditionis Nobiles a potentioribus affligi & supprimi, qui ob loci intercapedinem non ad comitia venire, & jus suum vrgere possent. Idcirco necessarium fore, ut regia majestas iisdem commissariis plenariam concederet auctoritatem ut in Livonia officia & munia iudiciorum forentia distribuant, tribunalia instituunt: Et si qui fuerint qui non æquo jure bona possideant, aut per malam instructionem impetraverint, commissarii eadem bona iis auferentes, & aliis dignioribus aut magis emeritis largiantur, tamen ad ulteriorem regis majestatis ratificationem. Quæ omnia ab *Hilchen* in eum finem excogitata, quamvis speciem honesti præ se ferebant, ut suos nobiles Livones germanos, ad officia aliqua eminentiora promoveret, bona quoque si quæ Poloni possederint, non spectantia ad illos jure hæreditario, iis eriperentur, & Germanis tanquam paterno jure gaudentibus conferri possent. Ut hac ratione cum summum jus esset penes Germanos, nobiles Poloni fortis inferioris, eo facilius ex Livonia discedere cogerentur. Iuvit & illud non parum ad propositum *Hilchenii*. quod hisce modis, cum capitanei arcium Germani essent, & nobiles quoque expulsi, tum

sacerdotes catholicos quorum *Hilchen* infensissimus hostis erat, una cum religione deficere: Et sic Germani soli dominium in Livonia, tam in secularibus, quam spiritualibus obtinuissent: nisi Deus ipse eorum consilia dissipasset. Nam cum prædicti commissarii in Livoniam venissent, quorum præcipui erant Joan. Demetrius Solikowsky, Archiepiscopus Leopoliensis, & Leo Sapiha, magnus Cancellarius Lithuanie (alii enim qui fuerunt, vel hæretici fuerunt, vel Germani Livones, inter quos ipse *Hilchen* notarium egit, ut tanto facilius revidendo privilegia nobilium, nocere posset, cui vellent) Nobiles Livonie muneribus gratiam sibi apud Commissarios conciliare elaborabant, quorum respectu illi sperabant, se ad officia iudiciorum, aliarumque dignitatum a Commissariis promovendos. Nam et ipse *Hilchenius* ante jam a Regia Majestate impetraverat officium Notariatus terrestris, priusquam adhuc quicquam a Commissariis hoc in negotio erat constitutum. Verum Malum consilium uti ajunt, consultatori pessimum. Cum enim negotium & consilium eorum longe alium sortitum fuisset eventum, quam ipsi sperabant: Nam neque ad officia Germani promovebantur illa, quæ alicujus erant auctoritatis vel emolumenti: neque ex bonis quicquam obtinuerunt, quæ sperabant. Nam officia ista potiora Polonis Nobilibus distribuebantur. Germanis vero perpaucis, locus

concessus fuit in consiliis & judiciis forensibus & terrestribus. Spe itaque hac germani nobiles frustrati, dolentes de impensis suis, quæ & *Hilchenio* ad comitia contribuerant, & Commissariis conferebant, aliud iter ingredi ad consequendum ea, quæ animus optabat, tentarunt. Obtulisse occasio opportuna, quæ tum in promptu fuit; scilicet Carolum Sudermaniæ Ducem in Svecia & Finlandia tumultus eiere, & Tyrannum agere, nepotique suo regi Poloniæ bellum indixisse. Conspirant potiores Livoniæ nobiles. Vt pote Joan. Tisenhausius monoculus, qui Capitaneatum wendensem emerat, qui hujus fabricæ autor & architectus extitit, cum suis consanguineis & affinibus, quorum magnus erat numerus, quibus alii facile adherentes; ad Carolum scribunt illum nunc tempus commodum habere, ut Livoniam suo adjiciat imperio, siquidem Livonia milite destituta, & Poloni haberent quod agerent cum Michæle Moldavorum principe. Carolus oblatam occasionem minime negligens, non indicto bello Livoniam invadit cum 25000. *Hilchen* quoque apud suos nobiles Livonos, gratiam quam habuit, cum spes eos fefellisset, perdidit, pariter etiam apud Rigenfes; iccirco illi insidiari cœperunt. Ille vero videns se ab illis odio haberi, nec locum mereri inter illos, ad Joan. Samoyscium magnum regni Cancellarium confugit, alias forsitan & ipse cum suis nobilibus

ad Carolum defecisset, nisi de corio suo timuisset, nolens itaque volensque nobiscum convenire cogitur. Pacto igitur tali fœdere, Carolus expedit exercitum Revaliam, cujus numerus in dies cum excrevisset, Georgius Farenbach, Nobilitatis Livoniæ in militia præfectus, cum cæteris Livoniæ primatibus, suum quoque conscribunt militem. Congregantur primo nobiles Livoniæ tam Poloni quam Germani ad mille equites. Hi in finibus Æsthoniæ lustrantur sub Oberpal in vere anno 1599: morantur ibidem in castris per menses tres. Cum autem Svecicus exercitus potentior effectus, quam ut ejus impetum nostri sustinere possent, & sub Album Lapidem appropinquasset, Nostri castra inde removere coguntur; figuntque sub *Helmet*. Carolus ipse cum exercitu in autumnio navigio subsequitur, appulit Pernaviam, jubet suos omnes ibidem convenire; collegit ingentem hominum colluviem, viginti quinque millium, obsedit Pernaviam. Anno 1599 Mense Septembr: exercitus noster discedit ab *Helmet*, & castra metatur sub *Cremon*. Ex Lithuania quoque aliquot Rotmagistri cum milite in auxilium mittuntur a bellidice Christofforo Radivilo, Palatino wilnensi. Verum absente Duce, quia tum filio suo Joanni nuptias celebrat Brescii, hosti initio non resistitur. Carolus autem postquam septimanis quatuor sub Pernavia fuisset commoratus, absque

tormentis bellicis, quæ mœnia lādere poterant, nostri qui præfuerunt arci præ timore, vltro arcem dedunt cum civitate. Fuerunt autem superiores ibidem tum temporis, Golembiewsky vice capitaneus & Suchorewsky cum suis collegis. Obtentâ a Carolo Pernavia, gavisî non nulli ex perduellibus Livoniæ nobilibus, vt Joan. Tisenhausius qui sibi Capitaneatum etherat wendensem, is tibicines suos, tripudium cāhere iussit Wendæ, et pro felici omine Caroli Sudermaniz Ducis, propinabat suis. Nobiles Livoniæ qui in castris degebant, sensim a Farensbecio deficient. Ac vt negotium illud dolo plenum, felicius illis cederet, de nece Farensbecii, qui bellicis vices tum obibat, conspirabant, vt sublato capite, facilius illis daretur commoditas, Carolo se adiungendi. Conductus igitur famulus quidam, qui militabat in castris, vt Farensbecium ex improvîso sclopeto in tentorio interficeret. Quod idem tentare ausus, sed avertente Deo malum, fefellit illum ictus, ita vt secus latus Farensbecii globus evolando, eum illæsum conservaret. Milites vero nostri, postquam intellexissent per exploratores, Carolum Pernaviā occupasse, & vltius progredi velle, (miserat enim quinque millia ex suis Felinum, quibus præfecerat Carolus, Nothum suum quem vulgus Carolison appellabat) qui non suspicati de nostris,

sub

sub Karkhaus intercipiuntur. Nostri tum non aderant nisi tres rothæ, vtpote Joannis Petri Sapihæ, Felicis Niewiarowsky & Domini Rudoniæ Capitanei oberpalenses, qui conferentes manus cum 5000 Svecorum, plus mille interfecerunt, ex nostris tum quatuor duntaxat interempti sunt. Qui conflictus etsi primus, & nostrorum exiguius numerus, Carolo non adeo felix omen belli futuri initio præbuit. Dispersis itaque his quinque millibus, qui superstites ex Svecis, ad Carolum redeunt, non ea forsitan via, quæ advennerant. Carolus hac strage suorum commotus, toto collecto exercitu, ipse quoque præsens, iterum pergit Felinum primo Karkhaus occupat, vbi Farensbecius reliquerat nonnullos nobiles germanos, quos fideliores fore putabat, ad defendendam arcem, inter quos præcipuus fuit, quidam Georgius Netken, qui postea Matthiam Dembinsky Pernaviensem Palatinum prodidit, vti inferius dicetur. Sed ab his deceptus Farensbecius, arcem Karkhaus, quæ iure hæreditario, ad eum spectabat per prodicionem suorum, Svecis cedere cogitur. Inde Carolus procedit Felinum, vbi quoque per duos vix dies commoratus cum exercitu suo, Ungari pedites qui missi fuerant, vt tuerentur arcem, conspirantes cum Svecis, deditionem moliebantur. Porro nostri civitate exusta, in arce se defendere statuerunt. Advertentes autem prodicionem, Ungarorum

inviti ab armis abstinere coguntur. Nam si hostibus resistendum decernerent, cum Ungaris certandum erat nobilibus, qui eo confugerant, ut se tuerentur ab hostibus. Itaque Sveci impetum facientes, cum mœnia ascendere conantur, ab iisdem Ungaris, libere arcem invadere & occupare permittuntur. Quorum proditione, absque molestia, Sveci occupata tam munita arce, Carolus nobiles omnes polonos captivos in Sveciam relegat, quorum erant præcipui Michael Kurtz, qui præfectus erat arcis, Rotmagister Sadowsky, cujus erant pedites ungari, Simon Chvzanowsky, Alexander Przadzinsky, & præpositus felinensis Bartholomæus Chorfinisky, quorum major pars in captivitate finem vitæ sumpserunt. His peractis Felini, postquam præfidiis arcem munivisset, mittit partem sui exercitus Carolus, sub Lays, ubi capitaneus erat Orzechovius, vir militaris & heroi animi qui cum suis se in arce per quatuor septimanas strenue defendens, quamvis gravi morbo correptus, & de vita illius dubitabatur, tamen arcem donec animam efflaret, nulla ratione Svecis tradere permisit. Quo igitur vita functo, qui in arce fuerunt, orbatu superiore suo, arcem dedere hosti compelluntur, corpus vero defuncti Dorpatum mittitur, & conjunx Orzechovii libera dimittitur, ut maritum suum Dorpati tumulare curaret. Capto Lays, Kirempæ expugnare contendunt, ubi cum deessent

præsidia facile a Svecis obtinetur. Hinc Derpatum pergit Carolus cum exercitu toto, ipse quoque præsens obsidet civitatem, tormentis grandioribus, partem mœniorum prosternens, ubi per mensem & ultra, nostri vim hostis sustinentes, cum die nocteque inquietati ab hostibus, exhausti laboribus & vigiliis, dedere civitatem coguntur. Occupata jam civitate Minister Christianus Schraffer in templo parochiali salute.... * Captivantur ibidem Georgius Schenking Oeconomus derpatensis, Henricus Ramel, Rothmagister Galparus Tisenhausius & ceteri plures, qui fideles extiterant Regi Poloniæ. Germani vero qui Carolo juramento se obstrinxerant, dimittuntur liberi & militant adversus Polonos. Capiuntur præterea Rothmagistri peditum poloni, cum Nobilibus polonis districtus derpatensis. Nec aliter evenit sacerdotibus catholicis qui tum temporis Derpati aderant, utpote Patribus Soc. Jesu & Præposito Derpatensi, quibus arma data & hastæ, in opprobrium, fuitque injunctum, ut cum cæteris stipatoribus Carolum comitarentur: tandem in Sveciam missi, ut mancipia tractati sunt, qui operando victum quærere, & se sustentare coguntur. Oeconomus vero derpatensis, in custodia habitus apud civem derpatensem, nescio quo modo effugerat, quo audito Carolus, mox ut insequantur Oeconomum mittit. Obtulit suam

* Locus lacunofus.

operam Adamus Sahraffer, filius Ministri Christiani Schraffer, cujus superius mentionem fecimus, qui apud eundem Oeconomum, capitanei vices obibat in arce Adzel; Hic fidelis servus æconomi, cum suo comilitone Gasparo Rolant, qui quoque æconomo inserviverat pro aulico, ac cæteris perjuris Dominum proprium insequuntur, capiunt reducuntque ad Carolum, qui non sine ignominia a Principe salutatur, relegaturque in Sveciam.

Hinc quam fideles sint etiam suis benefactoribus Livones, advertere licet. Expugnato itaque Derpato, mittit exercitum Wendam versus, occupat Helmet, Ermes, cæterasque minutiores arces. Capitur in Ermis, Henricus Brakel Capitaneus ibidem, qui percussus tanti principis potentia, ipse offert claves arcis Carolo. Sed neque hac submissione Brakelii Carolus mitigatus, cum cum conjugis parente, Christophoro Denhoff in Sveciam abducere jubet, ubi per annos aliquot in summa penuria detenti, inde tandem vel fuga vel precio redimenter, liberati sunt.

Episcopus autem Livoniæ Otto Schenking fratris sui æconomi derpatensis periculo cautior factus, ne ad Caroli manus perveniret, non ausus erat Wolmaria continuo manere, ubi ejus erat residentia, sed hinc inde proficiscendo per varias arces, ne hostes de ejus præsentia certi quid scire possent, per aliquod tempus latitare debuit:

[multum enim laborabat Carolus, ut Episcopum Livoniæ tanquam cleri & catholicæ religionis caput, ibidem comprehendere posset. Multas ideo cum vagari cogitur molestias suffert, non tam ab hostibus, quam a nostris militibus, qui parum discreti in trajecto per Gaviam dum fugit, Episcopo torquem cum cruce quam Episcopi gestare soliti, a collo detrahunt, tapetia & alia quæ illis usus esse poterant eripiunt, sic honoratus dimittitur. Fuerunt tales violentæ invasiones in prædiis nobilium plures, ubi conjuges & filiarum a nostris stupratæ, quibus exacerbati nobiles causam defectionis ad Carolum facile inveniunt. Nec subditis quoque pepercerunt, quippe qui novos cruciatus excogitant, ut rusticorum pecunias & bona extorquerent, quos ferventi aqua superinfusa in lintre ligatis pedibus manibusque depositos, non aliter ut porcos, cum raduntur, tractare solebant. Cæteri colligatis pollicibus manuum pedumve a tergo per modum crucis suspensos rusticos integra nocte torquebant, ut saltem ab illis intelligerent, ubi in foveis sua frumenta & suppellectilem reservassent. Omnibus itaque ereptis tandem ab iisdem capite truncabantur. Quibus affecti injuriis nobiles Livones & subditi ab indomitis Cosacis & Schytis quibus nostri sæpius se adjunxerunt, quid mirum, si qui ante inclinati fuerunt ad defectionem, hoc pacto paratiores promptioresque fierent, nostros

deserere, & Carolo adhærere, cum, a quibus tutelam sperare debebant, ab his pejus, quam ab hostibus, se affligi adverterent. Contrario vero modo Carolus procedebat, cum subditis Livoniæ, nam ut clementiorem se exhiberet illis, eorumque animos sibi conciliaret, indictum fuit exercitui carolino, ut præter victum, a subditis nihil extorquerent: nec ut in laboribus agricolas impedirent, in partibus illis, quas sibi jam subjecerat, alias gravi pœna mulcendus, qui editum principis prætergressus fuerit. Atque ut eo facilius reliquos Livoniæ nobiles in suam pertraheret sententiam hac arte usus est Carolus. Datis namque literis, ad eosdem Livoniæ nobiles, qui adhuc illi non adhærebant pollicetur principis verbo, illorum jura & libertates, cum privilegiis bonorum se aucturum, præterea catholicam religionem cum sacerdotibus funditus extirpaturum, eosque ex servitute Papæ asserturum, quarum literarum copiam ipse legi, germanice scriptam. His similibusque technis usus est Carolus, ut Livoniæ nobiles ad defectionem a regno Poloniæ alliceret. Quin etiam & illud ineulcabat nobilibus, se nimirum, regis Poloniæ instructu omnia facere, quæ prætenderet. Quo actu circumventi nobiles adhuc reliqui, cæteris se adjunxerunt adhæseruntque Carolo.

Porro interim Svecicus exercitus sub Wolmariam adventare cernitur, exiguum belliduces

arcem minis, verum parum moti initio qui in arce fuerunt, Sveci inde absque tormentis secedere coguntur. Hæc facta circa finem Decembris anni 1599.

Anno vero 1600 circa festum trium Regum mittit Carolus sub Wendam septem millia promiscue Svecos cum Germanis, ut civitatem clam occupent & expugnent, Dominica quæ est intra octavas Epiphaniarum. Erant enim tum Wendæ aliquot Rothæ equitum, utpote Domini Joannis Petri Sapihæ Dni Niewiarowii Dni. Matthiæ Dembinsky, Dni. Ludovici Wayeri, Dni. Rudomina, qui ignari de adventu hostium sub Wenda, die Dominica sacris interfunt, quibus absolutis, cum mensæ accumbere volunt, tumultus & clamor excitatur, hostes jam sub mœnibus esse: tum nostri trepidi arma rapiunt, equi ad pugnam instruntur, hostibus obviam procedunt: nec simul omnes, sed qui paratus primo prior ex civitate erumpit, reliqui sequuntur. Mira divina providentia, & mirabilis belli eventus. Quadringenti nostri cum septem millibus conferunt, cædunt, in fugam vertunt, fugientes insequuntur, usque ad fluvium Gaviam, quos cum glacies ob nimiam multitudinem sustinere nequit, cum curribus & equis simul aquis suffocantur, adeo magna Svecorum clade, ut vix mille a septem millibus evaserint. Hac strage suorum percussus Carolus, & exacerbat in Polonos, cum tota militum manu,

Wendam venit. Cujus vim cum nostri ob paucitatem sustinere non possent, Wendam deferunt & rigensium in territorio commorari coacti sunt. Farensbecius quoque a suis nobilibus Livoniæ, quorum ille præfectus erat, desertus, Rigæ degit in arce cum suis peditibus,

Carolus occupata Wenda, secundo mittit exercitum sub Wolmarfam obsidione cingit, & tormentorum ictibus mœniorum partem dejicit, primo civitatem deinde arcem obtinet. Inde Ronburgum exercitus svecicus mittitur, qui absque tormentis eo veniens, cum vicecapitaneus ibidem, Matthias Wiossolowsky fretus auxilio nobilium germanorum qui eo confugerant, ob munitionem arcis, ut tutiores essent a Svecis, defendere se decrevisset, desertus ab iisdem nobilibus, clavibus vicecapitaneo ereptis, Germani Carolinis offerunt: sic Wiossolowsky proditus Svecis, primo Pernaviam, postea in Sveciam mittitur. Germani vero qui arcem prodiderant Carolo jurarunt.

Donec ista Ronburgi peraguntur, major pars exercitus svecici tendit Kokenhausium, ubi & Carolus aderat, hi primo Pebalgam, deinde Orlam expugnare debebant, antequam venirent Kokenhausium. Matthias Dembinsky Palatinus pernaviensis Pebalgenensis capitaneus, cum ei relatum fuisset, hostes jam adventare, ille quandam vicinum suum nobilem germanum, nomine Georgium

Nötken, cujus superius mentionem fecimus, cum quo magna illi fuit familiaritas, confidens huic proditori, mittit exploratum de hostibus, inscius hunc Nötken ideo ex Karkhaus a Svecis dimissum, ut tanquam fidus amicus Dembinsky eundem proderet, ut ad Caroli manus deveniret: quod ipsum prædictus Georgius Nötken fideliter præstitit. Nam qui a Dembinsky missus fuerat exploratum de hostibus is refert Svecis de præsentia Dembinsky Pebalgæ, itaque se adjungens Carolinis, inscio Dembinsky arcem circumdedit, ut effugere non posset. Cum itaque fidelem nuncium expectat Dembinsky, ab infido vicino & proditore traditur, capitur, & in Sveciam relegatur. Capitur tum temporis quoque Joannes Drobis, Dserbinensis capitaneus, & nonnulli alii nobiles, qui Dembinscio adhærebant.

Lætus iccirco Carolus, quod Dembinscium cepisset, magni enim faciebat eum, eo quod sciret illum militem esse peritum & veteranum. Kokenhausium pergit, obsidet primo civitatem circa ipsa carnis privia. Palatinus wilnensis capitaneus kokenhausensis, Magni Ducatus Lithuanie Campiductor, arcem hanc bene muniverat annona & præsidiis. Civitas vero ob debilitatem mœniorum a nostris deseritur, malentesque se arci concedere, ibi se tueri statuerunt. Iccirco facile Sveci obtenta civitate, tormenta bellica grandiora sub ipso muro arcis statuere jussit

Carolus: ita vt saltem fossa vna, eaqve profundior interesset, ex qua pons qui ad portas arcis tendebat, a nostris erat defectus. Directis itaque tormentis ad turrim in qua arcis portæ sitæ erant, eas vult tormentorum ictibus effringere, verum quia portæ a nostris in arce erant obrutæ, nihil efficit. Et cum diu jaculando partem turris, a fundamentis effregisset, ita vt desuper murus hæreret pendulus, invento foramine, ad instar januæ, volens arte quadam, eo arcem intrare. Jubet quingentos pedites, clam fossam intrare & sub turri, quæ desuper pendebat latitare: atque cum ex tormentis aliquot simul explodere iussisset, voluit vt ii, qui sub turri latitabant, in illa caligine & fumo ex pulveribus tormentariis excitato, arcem irrumperent, ne adverterentur ab his qui in arce fuerunt. Verum aliter cessit negotium, quam Carolus suspicatus: nam explosis simul tormentis aliquot, ad prædictam turrim, murus jam ante ex crebrioribus ictibus debilitatus, & pendulus desuper, super illos, qui sub turri se absconderant corruit, omnesque collisit. Sic stolidum principis consilium, causa fuit, illorum interitus.

Quod igitur inventum cum Carolo pro votis non successerat, & jam non parum temporis consumserat jaculando, nihilque efficeret (qui namque in arce erant, mascole se defendebant) quamvis aquæ penuria laborabant, cum vnus duntaxat

puteus esset in arce, qui hominibus & equis, aquam sufficientem haud poterat suppeditare. Idcirco nives ex tectis liquefacientes, equos potare cogebantur, ipsi vero vna mensura aquæ, singulis diebus contenti esse debebant: Ipse Carolus ad extremum cum exercitu inde secedere coactus, relictis in civitate duobus millibus, qui nostros in arce fame & siti premerent, donec se dedere vrgerentur. Per totam igitur quadragesimam, cum Sveci arcem non obtinere poterant, & nostri se tuerentur. Interim campiductor Lithuanix Christophorus Radzivilus, palatinus wilnensis colligens copias, post festa Paschæ, sub Kokenhaus, suis qui in arcem diu inedia pressi in auxilium venit: obsidet Svecos in civitate. Quo audito Joannes Tisenhausius monoculus, hæres in Bersön, hujus livonici belli præcipuus autor, Suecis qui in civitate obsides, volens ferre suppetias, collectis centum equitibus germanis, cum quingentis rusticis, Polonos statuit debellare: secum ferens septem millia talerorum, pro solutione militis svecici, qui Kokenhausii in civitate a nostris obsidione cincti erant. Verum a nostris iisque paucis, qui de Tisenhausii adventu inaudierant in itinere profligatur, interfectis plurimis. Ipse monoculus vix effugit, pecuniæ eripiuntur a Polonis.

His peractis cum aliis copiis advenit sub Kokenhaus etiam Dn. Joan. Carolus Chodkevicius,

qui Radivilo socius belli a rege erat assignatus. Numerus itaque auctus polonici exercitus, Sveci qui in civitate obsides, fugere non poterant, etsi libenter voluissent, eo quod viæ illis undique erant interclusæ. Misertus autem suorum Carolus, mittit duo millia qui Svecos ex obsidione liberarent. Verum intercepti sub Orla a nostris, cæduntur 300 & ultra, cæteri in fugam convertuntur, ex Polonis tum vix quatuor interfecti. Huic exercitui suo præfecerat Carolus nothum suum Carolifon: Ipse namque Dux Carolus tum temporis Revaliæ morabatur, ibique cum illi natus esset filius Carolus Philippus, puerperium celebrabat. Advenerat circa idem tempus ad Carolum Sudermaniæ principem, Comes quidam a Nassov, quem idem Carolus suo in loco belliducem constituit exercitus svecici. Hic ut novus imperator vicisci volens necem suorum, qui sub Orla perierant, cum septem millibus advenit sub Kokenhaus, commissurus prælium cum Polonis qui tum erant ad quatuor millia. Verum hic conflictus novo belliduci non feliciter adeo cessit: nam victus a Polonis, profligatur. Poloni victoriam reportantes, cædunt sex millia Svecorum. Ipse comes a Nassov bellidux cum mille vix evasit. Polonorum occubere in hoc conflictu ducenti. Qui vero in civitate obsidione premebantur quorum superior erat Christophorus Schum, cum spem omnem effugii sublatam intelligerent,

Polonis inviti dedere se coguntur. Schum itaque cum suis Carolo Chodkevicio in tutelam se subdidit. Vnde Christoph. Radzivilus Dux belli ira commotus, quod si obsides non ad illum confugissent, cum captivi ex civitate dimittuntur, iussit illos in itinere, ad ripam Dunæ omnes interficere, quorum cadavera in flumen projecta cum impetu aquæ in mare deferuntur.

Hæc igitur obtenta victoria & recuperata arce kokenhausia nostri pergunt sub Ronburg, arcem obsident. Vbi tum erat præfectus arcis nobilis quidam ejusdem districtus, Joan. von Rosen; perjurus quoque Polonis, hic diu se defendebat in arce, donec bellidux Caroli comes a Nassov, cum ingenti exercitu, utpote quatuordecim millibus nostros inde repulit. De ejus adventu cum innotuisset Ducibus nostris, castra remove-re coguntur. At Carolus Chodkevicius, qui socius erat assignatus belliduci Radzivilo, videns ducem belli trepidum, & fugam maturare, suavit ut saltem acies intuerentur. Dux suavis minime annuens, dicebat, plurimas esse hostium copias. Cui Chodkevicius ait, non esse quærendum quot sint hostium copiarum, sed ubi sint. Rigam properant. Comes a Nassov valida manu nostros insequitur, qui sub ipsis mœnibus ringensium fugiunt. Qua in fuga non pauci currus cum commeatu a Svecis erepti sunt Polonis; Interfectis quoque ex famulis, aurigis, lixis,

mercatoribus ad 500. Fuerunt autem tum temporis Poloni numero saltem 2000 ad pugnam instructi, iccirco tantæ hostium multitudini resistere erat impossibile.

Hac laude comparata comes Nassoviensis, terribus & minis rigenses sæpius sollicitat, vrget deditionem, obfidet civitatem, suburbium exurunt Sveci, ipse Carolus Sudermaniæ Dux, cum tormentis & apparatu bellico Rigam appulit, infestat urbem, jaculatur ad eam, nocere nihil potest. Commoratur sub Riga vsque ad autumnum. Interim etiam Joan. Samoyicius, supremus regni exercituum campiductor apud Polonos, postquam Michaelē Moldavorum principem debellasset, in Livoniam venit cum duodecim millibus: trajicit Dunam sub arce Seleburg principis Curoniæ, cum exercitu: scribit ad Carolum Sudermaniæ Ducem sub Riga, vt eum przstoletur, & prælium committat vbi placeret. Verum his literis Carolus nec dum territus, adhuc sub Riga hæret, infestat urbem. Rex quoque Sigismundus tertius Samoyscium cum suis copiis subsequitur. Et cum sperarent Carolum commissurum prælium cum Polonis, duo ex stipatoribus regis proditores, perjuri facti, clam ad Carolum fugiunt, dissuadent vt cum Polonis confligat: nam & copiosum & selectum asserebant Polonorum exercitum. Quorum suavis assentiens Carolus, naves ascendit, pergit in

Sveciam. Exercitum autem mittit Pernaviam, ac inde Revaliam: relicto in discrimine notho suo Carolo, & filio Ponti, quondam belliducis Joannis Regis Sveciæ, Wolmariæ in arce cum trecentis Svecis, vt ibi se tuerentur. Prædictus vero bellidux Caroli, comes a Nassov, circa Revaliam hæret. Spe igitur prælii frustratus Joan. Samoyscius, initio cum exercitu suo Wolmariam, & Caroli nothum, cum filio Ponti [dell' Gardo quondam Joannis regis Sveciæ bellidux, qui sub Narvia submersus] in illa obsidione cingit, aderat enim tum sub Wolmaria regia majestas. Cum igitur exercitus ferme per trimestrem ibi fuisset commoratus, parumque effecisset, eo quod tormenta bellica longius ex Polonia, non tempestive satis adducebantur. Rex affectus tadio Vilnam se confert, relicto ibidem belliduce Samoyscio cum exercitu.

Post discessum regis advehuntur tormenta, quorum tum fuit excellentius, Virgo, quæ omnium primo Carolison in die nativitatis Domini, novum attulit suo cantu nuncium. Primo ictu penetrat conclave vbi Carolison degebat, qui mane decumbendo in lecto per globi vim, sub ipso lecto illius foramen effringens & per alterum parietem evolando expergefactus territusque, mox ex illo cubiculo in interiores arcis fornice recessit.

Anno 1601 Carolifon cum jam nostri civitatem Wolmariam occupassent, & ad arcem jaculando effracta esset turris nova, ab Episcopo Livoniæ Otthone Schenking recenter ædificata, nec vim nostrorum amplius Ferre potuisset in die Epiphaniarum se dedere cogitur. Missi tamen erant a Comite Nassov tria millia Svecorum, qui Carolifon suppetias ferre debebant: Verum hi cum sub Ernio intellexissent de exercitu nostro, & de Samoyscii viribus infecta re Revaliam revertuntur. Carolifon cum Ponti filio Jacobo captivi ducuntur Vilnam ad regiam Majestatem, qui non adeo honorifice excipiuntur a rege, primo Warsoviam mittuntur, postea abducuntur Marienburgum in Prussia, ibique sub custodia habentur.

Cum itaque referimus successum belli, & quæ utroque in exercitu fiunt, tam svecico quam polonico: non prætermittamus, quæ interim cum miseris Livoniæ agricolis & subditis aguntur, recensere. Horribile sane auditu & dictu miserabile, quod vno anno, omnes ferme rustici Livoniæ interierint, præter eos qui se in sylvis & paludibus absconderent: adeo ut vix decima pars subditorum superrelicta censeatur. Perierunt hoc anno, ut plures qui hujus provinciæ statum, & morem gentis noverunt, ominati sunt, ultra sexcenta millia subditorum promiscui sexus & ætatis! adeo fuit miserabilis conditio miserorum,



& fames inaudita, ut præ inedia cadavera equorum, canes feles mures & alia a quibus humana natura abhorret edere coacti sint, ut bulimiam & caninam edendi orexim quodammodo mitigarent. Vbi vero conspiciebantur in agris cadavera, ibi, miserruli fame coacti & exhausti, ut vix anima in illis hæreret, sine ferro, dentibus, hyeme congelatas carnes crudas, canum more, rodere & vorare non sine nausea & horrore nostris inventi sunt. Canes qui hominum mortuorum corpora vorabant, ab hominibus macabantur & consumebantur. Imo quod magis deplorandum, homines macabant homines, & alii alios vorabant. Quod pluribus in locis factum tum temporis pro certo intelleximus. Vnum pro vero referam, locumque indicabo. In districtu bersonensi puella quædam jam matura, cujus parentes pari modo ut cæteri interierant, hæc cum tribus fratribus, & quatuor sororibus superstes remanserat, ipsa tamen major natu omnibus septem, quæ fame compulsæ, in proprium sanguinem sævire & hos omnes trucidare non est verita. Quorum corpora in partes dissecta in dolio condiebat, ut miseram vitam per aliquod tempus prorogaret. Quod facinus cruentum, cum innotesceret vice capitaneo bersonensi puellam comprehendere jubet, quæ confessa piculum, dira fame se ad perpetrandum scelus hoc compulsam asserbat. Et cum sciscitaretur

ab illa, quomodo ausa esset humanis carnibus vesci, respondet, si in posterum liceret iis vesci, sapidiores carnes sibi præter humanas nunquam velle optare. Quo responso territus vicecapitaneus berfonens, videns quod habitum jam contraxerat, ne pejus quid in posterum moliretur, aut aliis insperate mortem inferret, aut suis germanis, capivivam humare jubet. Præterea si quis iter faciebat per Livoniam in casis & tuguriis rusticorum, quæ omnia deserta erant, licebat invenire ossa & crania mortuorum in una domo, quinque, sex, plus minus, qui fame extincti, quorum corpora a feris & canibus discerpta, ossa duntaxat remanserant. Vnde canes tum temporis adeo rapidi facti, ut gregatim aliquando ad 50. ex pagis congregati, per agros divagarentur, ita ut difficile erat, duobus vel tribus, quibus erant obvii canes, evadere illatos. Hæc omnia cum horribilia sint auditu, quid putas? quam misera-bilia visu, & execrabilia factu? Rumpere potest pium cor, cum audit ea recensere, & perpendit infelicissimorum Livoniæ incolarum lamentabilem statum, quam quantamque plagam Deus super hos miseros venire permiserit. Segetes quoque quæ anno 1600 in autumnis seminatae erant in Æsthonia, sequenti anno meti non poterant, eo quod messores non erant, nisi militum familia ex castris venientes, pro necessitatibus suis metebant, ubi placebat. Erat tum liberum metere

cuilibet, non ubi seminarat sed ubi optimam sperabat messem. Pluribus in locis etiam per hyemem segetes in agris remanserant intactæ, quas sequenti vere subditi pauperes, colligentes spicas in quibus grana advertebant, siccare, & panes pinferere cum paleis necessitas ipsa docebat. Sed satis de his, redeamus ad historiam.

Recuperata Wolmaria, exercitus Polonorum cum belli duce aliquantum temporis moratur sub Antz prædio in districtu derpatensi. Post festum Paschæ pergit Samoyscius cum exercitu Felinum, obsidet civitatem & arcem, primo tormenta extra mœnia collocantur civitatis, verum postquam nostri occupassent civitatem, quæ a Svecis non defendebatur, eo quod muri debiliores, tormenta bellica in civitatem ducuntur, & plane e regione arcis constituuntur, ut unico ictu, quatuor vel quinque parietes trajicerentur: tanta enim tormentorum vis erat, terror in arce Svecis & Germanis haud exiguus, defendunt se tamen & cum non parva mœniorum pars dejecta esset, nostri moliantur facere impetum, & armata manu invadere arcem, verum prima vice nihil efficiunt, quia in arce strenue se defendebant: Secundo igitur nostri animantur ad invadendam arcem, ad quod cum plurimi etiam ex equestri ordine parati erant: Georgius Farensbecius, Palatinus wendensis & nobilitatis Livonicæ in militia præfectus, vir magni animi, atque veteranus miles, qui

jam canus erat, ut junioribus animum adderet, arcem quoque propria persona adoriri conatur. Sed noscitur ex arce, ab aliquo nobili nomine Odert Tedwen, qui illi quondam inserviverat, ab eodem sclopeto interficitur. Vnde Samoyscius non parum contristatus, jubet virum militem ex fovea, per quam adire arceam debebant, qui jam invadere conabantur, educere: qui adhuc spirans, eundem Samoyscium tutorem filiorum suorum constituit, quem Samoyscius belli dux amplexatus, alloquitur. Farensbeci vir fortissime, quam optatior mors tua viro militari, magis mea vita: tu canitiem tuam uti decet strenuum militem, Marti consecrasti: Ego vivo, qui optarem tecum simili modo vitam pro patria reddere, magis quam domi in ocio & strato mori. Non multo tamen post tertio nostri adoriantur arcem, cum jam ad fundamenta usque muri dejecti erant. Sveci advertentes, se jam difficile consistere posse, inducias poscunt, ut per conditiones certas arcem dedant, interim a jaculatione ex tormentis cessatur; Sveci tractant cum nostris, nihilominus tamen in arce nostris clam moliantur fraudem. Nam supponentes sub palatio, ubi nostri effregerant murum et conabantur ascendere, pulveres, ut quando palatium nostris esset inpletum, accensis pulveribus tormentariis per tecta ejeti perirent: Verum quam foderunt foveam Polonis, ipsi inciderunt. Cum enim in

eodem palatio essent congregati Germani & Sveci arce praefecti, cum suis primipilis, tormentorum explosores, qui hoc artificium instruxerat, incautus, igne quem in fomite foverat pulveres in Canali accendit, qui de repente ad vasa pulveribus repleta perveniens accendit. Sic Sveci cum Germanis, dum de deditione arce secum consultant de improvviso per tabulata & tecta ejiciuntur, ut extra arcem evolarent. Sic malum consilium, consultori pessimum est. Stupefacti nostri ipsi quid in arce fieret, non cito dolum intellexerant. Hoc suo stratagemate decepti Sveci, omnino se dedere coguntur. Occupatur igitur Felinum a Polonis mense Junio: ubi Germani nobiles qui in arce erant captivi detinentur: Sveci & exteri deducuntur Pernaviam.

Inde Samoyscius belli dux cum exercitu tendit sub Album Lapidem, illam quoque obsidet, premit illam obsidione per tres menses, jaculatur ex tormentis grandioribus, dejicit partem turris sublimioris in arce, quae nociva erat castris. Ibi nescio pretio ne inductus explosores tormentorum an fato factum, quod praecipuum tormentum, videlicet Virginem polonam nimis pulvere obonerando dirupit, cujus globus ponderabat nonaginta libras. In cujus locum aliud tormentum adducitur, crudelis Virgo quae Lithuana fuit, in quo hi versus sculpti erant.

Crudelis Virgo, fœdus, pacemque perosa
 Castra seqvor; vastans fulmine cuncta meo.

Latibula ex quibus jaculabatur ad arcem duobus in locis fixa erant, in primis, plures lædebantur ex vallo, periire in illis novem Rotmagistri pedites, nec quicquam nocere poterant arci. Donec alius locus repertus, ubi non nisi murus erat nudus absque vallo, ibi cum jaculatum fuisset, brevi tempore Svecos ad deditionem cogebant. Erat tum in Albo Lapide superior quidam hispanus, Alfonso cum socio suo, nobili Livone Mandifell, qui ad extremum usque periculum, arcem dedere nolentes, nisi quodammodo pedites fame exhausti, resistere cœpissent huic capiteo hispano. Contigit & illud memorabile in hac obsidione, quod cum pecuniæ adductæ essent ex Polonia, pro solutione militum: nescio quis proditor ex castris Polonorum ad Svecos confugit, illis de pecuniis intimando, & locum ostendere velle promittendo, ubi depositæ. Itaque qui in arce meditantur quo pacto duce proditore pecunias eripere possent; attendunt itaque intempesta nocte recta ad locum ubi pecuniæ pridie conservatæ fuerant: sed jam alio delatæ. Excubiæ nostræ advertunt hostes, mox classicum canunt, fit tumultus in castris. Sveci rebus infectis cum pudore trepidi ad mœnia se recipiunt.

Nec illud prætereundum, quod mulier quædam nobilis in arce, cujus maritus erat captivus in castris nostris, per puerum suum scripserat literas ad maritum suum, quæ a Svecis interceptæ superioribus retulerunt. Mulier examinata, in quem finem id fecerit: respondet se ad maritum scripsisse, de quo illi major, quam de arce cura esset. Illi mulierem capitis condemnarunt, & caput ipsius palo infigere jusserunt: puer vero laqueo suspensus, extinguitur.

Tempore ejusdem obsidionis, Germani equites, qui in castris nostris militabant, adjungentes sibi velites, quos vulgo Cosacos vocamus, insperate veniunt nocte sub Wefenberg alias Rakibor, Germani cum illis qui in arce, communi lingua loquuntur, asserunt se Revaliam missos, illis in auxilium, credunt illi, intromittunt nostros, quos subsequuntur Cosaci, poscunt ut ultro sine effusione sanguinis ex arce discedant: hi decepti nolentes volentesque arcem cedere coguntur.

In fine vero mensis Septemb: postquam Album Lapidem nostri obtinuissent, Joan. Samoyscius eo quod exercitus polonicus diuturno exhaustus bello, muniendo Album Lapidem, Felinum, Rakibor & cæteras arces hosti non sine magnis sumptibus laboribusque ereptas in finibus Æstthoniæ sitas, præsidiiis sufficientibus in Poloniam revertitur cum exercitu. Relicto in Livonia Joanne Carolo Chodkevicio, quem belli ducem

substituit, qui tum cum fratre suo Alexandro Chodkevicio recentioribus cum copiis in Livoniam advenerat. In discessu Samoyscii plectuntur capite Felini, quatuor Liuvones perduelles nobiles, ex decreto ejusdem belli ducis Samoyscii: Franciscus Blankfelt, qui crudelior in Polonos captivos extiterat. Nam si quis ex polonico exercitu captivus adducebatur, illum nudum ad palum alligatum, depicto in pectore, e regione cordis, effigiem humani cordis, sclopetorum ictibus tanquam ad scopum directis non sine tyrannica crudelitate, interficere jussit. Alter Gasparus Rolant, qui Oeconomum derpatensem Georgium Schenking Episcopi wendensis fratrem, Dominum suum captivum, [nam ex captivitate idem Oeconomus jam effugerat] ad Carolum reduxerat. Tertius Jacobus Swartz, qui consilium dederat, ut pulveres supponerentur Felini sub palatio quodam, quo nostri arcem adoriri tentabant, ut per tecta ejicerentur. Vti superius relatum est. Quartus Odert Tödwen, qui Georgium Farenbach Dominum suum in invasione arcis, ex mœnibus sclopeto trajecerat.

His ita peractis, post discessum Samoyscii, Dux belli recens Carolus Chodkevicus, colligens exercitum Mille Sexcentorum obsidet Derpatum mense novembri, totaque hyeme civitatem premit obsidione, non sine magna militum molestia. Nec id quoque exercitui adjumento fuit,

quod quamvis propter crebriores excubias, quas integra nocte peragere tenebantur, satis jam exhausti milites, etiam cum Dux belli intellexisset, hostem tendere Wefenbergam, velleque expugnare, quo adepto hostis etiam Derpatum venire pollicebatur ad ferendas suppetias suis qui Derpati in obsidione erant, exercitum suum sat exhaustum exiguumque dividere cogitur, Chodkevicus mittit medietatem videlicet octingentos hostibus obviam sub Wefenberg, quos ferunt fuisse tria millia, confligunt cum Polonis cæduntur Sveci ad Mille & plures, quo in conflictu præcipui ex perduellibus Livoniæ Nobilibus, ultra centum perierunt. Qua victoria reportata nostri recedunt Derpatum, captivos secum nonnullos adducentes, inter quos non postremus erat Vexillifer Svetici exercitus, nobilis vero Livoniæ Christoph. Treiden, vir robustus & procerus, quem Jacobus Zalescius juvenis adhuc, socius Domini Rothæmagistri Dabrowæ ab equo dejectum, Vexillum ei eripuit, cepit, victumque duxit ad castra. Facta hæc mense Februario circa principium anni 1602.

Hi vero qui in civitate premebantur obsidione, cum nullas cernerent sibi a Svecis ferri posse suppetias, defendunt se tamen ad Pascha usque, & cum non restaret spes evasione, tandem se dedere coguntur, certis tamen primo cum nostris initis conditionibus. Sveci itaque & exteri Milites dimittuntur a Duce nostro: Qui vero ex

nobilibus Livoniæ Carolo Sudermaniæ adhæserant, & Derpati in obsidione erant, volentes ab hinc fideles esse, iterum & nomina sua dare Regi Poloniæ, a nostris recepti sunt.

Capto a nostris Derpato exercitus per mediam æstatem quiescit eo quod non offerebatur occasio congregiendi cum hostibus, qui tum temporis sub Revalia morabantur. Mense vero Junio Dux belli Chodkevicius, Fiat mentio Neurodi qui ociari cum suis diutius astu cepit villicum quendam, exercitum pau-

cum, præter octingentos secum non habens, hostem etiam sub mœnibus Revaliæ quærere constituit. Confligit cum illis, eripiuntur hostibus tum temporis Vexilla IX, cæduntur ex svecico exercitu quadringenti.

In autumno secunda vice Dux belli Chodkevicius cum suis irruptionem facit in districtum revaliens. usque Narviam progressus cum 600 tantum. Tum temporis ingentem prædam armentorum & pecudum nostri secum abegerunt, ad X ferme millia. Hoc autumno pestis grassare cœpit, ideoq; Dux belli exercitum dimittere cogitur. Quapropter hac hyeme sequeuti & toto ferme anno, nihil vtrinq; præstitum fuit, quod dignum esset relatione, præter id, quod in æstate sequenti, anni 1603 mense Augusto, felinenses Milites, cum suo Rothmagistro Dabrowa, irruptionem facientes, sub mœnibus Pernaviæ, Suburbium antiquam Pernaviam exusserunt.

Verum non multo post pernavienses Milites recolligentes vires volentesque vlcisci injuriam a Polonis factam Pernaviæ, cum quingentis equitibus veniunt in districtum felinensem. Verum nostri per exploratores de hostium adventu, facti certiores ex arce erumpunt, Sveci intelligentes Polonos obviam illis procedere fugam maturant, sistentes ultra fluvium in loco tutiori, vbi ordinata acie, alii vero per insidias, latitantes inter sepes, cum nostri eos insequuntur, & difficilis transitus esset fluminis ab altera parte nonnulli sclopetis interficiuntur. Inter quos etiam ipse Dabrowa Rothmagister faucibus vulnere sclopeti æger cum suis revertitur. Non erant autem plus centum cum illo tum temporis.

Anno 1604 post festum Paschatis, cum maxima istis in partibus soleant esse fluviorum inundationes, qui ibi crebriores sunt, ipsa Militum inedia Felini, coegit illos, ut insperate excursionem facerent sub mœnibus Pernaviæ, idque bis infra octiduum. Prima vice abigunt pecora omnia, quæ in pascuis invenerant, altera autem vice, quinquaginta equos, nobilium equitum, qui tum Pernaviæ hyberna agebant, adduxerunt.

Eodem anno vigesima quinta Septembris habitus est conflictus cum Svecis sub Albo Lapide satis notabilis & Svecis miserabilis; quorum exercitus numeratur ad 7000. Polonorum copiarum tantum Mille octingenti longe impares numero atque

fortuna. Cæduntur Sveci in hoc conflictu tria Millia & amplius: nostri tantum XL occubuerunt, præter eos qui vulnere faucii tamen vivi remanserunt. Qua strage percutsus Carolus suum belli Ducem in Sveciam accersivit, eum captivitate mulctat, & tanquam belli inexpertem, sua imperitia, exercitum illius perdidisse accusat & damnat; Victoriam non Deo justæque causæ, sed experientia militari adscribendo. Quapropter ab hinc suis belli præfectis absente ipso prælia cum Polonis committere vetat.

Anno 1605 die 3 Januarii, Sveci colligentes reliquias suas cum mille quingentis intempesta nocte, insperate *Album Lapidem* invadere & occupare moluntur, plane illa die qua incidit Festum Nativitatis Dni. Soteris nostri J. C. juxta vetus calendarium, existimantes se aliquid memorabile effecturos, si festo die suo, grande & præclarum opus machinarentur. Verum Ministri evangelici, qui Revaliæ de eorum consiliis sciebant, non adeo rata esse præscientes, illis uti par erat benedicentes, quod festa sua violare, & sanguine contaminare statuerint: etiam in publicis concionibus exprobrare hanc improbitatem non sunt veriti. Itaque cordati hi Milites uti diximus inopinate sub mœnibus & vallo venientes ea spe freti eos omnino *Album Lapidem* occupaturos, per insidias vallum ascendere contendunt. Verum vigiles qui excubias agunt in vallo, hostem advertentes,

superiori Georgio Czechovio indicant, mox classicum canitur, ad arma Poloni se proripiunt, cum tamen in arce, tum ultra octoginta pedites non essent, strenue se defendentes, hostes a vallo & mœnibus avertunt, interficiuntur Sveci CL. Et cum nihil se efficere posse advertunt, cum pudore discedere coguntur. Venientes autem Revaliam a suis propter infamiam in civitatem recepti non sunt. Quo tempore tamen Czechovius Præfectus arcis, sclopeto interfectus. Anselmus autem Ketlicz Rothmagister læsus in posteriora.

Aestate sequenti, circa festum S. Joannis Baptistæ, Andreas Linderfon belli præfectus Caroli, collegit Militem suum, Wefenbergum oppugnat & expugnat, dimittit pedites qui in arce erant, Rothmagistrum & ejus vicem gerentem in Sveciam relegat.

Anno 1605 ex Germania Comes quidam Jo. von Mansfelt, adjunxerat se Carolo Sudermaniæ, quem idem Carolus navigio, cum non parva Militum manu videlicet Sex Millibus Rigam misit, Mense Augusto: Ut Rigam infestaret, quo tempore Rigenfes Suburbium suum secundo exurere coacti sunt, propter metum hostium. Multis minis & terroribus deditionem civitatis extorquere conatur. Verum cum Rigenfes his parum territi, deinceps promissionibus sui Principis eos allicere studet, ut se dedant:

Sed cum Rigenſes Chodkevicio ejusque exercitui confiderent, & minas & pollicitationes hujus Comit̃s *von Mansfelt* parvi faciunt imo explodunt.

Tandem cum Chodkevicio innotuiſſet per exploratores, Andream Linderſon belli præfectum ſveticum, cum 4000 tendere Pernaviam ad Carolum Ducem Sudermaniæ, qui tum propria perſona appulerat cum 4000: Volens jam extremam fortem tentare cum Polonis, ſciens quoque exercitum Polonorum, non eſſe plus numero, trium Millium.

Itaque ipſe et Sveciæ Principem, et belli Ducem agens, collecto exercitu univerſo 15000, primo venit Rigam, fretus multitudine militum, ex experientia ſua bellica, certam ſperabat victoriam, uti quidem certiffima fuit, non Carolo Sudermano, ſed Carolo Chodkevicio (ſic enim ludit fortuna in adverſis) qui tum, vix tria Millia polonici exercitus ſecum habuit. De paucitate igitur Polonorum reſciens Carolus, alacriter quærit noſtros, Chodkevicius vero tum caſtra *Kirchholmi* fixerat, duobus ab vrbe Miliaribus. Acies igitur ſibi ex oppoſito utriusque exercitus ordinantur, Chodkevicius etſi longe ſuperaretur numero ab adverſa parte, caſtra tamen ſua movere loco non juſſit. Poloni expectant, præſtolantur Svecos, loco hærent fixi. Verum cum propius accedere cernuntur, Lechi ſugam ſimulant, ut ſveticum exercitum in apertum campum hac ſua fuga provocarent. Atque cum

Sveci acriter inſequerentur Polonos: Verum Poloni advertiſſent ſatis capacem locum eſſe conſigendi & confringendi haſtas, præter ſpem Svecorum, revertuntur & impetum faciunt in Svecos, quorum acies vndeque lanceis circumſeptæ, ut difficilis eſſet incurſus ad eos, Polonorum aliquot egregii Milites terrorem deponentes, audacter acies lanceatas non ſine vitæ periculo irrumpunt, alios ſuo exemplo provocando ad dimicandum fortiter, magno impetu fortique animo, non paucas lanceas Svecorum confrigerunt, quo patente aditu, cæteri mox ſubſequentur, impetum facientes in acies Svecorum, multitudine parum terri, ordinatas acies facile turbant, miſcent, variant ac ſine ordine confuſi pugnantes Sveci, facile a Polonis cæduntur, & pecudum inſtar maſtantur, adeo ut a XV Millibus vix tria M. & ii quidem faucii vulneribus, cæteri ſemivivi evaſerint. *

Carolus Sudermaniæ Dux videns adverſam fortunam, & ſuos cæſos, remque jam uti ajunt ad triarios redactam, depoſita audacia vix fuga

* Hujus conſictus & victoriæ tam celebris omen, quidam ex Chodkevicii Ducis addiſtis, traxit ab ipſo nomine, Joannes Carolus Chodkevicius Dux, faciens anagramma: I vinces o Carole hodie ad VXM, hoc diſticho:

Carole per paucis hodie Dux, I pede fauſte!

Vinces quinque decem Chodkevicz millia Svecos.

evasisit, ut tertio insidendo equo ad naues perveniret. Perierunt tum in hoc conflictu egregii duo heroes, ex parte Caroli Dux luneburgens. & Andr. Linderfon belli præfectus Caroli : quos non solum Carolus Sudermanus, verum etiam Chodkeuicius ipse interiisse plurimum doluit.

Nec illud prætereundum, quod ipso tempore & hora conflictus, Dux Curlandiæ Guilielmus cum trecentis equitibus Germanis per vada Dunæ periculosissima Polonis in auxilium venerat, magni fortisque profecto animi indicia præbens, quippe qui nec fluminis aquarumve periculis nec multitudine hostium absterri potuit, quin prælio interesset, juvaretque Polonos, quo facto plane heroico fidem præstitam Polonis, satis probatam esse voluit. Qua strage Suecorum Carolus Dux Sudermaniæ ascensis navibus trepidus in Sueciam properat. Chodkeuicius vero parta tam celebri victoria, Deo cuius auxilio fretus, hostes superarat, ad soluendas gratias Rigam se confert. Media vero pars exercitus polonici, eo quod per hyemem minus esset necessaria dimittitur: altera pars propter præsidia, moratur in Livonia per hyemem & æstatem.

Anno 1606 in æstate Demetrius Magnus Dux Moschoviæ, quem Joannis Basilidis Tyranni, magni Moschoviæ Ducis filium fuisse ferunt, a

suis

suis interficitur: qui brevi tempore ope & auxilio Polonorum universas Moschoviæ ditiones & ipsam Metropolim sibi subegerat.

In margine. Omen. Autumno vero sequenti, quod mirum dictu, vrsi quam plurimi ex Moschovia in Livoniæ lustris & eremis venientes, certant tum vrsis qui in Livonia n... (forsan non infrequentes) ita ut vtrinque plurimi ceciderunt.

Anno eodem, eademque æstate, Svecus de novo exercitum colligens, cui præfecerat Comitem von Mansfelt, invadit Livoniam, verum cum militi nostro, a multo tempore solutio esset retenta: & quia in Polonia quoque discordiæ suboriebantur novæ, ita ut multi Magnates rebellionem molirentur, & obedientiam Regi Sigismundo III præstandam prohiberent. Idcirco pecuniæ, quæ tum in thesauro erant, ad intestinos tumultus sedandos reservabantur, ut Militi Livoniæ solvi non posset, quapropter confederatione inita, exercitus polonicus ex Livonia discedit in Lithuaniam, ubi usque ad solutionem, regia sibi bona usurpat, ex quorum proventibus, se suamque familiam sustentant Milites. Verum cum solutio diutius differeretur militi, per biennium ferme, idcirco in Lithuania quiescit. De hac vero rebellionem quæ per annos tres consopiri non poterat, in Regno Poloniæ, quia nostri non est instituti cum saltem Livoniæ res recensere statuimus, plura scribere hoc loco opus haud esse censeo.

N

Hac itaque occasione Mansfeldius in Livoniâ, dum non est qui resistat, minime otatur, cum suis, arces Livoniæ aliquot occupat, ut pote Wolmariam, Trikatem, Burtnik, Ermis, Helmet, expugnat quoque Wendam & deserit. Verum non diu iis potiuntur. Nam Wolmaria a Chodkevicio circa festum S. Martini recuperatur, ubi relictæ erant trecenti equites Germani a Mansfeldio, ut se ibidem tuerentur, qui se dedere coguntur, cum nocte civitatem nostram occupassent, quamvis illi in arce se defendebant. Verum quam impar sit pugnandi ratio, Polonorum & Svecorum: Nam cum Mansfeldius Wolmariam expugnaret, aliquot Millia secum habuit, in arce saltem erant XV, qui se tuerentur. Facilis expugnandi ratio. Verum Chodkevicius recuperare volens Wolmariam, trecentos equites reperit, ipse saltem Mille colligens Polonos, reliquias ex variis arcibus, germanos equites ad deditionem cogit. Ex cæteris vero arcibus ipsi ultro discedere coguntur,

Anno 1607 Mense Junio, nostri qui Derpati fuerunt, collectis aliquot vexillis equitum perditumque, excursionem facere volentes in districtum revaliens, ut prædam aliquam nancisci possent: quorum Superior erat Zborowsky junior. De qua excursionem, cum exploratum haberet Mansfeldius, mittit octingentos eis obviam, ut in sylvis insidias struerent Polonis. Nostri ne-

ficientes fraudem Svecorum, securi depositis sclopetis absque ordine procedunt, qui incauti incidunt in Svecos facile caduntur, ut pauci admodum evaserint. Zborowius capitur, & in Sveciam relegatur: Vbi dura nimis premitur captivitate. Capto igitur Zborowio ab illo explorata habebant, quæ in Albo Lapide & alibi in arcibus fierent. Statim hi 800 equites Felinum pergunt, ut expugnarent arcem: Verum cum parum nocere possent arci, oppidum exurunt. Vbi tamen tum temporis ex arce in plateis interficitur Rothmagister equitum, alique haud pauci. His itaque Felini peractis, equites germani Revaliam revertuntur. Comes vero von Mansfelt, Dux belli Svecorum, colligit 5000 sui exercitus, insperate invadit, Album Lapidem occupat & expugnat, interficit omnes, etiam Superiores arcis, duos Rothmagistros Gacewsky & Młodzanowsky, Viri uterque fortis & heroi animi, qui potius mortem quam deditionem facere elegerunt. Tormenta bellica grandiora, a Joanne Sampoiscio ibidem relictæ Revaliam abducuntur, quorum præcipua fuerunt: Virgo crudelis, Lupus, Falco, Serpentes duo &c. Sveci autem obtenta arce sperantes se thesaurum inventuros in fornicibus ulterioribus, ubi pulveres tormentarii depositi servabantur, ignem secum ferentes, incauti pulveres accendunt, magnam mœniorum partem disjiciunt, pereuntque simul vno momento Mille ducenti.

Hoc igitur stratagema cum pro votis cessisset Mansfeldio, & Album Lapidem non sine magna nominis fama expugnasset, eodem cum exercitu, aliquid majus molitur, pergit Derpatum, obsidet, sperat se eadem facilitate civitatem obtinere posse, uti Album Lapidem, sed fortuna illi jam non favens, postquam quatuor septimanas vel quinque obsedisset & magnam moeniorum partem effregisset jaculando, bis suos animat, ut incursum faciant ad civitatem, sed utraque vice repulsam passi nihil effecerunt, præter id quod in illa invasione perierint ex svecico exercitu ultra 600. His machinationibus nihil nocens iis qui in civitate erant, alias technas struere Derpatensibus molitur, cuniculos fodere jubet, sub moenibus & turri ubi suppositis pulveribus murum disjiceret, & sic arcem irrumpere posset: quod ipsum nostri in arce advertentes, obviam fodunt. Sic terra obruti Sveci ad 200, cum quibus etiam periiit quidam ex nostris Militibus germanis nomine Ridder, is enim omnium primo hunc dolum a Svecis excogitatum advertit. Quod opus callidum cum illi quoque non cessisset pro velle suo: cum pudore obsidionem solvere, & discedere nocte cogitur: Verum non longe a civitate castra movit, vno Milliarum. Nostri emptionem facientes, ex arce & civitate, clam castra invadunt Svecorum in aurora, occiduntur ultra Mille Sveci a nostris, reliqui fugam maturant.

Inde discedens Mansfeldius cum exercitu reliquo, pergit Wolmariam: Verum nec ibi quid efficit. Nam Woldimaricus Farensbach junior cum suis se strenue defendit. Deinde mittit exercitum versus Kiriempe, & occupat arces Livoniæ minutiores, depopulatur Livoniam tempore hyemis: tum temporis a nostris in Livonia nihil præstitum, quia Miles omnis erat in Lithuania, præter præsidia in paucis arcibus. His præstitis Comes von Mansfelt Revaliam revertitur cum suis, deserens arces a se spoliatas.

Anno 1608 Mense Augusto, Comes von Mansfelt, iterum novo cum exercitu cum octo Millibus appulit ad ostia Dunæ, obsidet arcem Dunamundam, ubi per septimanas duas vel tres commorando, per tractata & pacta obtinet munitionem, omnium aliarum Livoniæ arcium ferme munitissimam, a Superiore arcis N. Bialozor, qui nullam sentiens hostium vim ultro arcem Mansfeldio cessit: & uti quidam referunt, pro non parva pecuniæ summa vendidit. Dunamunda occupata Mansfeldius propugnaculum extruit in ripa ad ostia Dunæ e regione arcis Dunamundum, ut prohiberet navigia Rigenfibus, & ad deditionem facilius cogeret. Interim Carolus Chodkevicius, cum jam in Polonia sedati essent tumultus intestini, cum exercitu venit in Livoniam. Sperans Mansfeldium solito more prælium commissurum. Verum Carolino cautior factus periculo, (nam

Mansfeldius in conflictu sub Kirchholm præfens non aderat, quia ægitudine se excusabat) animum inducere non potuit, ut configat cum Polonis sub Dunamunda, quamvis longe copiosorem habebat exercitum, quam Chodkevicius. Et cum sæpius fuisset a Chodkevicio sollicitatus Mansfeldius, ut manus confereret, & prælium committeret: pro responso dedit, se a suo Principe Carolo id non habere in mandatis. Quapropter Mansfeldius suis castra metari jubet sub mœnibus Dunamundæ, ut tutiores essent ab incurſibus Polonorum, quia tormentis ex arce facile defendi poterant, præterea castra sua Sveci fossa cinxerant. Chodkevicius videns Svecos, ab arce in campos prodire nolle, non longe inde sub Nova Mola sua castra fixerat. Crebriores igitur excursiones a nostris fiebant, cum saltem intelligerent Svecos vel paululum ab arce recessisse. Ipse Mansfeldius non fidens castris propter metum Polonorum, intra mœnia se continere tutius esse censet, & intra X hebdomadarum spatium, Dunamundam novo vallo cinxit; adeo fervebat opus ut 300 operarii nimio labore confecti interierint.

Tandem non multo post, cum Sveci scirent, Polonos sæpius ex castris quæ duobus Milliaribus a civitate distabant, Rigam securos ire, ipsi clam in via insidias struere cœperunt Polonis, ut incautos caperent: quod cum a nostris animadver-

sum, mox Chodkevicius, centum vel plures ex suis castris, ut insidiatores Svecos deprehenderent, qui quam primum nostros intuiti, mox ad castra fugiunt: Poloni eos inſequentes ad castra vsque Sveci turmatim ex castris suis erumpunt, conferunt cum paucis, qua in altercatione, ex utraque parte non pauci vulnerati, nonnulli etiam capti, aliquot interfecti: Ex Svecis vero tum temporis centum octoginta ceciderunt, cum illis qui aquis suffocati.

Verum nec illud silentio involvendum, quod postquam Mansfeldius facili negotio Dunamundam occupasset, misit aliquot Millia, ut Kokenhausium expugnarent, ubi tum nulla præsidia præter paucos equites germanos servabantur, quorum Rothmagister fuit Gæcz. Qui videntes in arce se ad sustinendam vim hostium impares esse, aliquandiu se tuentur tandem per tractata se dedunt. Dimittuntur Germani liberi, solus Rothmagister Gæcz detentus aliquandiu, deinceps per equites gallos, qui Carolo jurarunt, Dunamundam ad Mansfeldium captivus *deducitur*. Hic Gæcz gnarus lingvæ gallicæ, in itinere perſuadet Gallis ut deficiant a Carolo tanquam Principe non legitimam causam belli habente, quod cum Polonis cieret: præterea Polonos esse Catholicos, Carolini Hæretici. Insuper Carolum in solvendo Militi suo, parum unquam promissis stetit. His srasibus inducti equites galli, quorum

erat numerus centum & triginta, cum suo captivo ad Chodkevicium confugiunt, qui illis solutionem certam promittens, libenter est amplexatus: qui etiam magno usui fuerunt Chodkevicio ut inferius dicetur, & fidem datam Polonis, multis argumentis contestatam esse voluerunt. Riga itaque in medio hostium sita, qui utrinque navigia Rigenfibus prohibebant, Kokenhausio & Dunamundæ, unde non parva incommoda oriebantur Rigenfibus. Dux belli Chodkevicius operam adhibet ut illos, qui Kokenhausii erant, Svecos inde expugnaret. Quapropter missis aliquot Rothis peditum equitumque, quorum Superior erat Jo. Czudowsky Vir fortis & militaris disciplinæ gnarus, ut iterum Svecos obsiderent in arce, qui donec impetum nostrorum non sentirent, se tuerentur. Verum postquam tormenta grandiora adduci sensissent Sveci, & bis terve jaculatum fuisset ad turrim arcis in qua porta iam antea a Carolo Sudermanio debilitata, abjiciunt animum, & ad deditionem arcis, cum se tueri non possent, inclinantur. Sic nostri recuperata arce, Svecos dimittunt ad suos.

Occupato a nostris Kokenhausio, Mansfeldius meditatur quid gravius moliri Rigenfibus. Non enim satis videbatur illi propugnaculum ad ostia Dunæ extruxisse, ut navibus transitum prohiberet. Verum ut totus esset aditus interclusus navibus, quæ mercaturas exercebant, jussit naus XIV suas,

tormentis & munitionibus navalibus bene instructas ordine collocare in ipsis ostiis fluminis. Quod sane ægre ferentes Rigenfes, Mansfeldio pro invidia astu solvere statuerunt. Instinctu igitur atque consilio Ducis Chodkevicii excogitato stratagemate sat artificioso & callido, curant Rigenfes naviculas, scaphas quas vulgo strugy vocant, tres adornare, has canabe oneratas & illinitas pice, permixta pulveribus tormentariis & sulphure, mittunt sub naves svecicas. Aptissima sane fomes ad concipiendam flammam, & excitandum incendium. Conducto ad hoc negotium Viro perito ex civitate, qui opus hoc ad effectum perduceret. Hic igitur Magister & Instructor artificii secundo ventu, furtim se subducit sub naves Caroli, accensa cannabe, unde ventus flammam in naves carolinas impelleret, ipse exiliens cum suis enatat. Naves vero svecicæ tres a flamma superatæ, cum omnibus qui in illis erant combustæ. Perierunt hoc incendio ultra 400 Sveci. Quarta vero navis, non post multos dies annonam vehendo iis qui in propugnaculo degebant, etiam cum comiteatu & tormentis a Rigenfibus capta & Rigam abducta. Quo territus stratagemate Mansfeldius, timendo ne quid gravius sequeretur, ascensis navibus pergit Revalam, relictis castris sub Dunamunda. Illi vero qui degebant in castris, intelligentes suum belli Ducem fugisse: clam ne a Polonis in via infe-

querentur, Pernaviam fugiunt. Præsidia vero quæ Mansfeldius in propugnaculo reliquit, sentientes, & Ducem belli suum fugisse, & exercitum cum Duce, non diu post propugnaculum ultro deserunt, fugiuntque. Et sic relictis saltem sexcentis Dunamundæ, Mansfeldius ipse cum toto exercitu revertitur ad suum principem, quæ gratulatione & lætitia exceptus, facile conjicitur. Exercitus vero noster, cum obmunitionem loci, & imminentem brumam arci nihil nocere possent, eo quod penuria erat peditum, per arces Livoniæ distribuitur. Hæc contigerunt Mense Novemb. anni 1608.

Anno 1609 in capite jejunii, Carolus Chodkevicus, habens collectum Militem suum, cum intellexisset septingentos Svecos missos esse cum suo Capiteano Dunamundam, ut iis qui in arce erant comineatum & victualia adveherent, & recentiori Milite arcem munirent. Ipse simulans se hostes in via intercipere velle, studio eos libere prætermisit: interim aliud quid molitur, pergit cum suis Pernaviam & cum illi prætereundum esset Salis, ubi Sveci propugnaculum extruxerant suum, ab iisdem advertitur, qui confestim tres nuncios Pernaviam per diversas vias ad suos qui Pernaviæ erant expediverunt, ut illos de Polonorum exercitu certiores facerent. Quorum duo a nostris intercepti, tertius tamen evasit & eadem ferme hora Pernaviam venit, qua nostri adventabant,

sed nocte: nesciens tamen de numero nostrorum, & qua mente eo venerant. Illi qui in civitate & arce erant, de nostris notitiam habentes existimantes eos venisse ut prædam aliquam secum abportarent, aliquot tormenta explodere jubent, ut symbolum darent subditis, hostem in confinibus esse, & ut ad sylvas confugerent: Nescii quid nostri machinantur sub mœnibus. Itaque cum in prima vigilia noctis nostri cum Duce suo sub mœnibus venissent & omnes ferme parati, armata manu civitatem adoriri & vallum ascendere, antequam jaculatum fuisset ex tormentis in arce, verum auditis tormentis nostri existimantes jam Svecis constare, eos sub mœnibus esse, perterriti recedunt ad sylvas, ibi per diem noctemque latitantes, altera nocte, inceptum opus moluntur. Sveci t̄ putantes nostros jam recessisse inde securi, bene quiescunt. Itaque iterum sub civitatem Chodkevicus cum suis nocte veniens, primo machinas tres, quas Petardas vocant pro effringendis portis, secum habens, clam deferre jubet ad portas civitatis a Gallis qui eas instruxerant: Nostri eos paulatim subsequuntur absque ullo strepitu, donec a vigilibus jam sub ipso vallo advertuntur, qui intimantes iis qui in arce & civitate erant hostes sub mœnibus, trepidi arma rapiunt, jaculatur ex tormentis, nemo vero læditur ex nostris. Interim nostri adornant &

† Celebrabant sua bachanalia & læti tripudia saltant,

applicant Petardas primo cancellis & portis civitatis, accensis effringuntur & ejiciuntur portæ. Nostri statim in civitatem irrumpunt, pugnatur acriter, ex utraque parte cæduntur Sveci & Poloni promiscue, plures tamen ex adversa parte læduntur & vulnerantur non pauci ex nostris, etiam ipse Instructor & Magister Petardarum. In hac pugna, alii ascendentes per vallum præeunte Vexillifero Jacobo Madalausky qui tum etiam sclopeto læsus in vallo, mox & arcem occupant. Nostri invalescunt numero & viribus, arcem quoque invadunt, obvios quosque cædunt, cæteri videntes nostrorum impetum, palatium occupant inde se defendunt, donec crastina luce se victos esse & deceptos, dedere & misericordiam petere coguntur. Sic igitur verum illud vulgare: ars deluditur arte. Vbi enim Mansfeldius insperate Album Lapidem Polonis, sic Chodkevicius Pernaviam Svecis, eripuit, relicto ibidem Capiteo Madalausky,

In vere hujus anni 1609, ne Mansfeldius iis qui Dunamundæ morabantur, suppetias ferre posset, duo adhuc propugnacula, alterum a Rigenfibz alterum a Chodkevicio extruuntur, ita ut difficilis adeo esset ad arcem aditus. In Junio igitur triginta naves & sex mittuntur a Carolo Sudermanio in auxilium, quæ Dunamundæ detinebantur, sed propter propugnacula, quæ accessum navibus prohibebant, remotius a littore

anchora sua figere coacti sunt. Sed ut tamen Sveci suos animarent in arce, ne se dedant, vrinatorem aliquem & natandi peritum cum literis expediunt, nomine Appellmann, & in mare demittunt, qui medio milliari natando ad littus fortim ad arcem in arenis ut serpens rept, ut eo tutius ad suos perveniret & literas deferret: Verum nec hic astus quicquam profuit Svecis, nam a nostris advertitur, capitur una cum literis. 4. Julii.

Rigenfes autem hosti quoque suum ostendentes studium, triremes suas, vulgo Galleros tres & Milite & tormentis bene munitos mittunt, ut certent cum navibus triginta sex Carolinis, qui cum propius aecedunt, utrinque jaculatur ex tormentis, Rigenfes crebrioribus ictibus navim primariam ita obruunt, ut submergeretur cum omnibus. Alteram vero navim quoque adoriuntur, malum & carbasa abrumpunt adeo ut vix effugerit. Cæteræ videntes hîc locum longioris moræ non esse, vela dant ventis, & revertuntur quæ venerant.

Dum hæc aguntur in Livonia, Rex Sigismundus III cum magno comitatu Vilnam venit, magno cum applausu excipitur Vilnensium: quo audito etiam Dux belli Chodkevicius ad regiam Majestatem Vilnam venit, petit ut illi augeatur exercitus, relicto in loco suo Thoma Dabrowa,

qui cum octingentis saltem equitibus & paucis pedibus, Dunamundum obsidet.

(4 Junii Caspar Matz Rothmagister svecicus cum 700 venit prædatum sub Pernaviam, sed is nisi cum pudore discedit.)

Expeditis negotiis apud S. Majestatem regiam, Dux belli Vilnâ rediens in Livoniam, aucto jam Milite, acrius premit eos, qui Dunamundæ obsides erant. Mansfeldius vero cum suis Dunamundæ suppetias ferre haud posset, aliud molitur opus, Pernaviam obsidet [18 Jul.] cum noyem Millibus. Vt hac ratione Ducem belli Chodkeviciam ab obsidione dunamundensi avocaret, ferretque suppetias Pernaviensibus, quo pacto sperabat Mansfeldius suis interim auxilium ferre posse, qui Dunamundæ pressi obsidione. Obsides vero poloni Pernaviæ, fidentes Duci suo, strenue se tuentur: etsi multis machinationibus Mansfeldius deditiōem ab illis extorquerē conabatur. Nam & propugnacula extruxerat præstidiis & tormentis bene muniens, ut tanto vehementius Polonos terreret, quorum propugnaculum maxime nocivum fuit nostris, quod in antiqua

* In festo Pentecostes juxta stylum veterem, Jac. Madalasky, expedit 220 sub Lode, qui insperate incidentes in Germanos, vix arcem eorum occupassent, adeo ut nostri jam aliquot, pontem qui per noctem subducitur, apprehenderent, exurunt oppidum, armenta ad 400 abigunt, 50 equos Germanorum abducunt, interficiunt nobiles.

Pernavia situm erat, ex hoc enim lædebantur nostri, quippe ex quo aquam haurire ex flumine obsidibus prohibebatur.

Mense vero Augusto, cum iam aliquot septimanis Pernavia obsidione pressa, Dux belli Chodkevicius quomodo suis ferat suppetias sollicitus, relicta parte exercitus sub Dunamundam cum tribus millibus tendit Pernaviam, 22 Augusti castra movit. Ultima Augusti quatuor milliaribus Pernavia vespertino crepusculo, cum Mansfeldio de adventu Ducis nostri innotuisset, timens ne hæc obsidio illius causam daret conflictus cum Polonis. Stratagemate excogitato, ut quod viribus difficile erat, arte & astu præstaret. Eligens ideo ad tria millia ex suis animosiores & ad pugnam validiores, quibus mero propinato, animum majorem addit, ut castra Polonorum audacter invaderent, & incautos trucidarent. Temulenti itaque ut dictum est superius Mansfeldii miles, irruptionem maturat in castra Chodkevicii. Verum primo in excubias nostras impingentes, Duci de præsentia hostium referentes, vix illos præcedunt ad castra, subsequuntur e vestigio hostes, castra invadunt insperate. Verum parvo cum fructu. Nam Dux & milites velociore ad arma se proripientes, pedites quoque sclopetis fortiter hostem reprimentes, ex castris exturbant, qui vero ulterius in castra irrepserant, a lixis & calombus cæduntur: fugientes vero nostri insequuntur

cadunt, circiter trecentos, ereptis quatuor vexillis, cæteri maturantes fugam, trepidi arma & equos deferunt: quærentes in sylvis latebras: perit in hac fuga Capitaneus Lodenfis.

Mansfeldius hac suorum strage perculsus: vim Polonorum pertimescens, advertendo quovæ se suo dolo deceptum, viam ad se, Polonis intercludere statuit. Jubet igitur propere sylvas succidere & viam qua nostris eundum, arboribus & trabibus varie stratis impedire: quod ipsum per exploratores Dux advertens, qui tum saltem quatuor Pernavia distabat miliaribus confidium inquit, cum suis, propositum nequaquam esse immutandum imo consulendum, quomodo ad effectum res deducatur. Conclufum erat igitur aliâ viâ, siquidem illa ab hostibus interclusa, sub Pernaviâ eundum. Itaque per sylvas & invia viginti miliaria & aliquot insuper circumire coguntur, versus Felinum, inde vero Habfelenfem viam qua Revaliam itur Pernavia arripiunt, non sine magno militum incommodo quippe qui et itineris difficultate, cum per densissimas sylvas longius eundum, & fame inediaque exhausti cum acinis & aqua saltem plurimi se sustentare debebant: tandem sexta Septembri Chodkevicius Dux, cum exercitu suo antiquam venit Pernaviâ. Qui illa die duntaxat militem fessum quiescere permittit, sequenti vero statim

statim cum tredecim vexillis peditum propugnaculum in antiqua Pernavia ab hostibus extructum, cuius superius mentionem feci, iis qui in arce & civitate obsides erant maxime nocivum, obsidere jubet, qui deditionem differentes, a nostris oppugnantur & expugnantur. Vi igitur obtento propugnaculo, quicumque in illo se tuebantur omnes interficiuntur, qui erant numero trecenti: e nostris cæsi septem, inter quos præcipuus erat Rothamagister Joan. Przeczyszewsky, qui præeundo suis strenue, occiditur; plures viginti faucii. In propugnaculo accepta tormenta quinque grandiora ex iis duo; vexillum vnum.

Expugnato & occupato a nostris propugnaculo jubet dux Chodkevicius pontem extruere per fluvium Luba, qui tranandus erat a Polonis, si cum Mansfeldio confligendum esset: Mansfeldius præsentiscens pontem hunc sibi exitium fore, si diutius commorandum esset, desertis propugnaculis, Pernaviâ fluvium trajecit, quo trajecto, cum Dux noster advertisset Mansfeldium discessum meditari, jubet nonnullos ex suis hostem provocare & irritare ad pugnam, qui in illa velitatione sane perpauci erant. Galli equites Mansfeldi, nostrorum paucitatem advertentes, alacriores facti multitudini confidentes nostros adoriuntur: qui illis non resistentes lento gradu impetum eorum suffereutes ad pontem vsque deducunt. Cæteri qui in auxilium velitantibus missi

a duce properantes per pontem, qui cum debiliior erat, & onus tantum sufferre esset impotens, rumpitur & subsidit, sic ii qui ab altera parte a nostris destituti ab hostibus interempti fuissent, nisi peditēs nostri crebrioribus ictibus sclopetorum Gallos avertissent, submersus tamen ex nostris vnus, interficiuntur ex parte adversa, ultra 50. Equites quoque nostri vado reperto fluvium trajectiunt, & hostem in fugam convertunt.

Nocte ergo sequenti Mansfeldius sibi tempus ulterius commorandi sub Pernavia non restare advertens, cum nostri vadum reperissent quo accessus patebat ad suos, clam civitatem obsidione solvit, & ulterius se proripit 9 die Novembris per duo milliaria per loca invia & paludosa sylvas succidere curat, viam exercitui suo novam sternens, nostra castra circumire statuit, & ne illi a nostris (si fugiendum esset) via interclusa esset, Revaliam properare se simulat: exercitum per aliquot milliaria circumducendo ex parte Revaliæ castra sua in loco figit munitissimo; milliari saltem a nostris castris.

Chodkevicius autem cupidus prælii, mittit aliquot viros generosos animo, ex suis, qui sub ipsa castra Mansfeldii se conferrent, loci opportunitatem lustrent, qui impingentes in excubias Mansfeldii, Vigiles profugos faciunt, octo equitibus ereptis, duobus interfectis hostibus & vno capto. Relatione facta Duci, de loci commo-

ditate, quem hostis occupaverat, & quod propter fluvium difficilis pateret ad illos aditus, advertens Mansfeldium abjecisse animum, ut confligat, Dux noster cum exercitu sub Pernavia moratur septimanis duabus. Interim annona & victualia advehuntur Pernaviam. Mora hac facta a nostris, interim appulit frater Mansfeldii, qui pro conscribendo milite missus erat in Germaniam cum mille trecentis, is laudis cupidus suadet fratri, ut cum Polonis committat prælium. Verum a Livoniæ Nobilibus, qui tum quoque militabant cum Mansfeldio dissuadetur. Deliberans iccirco Mansfeldius quid factururus, siquidem sub Pernavia nihil effecisset, statuit inito consilio, suis qui Dunamundæ erant in obsidione suppetias ferre: quo intellecto Chodkevicius præveniens Mansfeldium, aliquot diebus ante: castra sua movit 22. Septemb., venit sub Dunamundam 28. Septemb. Subsequitur Mansfeldius cum suo exercitu Chodkevicium 24. Septembris, venit in auxilium suis Dunamundam 6. Octobris.

Octiduo igitur Dux belli Chodkevicius cum exercitu suo quiescit antequam de Mansfeldii adventu quicquam audiebatur. De hostium igitur adventu cum per exploratores Duci innotuisset, quibus Dux parvam adhibens fidem, velites vulgo Cosacos explorandi gratia mittit, qui reversi captivos ducunt, qui rei dubiæ fidem faciunt. Confestim Dux classicum canere iubet, ad arma

se proripiunt Poloni: mox alii exploratores afferunt; hostem non nisi duobus milliariis a castris distare. Nostri aciebus instructis hosti obviam procedentes eo die nihil efficiunt, quoniam Mansfeldius nihil adhuc attentare ausus. Postera die & Mansfeldius & Chodkevicius uterque cum parato exercitu in aprium campum egrediuntur. Mansfeldius vero cui major erat cura arcis, quam conflictus, nam libenter abstinuisset a conflictu, nisi vrsisset necessitas: plus technis suis & astu fidens quam viribus, callido invento ut ducem nostrum illuderet, usus. Dividens iccirco exercitum suum Mansfeldius in duas partes, alteram mittit ut castra Polonorum invaderent, existimando Ducem nostrum, ad defendenda castra properare, interim autem dum circa castra occuparetur Dux, eum posse arcem cum suis irrumperere, sibi persuadebat. Verum Dux Chodkevicius ad omnes conatus hostis intentus, dolum & astum ejus intelligens continuit exercitum suum sub monte, qui Pontificius dicitur, [eo quod olim in eodem monte Episcopus rigensis, qui antequam Ensisferi in Livoniam missi, ducem belli egit, cum Lothavis confligendo, ibi cum suis occubuit, nomen hujus Episcopi, qui ordine secundus immediate Meinardum subsecutus erat Bertholdus Abbas Lucanus ordinis cisterciensium:] Hujus conflictus mentionem fecimus principio libelli, igitur hoc loco satis. Sub hoc inquam

monte, Dux Chodkevicius hostem praestolatur, qui cum cernit hostem partem exercitus sui misisse versus castra Polonorum: subito mittit aliquot Rothas equitum germanorum, qui hostem a castris avertant. Videlicet Gaspari Thisenhaußii, Gualteri Plettenbergii, Equites Piltinenfes, qui cum impetum hostium sufferre impotentiores essent: Nam Mansfeldius omnium selectissimos, videlicet septingentos Equites cataphractos eo miserat, in quos spem omnem collocarat, mittuntur in auxilium nostris aliae Rothae, utputa, duorum Germanorum Joannis & Waldimari fratrum Farensbeciorum Equites Curlandiae Ducis: Verum cum ne hi sufficerent, nam hostium exercitus erat tum ad mille septingentos, [cum reliquo namque Mansfeldius adhuc se continebat, nam si fugam maturare coactus fuisset, ut haberet, qui eum tuerentur. Si vero victor euaderet, Polonos superstites ad internecionem deleret] mittuntur Rothae Hussarorum octo. Theodori Dabrowa, Thomae Lacky, Alexandri Holowczynsky, Nicolai Hlebowicz, Joannis Kyszczæ, Andreæ Wolowicz, qui maxima cum difficultate paludem, quae exercitum Mansfeldii a nostris dividebat, superando perrumpentes acriter cum cataphractis equitibus congressi, qui adeo conglobati praeterea ferro ipsi & equi eorum undique tecti, ter repulsam ab hostibus patiuntur: donec tandem arrepto animo hostes quarto aggrediuntur,

& mars cederet æquitati nostræ palmam, ex acerrimo conflictu non sine clade nostrorum, laude vero suorum perenni reportarent, adeo ut ex cataphractis equitibus nullus evaserit, quin ad interuersionem deleti, omnes ea in planicie ubi confligebant, occubuerint. Quibus deletis Mansfeldius cernens suis machinis parum profecisse, uti etiam sub Pernavia cum reliquo exercitu Revahiam tristis revertitur. Quem nostri insecuti ad Gaviam usque plurimos ex hostibus in fuga trucidant. Perierunt in hoc conflictu præter illos septingentos cataphractos, trecenti adhuc equites Germani, ducenti capti, signa militaria duodecim, cum tormentis omnibus hosti erepta sunt. E nostris triginta circiter perierunt, si tamen perire dicuntur, qui tam fortiter dimicando pro patria occubuerunt, septuaginta ferme vulneribus faucii. Interfuit huic prælio Baro quidam a Schwarzstat, qui studio in Livoniam * venerat, quia multa de crebrioribus præliis Polonorum & Suecorum in Germania inaudierat, & de victoriis tam illustribus Polonorum admiratus, qui parva manu Ducem Sudermaniæ cum suis in fugam agerent, ut saltem modum configendi Polonorum cum Germanis & exteris contemplaretur:

* In Marg. Croates Jo. Georgius a Schwarzstatt Liber Baro, qui a Comite Mauritio ex Belgia missus ad Carolum Chodkevitz.

ejusque rei aliquando in suis partibus uti oculatus testis, relationem suis facere posset.

Nec illud silentio prætermittendum, quod apud interfectos reperta sit moneta nova quædam Mansfeldii studio cusa, cujus inscriptio germanica phrasi sic sonabat, *oder itzt oder nimmer*: latine sic sonat: *aut nunc aut nunquam*, subauditur vincendum. Certissimum omen, Mansfeldium, si victoriam hac vice non reportaret, uti eventus ipse probavit, animum abjecisse, se abhinc non velle agere belli ducem adversus Polonos, & Ducem Carolum Chodkevicium. Conflictus hic habitus est octava Octobris.

Postridie qui in obsidione erant Dunamundæ, suorum stragem intelligentes, eo quod Mansfeldius suppetias differebat, cum Dux Chodkevicius per tibicinem illis innotescere fecit de cade suorum fratrum, exhibentes illis pro certo signo vexilla Germanorum duodecim, consernati, quamvis nec dum fidem dantes nostris, rogant, ut concedatur interfectorum cadavera contemplari, quibus visis, relatione facta qui in arce erant, superiores ad deditionem faciendam animum inclinant, certis tamen initis conditionibus. Itaque a Duce Chodkevicio quatuor mittuntur ad præfectum arcis Sternschilt, qui pacta feriant, & Ducis nomine indicat condiciones. Vtpote Joan. Albertus vilnensis Palat. Georgius prædictus Baro a Schwarzstatt, Bartho-

lomæus Wazinsky & Gaspar Thisenhausen Rotmagister. Rebus itaque stabilitis, Dunamundenses misericordiam a Duce poscentes nostro, die nona Octobris arcem Dunamundam vallo novo & fossis duabus circumseptam iterum dedere coguntur: non tamen ea facilitate, qua Mansfeldius obtinuerat: multa namque sanguinis effusione a nostris recuperata est, quam pretio & pecuniis Mansfeldius emerat.

Exercitus vero polonicus cum anno illo 1609 multa præclara in Livonia præstitisset, nam & Pernaviam recuperaverat Dux, & conflictum hunc sub Dunamundam felicibus auspiciis mascule peregerat: solutio tum illis militibus per annum & dimidium detenta fuit, eo quia rex militem conscribere iusserat in Moschoviam, in quem contributiones & pecuniæ collectæ conferendæ erant, multis perpeffis ærumnis & superatis laboribus undecima Octobris in Lithuaniam ad hyberna se confert, ibique moratur ad solutionem vsque: relictis tamen Pernaviæ & aliis in arcibus præfidiis sufficientibus & annona.

Mansfeldius autem exercitum suum per Revaliæ ditiones pro hybernis distribuit: cui pari modo solutio detenta a Carolo Sudermaniæ Duce, nobilibus atque subditis molestus fuit: adeo ut Galli equites aliique exteri spoliantes incolas loci illius etiam stupra multa perpetrarunt. Quod indigne ferentes nobiles revalienfes iccirco con-

spirant cum civibus & svecis militibus quorum superior erat Gaspar Matthis, primo ad Mansfeldium mittunt, ut eos tanquam Dux eorum coerceat: Verum hi parum territi minis Mansfeldii, adhuc pejus quam ante sæviunt. Itaque collectis copiis, Gaspar Matthis, cum Gallis & equitibus germanis exteris confligunt, cadunt utrinque pluri, sic Dei iudicio, qui manus effugerant Polonorum suis mucronibus interimuntur. Mansfeldius vero in Sveciam accersitur a Carolo ut habiti conflictus cum Polonis seriem & rationem referat.

In Marg. Notatu dignum quod hoc autumno, nobilis quædam femina, Butleri uxor in Curlandia ob nimium in vestibus fastum a Dæmone interficitur & opprimitur. Erat autem hæc mulier, Jo. Treideni filia.

Milites exteri qui superstites remanserant, tam Galli quam Germani, videntes se a Carolo deceptos, accito sibi duce Ponto della Gardo, in Moschoviam pergunt, quid vero præstituri, experientur.

Circa Natalitia Christi, Gaspar Matthis, suis qui in propugnaculo Salis relictæ, victualia mittere statuens, viginti & aliquot curribus oneratis, expedit cum commeatu versus Salis, adhibendo pedites sexaginta, de quibus Swizinsky certior factus, qui tum capitaneum egit Pernaviæ, mittit ex suis totidem, ut hostibus viam intercludant & commeatum eripiant, quod nostris cessit

feliciter. Nam et cæsis Svecis et ablatis curribus cum spoliis revertuntur Pernaviam.

Anno 1610 celebrantur comitia Regni, in quibus sub finem comitiorum in secretis Rex cum proceribus regni consulit: Vtrum nostris veniendum in auxilium, qui in Moschovia per annos aliquot post mortem Demetrii militabant. Et Moschovia ipsa principe suo destituta legitimo, subigenda, regnoque polono associanda. Nec hoc discordiarum tempore quo Moschovia bellis æstuet, ad Turcam vel ad alium Monarcham potentiorum devolveretur: a quo deinceps Polonis periculum immineret, præsertim cum Moschoviae fines latissimi & Ducatus hic amplissimus, ducis sit opus, gens vero ipsa barbara crudelis populosa.

Vbi igitur conclusum fuisset, in hoc ancipiti rerum Dominio aptissimam fore occasionem, si quidem Moschi inter se discordes de principe suo, alii Suyscio alii Demetrio ficto adhærentes, ut rex Moschoviam suo adjiciat imperio, quæ ante formidabilis erat circumjacentibus Dominis. Itaque Rex exercitum colligens sat instructum, mense Junio tendit ipse sub Smolensk, cingit eam obsidione: sub qua, anno integro commoratus, tandem Dei beneficio, atque suorum ductu auspiciis armata manu occupat & expugnat. Plura de hac obsidione & celebri reportata victoria: hoc loco inferere, non visum est, mei esse

instituti. Cum propositum sit meum eaduntaxat persequi, quæ in Livonia gesta feruntur. Spero non defuturos, qui hanc obsidionem & recuperationem difficillimam fusius tradituri.

Anno vero 1610 Carolus Sudermaniæ princeps tandem aliquando post crebriores ictus cautior factus uti piscator sero sapere incipiens, ictu pertæsus jam belli cum vires defecerint, & ærarium sit expilatum, mittit ad regem Sigismundum sub Smolensk duodecim annorum poscens inducias, [quæ utinam ratæ sint, res enim cum perfidis est, uti experti sumus.] Rex saltem, quod bellum adversus Moschos inchoarat, ad septennium usque annuit. Itaque in Livonia per hyemem pacata sunt omnia.

Vere autem ingruente circa finem mensis Aprilis naves pyratice aliquot missæ a Carolo sub Rigam ut mercatorum naves expugnarent & spoliarent, quæ cum mercibus Rigam navigabant, quibus spoliatis Pyratæ in Curlandiæ Ducis ditiones irruptionem facientes, ad trecenta armenta secum abigunt: magna nobilibus & subditis loci illius damna intulerunt. Sic qui ex præda se sustentat, etiam cum pacem petat, a spoliis non abstinere: largæ namque ligulæ ex alieno sciuntur corio.

Mense vero Majo nautæ qui ex Oceano in Balticum mare navigare statuerant ad emporia Livoniæ, cum inaudissent, naves aliquot quæ illos

præcesserant a Pyratæ svecicis, quorum superior erat Sternschilt, qui capitaneatum egerat Dunamundæ, spoliatas, supplicantes regem Daniæ, ut, siquidem vectigalia illi quotannis penderent, & non esset illis tamen tutum propter pyratas, navigare ad emporia quo vellent, eas curaret cum suis navibus tute Rigam deducere & reducere. Iussis autem rex Daniæ annuens nautarum petitis, octodecim naves majores cum tormentis aliisque apparatu bellico, in navalibus præliis visitato infirmuere & adornare mandat, quas una cum mercatorum navibus mittit ad ostia Dunæ, quas cum Pyratæ Caroli advenissent, subolefacientes periculum sibi imminere, ab armis & pugna abstinere. Epibates vero navium regis Daniæ quem Amiralum vocare siveverunt nautæ, mittit ad pyratam primarium Sternschilt, ut illico cedat ex oris illis, & naves ultro mercatorias nullas infestare præsumeret, alias, si non obtemperaret, se in mandatis habere ut vel cum illis decertet, vel captas ducat ad regiam Copenhagen. Sternschilt svecicus Amiral videns se imbecilliorē esse quam ut illas devincat, nolens volensque vela committere ventis cogitur, & pergit in Sveciam. Sic illa æstate Mare balthicum a pyratæ qui per decennium & ultra magnam singulis annis prædam Carolo afferebant, ex qua bellum cum Polonis inchoatum continuabat, purgatum, liberum nautis navigium præbuit.

Menſe Junio ſuperior pernaviensis Swizinsky, bis ſuos milites expedit, ut excuſſiones faciant in diſtrictum revalienſem ſub Lode & Habſal, qui ablato pecorum & armentorum non parvo numero, redeunt Pernaviā: tempore induciarum cum nobiles ipſius loci ſperarent ſe tutiores eſſe a noſtris. Verum nobiles Habſalenſes & Lodenſes mittunt ad noſtros cum literis rogantes, ut ſaltem equos, quos abegerant reſtituerent, de pecoribus non eſſet conquerendum, ſiquidem forſitan inedia impulſi noſtri victualia quarere tenebantur. Verum Pernavienſes ſpretis petitis nobilium, nuncium cum riſu expediunt. Nobiles vero Habſalenſes & Lodenſes congregata non parva manu, clam ſub Pernaviā excuſſiones facere ſtudent, & talionem reddere noſtris moluntur. Noſtri qui in ſarce & civitate tutiores: Equos ſuos in paſcuis non longe a civitate paſcentes. Itaque inſciis noſtris Germani ſub mœnibus octuaginta equos Polonorum Equitum celerrime capiunt & abigunt: renunciantes Pernavienſibus: ne vitio vertant, nam qua menſura illi menſi fuſſent: illis quoque remenſum eſſet.

Fertur & illud pro vero, quamvis videtur ridiculum: quod a certis hominibus relatum habeo, quod inter collapſa rudera arcis felinenſis: Dæmon ſingulis noctibus mœnia circumeundo excubias peragat: & vigilum more clamet & vociferet: neque mirum nam cum omnia deſtaſata

sint & diruta ita ut ab hominibus inhabitari nec arx nec civitas possit, aptum sua mansione habitaculum Dæmon ceperit, & quod diu hominum vigilia tuebatur ab incurfibus hostium, nunc illius vigiliis custodiatur, ne homines ibi forsitan amplius habitandi locum commodum inveniant.

Ipsis Kalendis Julii Wilnæ in Lithuanæ Metropoli tanta conflagratio excitata, ut civitatis pars quarta vix remanserit, adeo deplorandum hujus civitatis excidium fuit, ut non modo lapideæ & Magnatorum aula, quarum ad 5000: Verum ipsa regia & arx cum templo cathedrali parochiali & aliis cœnobiis aliquot igne consumpta. Illud autem in hac conflagratione memoratu & admiratione dignum accidit: quod sacellum D. Casimiri adjunctum templo cathedrali illæsum remanserit, cum tamen adeo fuit vehemens incendium, ut parietes & fornices nimia flamma debilitati ad fundamenta usque corruerint. Hujus conflagrationis narratio, etsi non spectat ad historiam hujus seriem, tamen, quia unde hoc incendium excitatum sit ignoratur, & quia plerique sentiunt per proditores Svecos & Moschos id factum, iccirco hujus rei mentionem facere hoc loco non duxi supervacaneum.

Mense Octobri hujus anni 1610 Equites nostri qui Pernaviæ præsidia civitatis a duce Chodkevicio relictæ erant, secundo propter annonæ & victualium penuriam in fines Revaliæ irruptionem

nanciscendæ prædæ causa facere coguntur, qui insciis ejus loci nobilibus, eo venientes, non parvum illis intulerunt damnum, quippe cum ad ducenta ferme armenta inde secum abigerunt. Redeuntes itaque cum larga prædâ, superior arcis Swizinsky ab equitibus contendit, ut peditibus ex sua prædâ qui pari modo inedia premebantur aliquid impertirentur, recusantes equites eo quia pedites non cum illis unâ periculum subire. Constituit Swizinsky pedites suos quoque cum 20 Equitibus mittere prædatum. Sveci vero audientes de incursione nostrorum, facta sub Lode & in finibus Revaliæ, atque de damno nostris illato, certiores facti, constituerunt talionem reddere nostris. Clam igitur expediunt quinque vexilla equitum peditumque promiscue in ditiones Lothaviæ, quæ sub Burtnik, Lemsal, Sigwolt & alibi subditos pauperes deprædabantur. Nostri qui Pernaviâ missi erant, pro acquirenda prædâ insci de Svecis, qui jam revertebantur cum prædâ, incidunt insperate in Svecos, dimicant cum illis. Verum alia adhuc vexilla tertia Svecorum a tergo adoritur nostros, cum jam effugii locus ob multitudinem hostium, non conceditur, non pauci a nostris, tum ea in pugna occubuerunt. Vti ferunt circiter 50. alii uti poterant fugâ sibi vitam consulvere. Inter quos duo Equites egregii ex Rotha illustrissimi Palatini Vilnensis perierunt.

Mense Novemb: Dominus Lissowsky unus ex Toparchis qui in Moschovia non cum parva militum manu adversus Moschos militabat, collecto milite, 8000 Svecos, qui Plefcoviam obsederant, veniens Plefcoviensibus in auxilium, a moribus repulit, quorum Campiductor erat Pontus della Garda. [Qui intra suos jam harentes] cum Lissowsky cum suo exercitu sub Narvia Moscovitica castra metasset. Narvia germanica (Iwan-gorod) quæ e regione, fluvio mediante, sita est, vim verita Lissowsky, supplicat Pontum dell Garda Campiductorem Caroli Sudermaniæ Ducis, ut hostes ab illorum cervicibus removeret. Quapropter Pontus collectis undique viribus, nolens volensque conflictum parat adversus Lissowsky. Commisso prælio utrinque decertatum masculæ, non paucis casis ex utraque parte. Obtenta tamen victoria a Lissowsky. Hic conflictus causa fuit, ut suecicus exercitus se contineret intra fines suos, alias forsitan, nisi Lissowsky illis obstitisset Livoniam invasisent, & deprædati fuissent. Sic hoc anno rex ab afflictis Livoniæ incolis hostes avertere dignatus est. Hoc tempore Narvia germanica igne conflagrata magnam civitati excidium attulit.

Anno 1611 initis induciis cum Sudermaniæ Principe, ut supra retulimus, Livonia de novo ex alia parte periclitatur. Nam Moschi videntes

suas

suas ditiones depopulari a Polonis, Livoniæ quia finitima est Moschoviæ ex vna parte, cladem inferre minantur. Inde forsitan audentiores facti, quod regem Sigismundum jam per semestrem sub Smolensk commoratum fuisse, & adhuc parum effecisse intelligerent. Fidentes suos masculæ se defensuros, ut rex infecta re discedere a Smolensk cogeretur. Vlciscendo igitur injuriam & damna refarciendo sua, Livoniam invadere moliantur. Quod animadvertens Dux belli Chodkevicius, colligens militem mille quingentorum primo in finibus Livoniæ & Moschoviæ cum suis se collocat. Moschi irruptiones facere jam timentes in Livoniam, intra suos se fines continere coguntur. Dux vero ne frustra collegisse videretur exercitum, ac ne ociaretur: ut regi qui sub Smolinsky morabatur, quaecunque præstaret obsequium, si ab altera parte Moschos infestaret: parat Piecurum [*Petschur*] oppugnare. Vbi cænobium Divæ Virginis fundatum est Rhentorum. Dictum autem est, hoc monasterium Piecure a criptis subterraneis, in quibus olim cum Moschovia adhuc Atheisino laboraret, viri religiosi qui eam ad Christi cognitionem perducere conati sunt in persecutionibus delitescerent. Tandem studio inhabitare a monachis cœpta sunt, adeo ut tanta fuerit religiosorum frequentia in speluncis istis, ut Duces Moschoviæ ibi fundarint Monasterium Deiparæ Virginis, quam illi

[*пречистая*] *pracistaja*, id est, intemera-
tam vocant. Hoc cœnobium cum opportuni-
tate loci sit munitissimum, ut vix expugnari
posse creditur. Dux per infidias eum primo
obtinere contendit sine militum jactura. Petar-
dam instrumentum bellicum, quæ portæ facile
effringuntur etiam robustissimæ & firmissimæ, in-
struere curat. Clam intempesta nocte eam por-
tis civitatis applicare jubet, per Gallos milites
qui instructores erant hujus machinæ. Quæ ad
portas applicata, cum vi tormenti hujus portæ
effractæ fuissent, Velites nostri confestim irru-
ptionem faciunt in civitatem, insciis Moschis:
quibus cum non ventum erat cito in auxilium ab
eqvitibus nostris, cum advertissent Moschi dolum,
facile ex civitate exturbantur. Itaque sic infecta
re Dux discedere cum suo milite cogitur. Fa-
ctum id ante festum Paschæ.

In Majo secundo contendit Dux, idem mo-
nasterium jam vi expugnare. Cingit illud obsi-
dione, tormenta advehuntur bellica Rigâ & Dor-
pato, cum jam magna pars mœniorum crebris
tormentorum ictibus demolita fuisset, jubet bis
vi incurSIONem facere ad civitatem. Quo tempo-
re cum nostri impetum facere contendunt ad mœ-
nia civitatis, religiosi omnes ex monasterio in
civitatem cum processione & sacra effigie Deipa-
tæ Virginis, quæ apud illos magnò in honore

habetur, timentes omnes proni in terram corruunt
opem Deiparæ Virginis implorando ut habitacu-
lum suum ab hostibus illæsum conservet. [Vbi-
que curat.] Vulgus vero cæterum, mœnia & lo-
ca quibus nostri civitatem adoruntur, tueri &
defendere jubent. Cæsis itaque plurimis ex no-
stro exercitu, præsertim Gallis eqvibus & pedi-
tibus Polonis, cum nihil efficere possent nostri,
Dux a mœnibus recedere & obsidionem solvere
cogitur.

Erat et id adjumento Livoniæ, quoties ab ho-
stium incurSIONibus quietior esset, quod dum ista
sub Pecuri aguntur, et rex sub Smolensk cum ex-
ercitu moratur, Rex Daniæ ob injurias sibi a
Carolo Sudermaniæ Principe illatas, eidem bel-
lum indicat. Parat iccirco naves adversus Caro-
lum, committit primo cum Carolinis navali præ-
lio, in quo dum exercitus Daniæ superatus, ali-
um conscribens exercitum, Rex Daniæ pergit in
Sveciam, primo Kalmar arcem a finibus Daniæ
munitissimam obsidet, et expugnat. Deinde
pergit sub Regiam Stockholm, quam cum obsi-
dione cinxisset Carolus pacis conditiones nolens
volensque ineundo, bellum & controversiam di-
rimit, at nescio si cum damno an emolumento
suo.

Sopitis igitur discordiis Carolus vrget, cum
jam sentiret se, adversa valetudine debilitari, ut

proceres Regni Sveciæ, filium ejus majorem regem Sveciæ inaugurare vellent, quod negotium eum ob multa quæ hac in re consideranda fuerunt, dilationem requirit. Carolus tot malis perpetratis viam quoque vniuersæ carnis ingreditur.

Parta igitur & recuperata Smolensk a rege Sigismundo III, non sine immortalis gloriæ fama, (nam antea Smolensk cum Ducatu severienfi magno Ducatui Lithaniæ subiecta erat,) Rex Carolum Chodkevicium belli Ducem, post obitum fortissimi herois Domini Joannis Petri Sapihæ, qui multa præclara perpetuaque memoria digna in Moschovia præstitit, cum suo milite in Moschoviam ablegat, committendo illi ut absente rege Moschoviæ rebus præesset, & dissidias, quæ non raro in tali statu, uti nunc Moschovia constituta est suboriri solent, sedaret: Et regis adventum ibi cum exercitu copiosiori præstolaretur,

Circa finem hujus anni 1611 Pleskovienses Moschi & reliqui in finibus Moschoviæ & Livoniæ degentes, propter irruptionem quorundam a nostris factam in Moschoviam, nanciscendæ prædæ gratia (cujus factionis autores fuerunt Borzínowsky Rothmagister & Ralsfa, quidam Lithuanus) talionem reddentes, non parva manu Livoniam invadunt, aliquot districtus vastant &

depopulantur, videlicet novogrodensem, Layfensem, Kirrempeensem &c. magnam ex Livonia in Moschoviam prædam abigunt. Captis nonnullis nobilibus Polonis cum vxoribus & liberis inter quos vir bonus Rogozinski vir militaris cum suis omnibus in Moschoviam abductus. Ita vnius alteriusve avaritia, causa extitit plurimorum exitii.

Cum igitur Carolum Sudermanium dixerimus diem suum obiisse, qui per annos 12 bella ciebat in Livonia, alterum vero Carolum Chodkevicium Ducem belli in Livonia serenissimi regis Sigismundi III in Moschoviam ablegatum, Necessesse erat ut bellum quoque tam diuturnum & perniciosum aliquando dirimeretur. Et qui ad pacem ineundam induci non poterat, vnius hic mortis spiculo tactus, finem belli facere & ab armis abstinere cogitur. Virulentus sane animus & rabiosus, qui etiam cum impar sit, & crebris claudibus devictus, fermeque deletus, submittere se & pacem quætere recusat. Iusto igitur Dei iudicio prius e vita cedere compellitur, qui prius ansam belli dederat. Quia vero Carolo Chodkevicio hujus belli livonici cum magna nominis sui fama ac laude perenni, finem facere a Superis immortalibus concessum esset: is quoque mire optime hujus historiæ nostræ Colophonem imponat. Deo immortalis habendæ sunt gratiæ, qui tam protervis atque superbis hostibus gentis

polonæ, ex eadem quoque æmulos tales & belli duces huic regno largitus, qui efferos hostium animos domare, & vires arcesque copiosas in quibus confidunt Dei præpotentis & beatissimæ Virginis auxiliis, fundere & superare expeditissime norint. Cui pro vniversis beneficiis & collatis victoriis genti nostræ, sit honor & laus per imensa secula. AMEN.

APPENDIX.

Hermann u. Brevern tradit in kurze Anzeige derer Scribenten, aus welchen die Historie von Liefland nach Möglichkeit zusammen gefaßt werden könnte, liber manu scriptus. P. 4

Livonica Historia compendiosa series, Auctore Dionysio Fabricio conscripta. Wer dieser Fabricius gewesen, ist mir nicht kund, soviel erhellet aus seiner Schreibart, daß er ein Liefländer römischer Religion gewesen seyn mag. Anfangs mutmaßete ich ob er nicht ein Sohn des Dionysii Fabri aus Pommern gewesen seyn möchte, welcher zu Herr Meisters Plettenberg Zeiten der Lief. Ritterschaft Syndicus, und ein in den Rechten erfahrener Mann gewesen, inmaßen dessen so genandtes Liefländisches Ritter-Recht, oder viel mehr die damahlige Form der gerichtlichen Processen in Liefland in einigen Büchern in 4to. gedruckt vorhanden, und denen rechten Liefländischen Ritter-Rechten beygefügt ist. Allein nachdem Fabricius dessen, in Erzählung dessen, so sich unter Plettenberg zugetragen, umständlich erwehnet, ohne Beyfügung, daß er demselben mit einiger Verwandtschaft zugethan, welches er ob merita dieses Mannes und seinen daraus ihm zuwachsenden Ruhm nicht wohl würde unterlassen haben, als bin auf andere Gedanken gerathen. Uebrigens hat er in seiner Historie eines guten Lateins sich gebraucht, und in der Präfation seine Intention

mit mehrern dargethan. Zugleich anführend, wie schwer es sey, eine vollständige Historie von Liefland aus Mangel der verstörten erzbischöflichen Bibliothek zu Kottenhusen abzufassen.

Adhuc quædam Dionysium Fabricium spectantia, ex Epistola Viri sæpius laudati atque doctissimi J. C. Brotze, quæ ut pace Viri eruditissimi quem veneror, in celebritate versentur, oro.

Im J. 1784 schrieb ich an Gadebusch wegen des Dion. Fabri, und äußerte mich, daß ich Pomeranum für seinen rechten Vaterlands Namen hielt; weil ich in meiner Abschrift das Wort Pomeranus über dem Titel neben dem Namen beygesetzt fände. Gadebusch antwortete also:

"Dion. Fabri der die compendiosam seriem Historiæ Livoniæ geschrieben hat, ist von dem Ordens Syndico ganz verschieden. Hier sind meine Gründe 1. geht die Series bis 1610 wie Arndt bezeugt 2. der Ordens Syndicus mag höchstens bis 1550 gelebt haben; denn 1504 that er schon die Reise nach dem gelobten Lande. 3. Der Mann der in Ihrem Exemplare beygeschrieben Dion. Fabri Pomeranus, hat vielleicht keinen andern gekannt, und den Ordens Syndicus nicht recht gekannt; es ist höchst wahrscheinlich, daß dieser ein Evangelischer gewesen ist. 4. Der Geschichtschreiber Dionysius Fabricius war Probst zu Welin, und kommt in unserm Rathesprotokolle 1604 S. 14. und 17. vor."

Hist. Russ.

610

